

Apozeliyara Jizaazare Widaasadera Apozeliyara Yigasangira.

¹ A'mwe Tiyopilaazaigi, Bukuya piri' giminyina wi'na yavikarye. Jizaazai yuya yaka yuya wijiwaakina yaka yagaala yuya sa wi'na yavikarye. Jizaazai aayawidaasi yaka ² Sigunyavi ayina yilaawaka sanna wi'na yavikarye. Sinnaw+ sagaa' milaawiagaa' Jizaazaly+ Kuryai Tewaanyai mwaaidori Jizaazai Widaasade Apozeliyaraavi kumire wawinya'na nayaa yijiwaaka' ata dahilakinikeraavi. ³ Sahwai balakegaa' sawita a'mweraare sivlatiraalya jinnadaa'ny+ sahwai bada yuya diraginnya yada kumi yuya tinna wangadivi' dara yawiresa' "O, nebulyasi. Sarena Jizaazai ayina damwaalika!" Sara yawireva kumi mwaaidivi' Gotiyai a'mweraavi maremwaalade'na widakelyira. ⁴ Pigaa' kumi yikabesagaa' wida' "Anga Jeruzaalemi myagalya'mapinera! Aawa. Nimwai gannya yangeri yihizaavade'na jemwaalyila! Gotiyai diraginna yihithake' nimi mena yihithe'na jemwaalyila! ⁵ Joni Bavitaaziya Yadei aalyavi bavitaaziya yake' kiri' divi maalikageaa' bavitaaziya'bisa' Gotiyare Kuryai Tewaanyai sariminy+ munyikaavi yunebanna wilamwaaina yihyatheihilyira," wida'.

*Sigunyavina Jizaazar+ makilaawake'nesi.
(Maaki 16:19,20; Luki 24:50-53)*

6 Sarev+idaa'ny+ pigaa' Apozeliyara y+kabesagaa' Jizaazai mwaaidi'ny+ kumi wide' "Naangeigi, dahaasagaa' Maremwaaide' Y+izireliyainaav+ina ay+ina di+nejaade'na daaka?"

7 Sara kude' wida' "Sare'na y+ima'nade'na myaw+ip+inera! Sar+im+ny+ine'na mi+ka! Ni+mwai sahwai sara yaw+irajai sagaasi yuyagaasi sagaa' wakadely+ira. Sare'na gam+ire di+rag+inya'na gavei yaw+im+an+ikes+ra. 8 Sa'na ki+ri' Kuryai Tewaanyai sar+im+ny+ bay+h+mwaaidozi di+rag+inya naange' kih+zaavoji Anga Jeruzaalemi dava Kwaaka Juthiya yuyabanna Kwaaka Sameriya yuyabanna Kwaakevaki ti+yaw+ anga yuya daw+inna ni+m+ny+ina pwaraavi duzal+ikurakyideih+ly+ira." 9 Mi'na kuda' gam+rera baihana'dapi Si+gunyav+iner+ mak+ilaaw+ina ya'. Makidawadaa'ny+ y+raaya' galayewaa'mwana kya' ti+inna mwanganyage'.

10 Makidawadaa'ny+ Si+gunyav+ ti+inna kuna wangadaapiji, y+thaa, a'mweraai baazi'ma'nya yaaka baazi'ma'nag+ileraai kwaraayaba bima'ny+ina yagi. 11 Mi'na bima'ny+ina yagi+la widahi "Kwaaka Gal+ili mwaalyaihi, saba daaveva Si+gunyav+ ti+inna be'na baihanakava? Sare'na si+munya kwalaalya myaw+ip+inera! Sar+im+nyabadaasi Si+gunyav+inei Jizaazari makimwaaw+ikei sahwai Si+gunyav+ sara yimwaakabaabi' ay+ina walaabathely+ira," widahi.

Juthaazare waw+inya' a'mwe mud+kei maarake'nesi.

12 Sagaa' Mugunya Wolividaasi Jeruzaalem+nera ayina wawe'. Mugunya sa' angeba esaba kilomitaaya pir+i' warikesi. (Juyaraavire Kwazaakevi kaanya wodivisabe.)

13 Wawesara Jeruzaalemi wileva ku'dikevi munyaba kigaa' aya mwaalesabanna yilaawe'. A'mwe sarajiya pwai Pitai, pwai Joni, pwai Jem+zai, pwai Ediruyai, pwaraai Pilipiji Tomaazalyi, pwaraai Baatolomyulyi Matiyulyi, pwai Alip+yaazare gawaali' Jem+zai, pwai Saaimoni gannya kwaakevina yawi'dei (Selotiyai), pwai Jemizare gawaali' Juthaazai, sara yuyara mwaale'. 14 A'mwe sahwaraji a'mweji Maariyaa' Jizaazari ganaangesi gya'mweraji avaaizimunya yawireva yuyagaa' Gotiyari wija'na yikabadi'v' Gotiyari wide'.

15 Yirika sagaa' kwiya'mwera kwalaalyara yavinakera (120) yikabeva mwaaidapiyaraayawi tinnyawi Pitai daavaka yagaala widina ya'

16 "Nya'mweihi, kigaakuna Kuryai Tewaanyai Ne Deviti+mi kujiwakya' Deviti sara yidayaa'. Sara yidayaake' nebulya' yunebanna yima'nya'ne' mena yima'na'. Juthaazai kyibwaridaakwa' a'mwera Jizaazari wila pwiyesai Juthaazarina nebulya' yima'na'. 17 Juthaazai nemijiyari Naangei dahilakakelyi. Nemiji gamiji avai-wawinya widaayo, Apozeliyaina," wida' Pitai.

18 Kayaa'nanya'na yibwaridaakwia'ne'na Juthaazai nigwia tivikisa maarakenna wawinya piji' mube'. Sajiki walaraawaka gannya munya kayaaka yina yaka gannya ligilya' mwasaba kabwalyara' sahwai bala'. 19 Savina Jeruzaalemi mwaalyara yuyara kadika wi'neva wawinya

saji' kunnya yagaala “Akelithaama,” wo'nike!
 “Wawinya tawanake!,” dinikesi.

²⁰ Pitai wida' “Sare' dare'nesi. Bukuya
 Saamiya (Yiledaata) yida'nyina

‘Gamire ange' kune' yima'nana!

Savi a'mwera mulamwaalyi yipika!

Nabaai yagaala piri' yida'nika

‘Gotiyarina yade' a'mwe pwai yana!

²¹⁻²² Sara yida'nikevidaa'nyi Juthaazare
 wawinya yiya' pwai maarana! Sahwari
 kadahilakawaaji Naanga Jizaazai baryai
 dikaavake' tinna wanganakelyi pwaraavi
 wikalikuraadeinera. Kigaa' nemijiyai

Naanga Jizaazalyi kaanya yamaryori
 dahilakaana! Sinnawi Joni Bavitaaziya Yadei
 widaegeasi pigaasi Sigunyavi Jizaazari
 makyimwa'daawadikegaa'na nemijiyari
 dahilakaana!”

²³ Pitai sara kuda' piba
 a'mwera a'mweraari wimwaaihe'. A'mwe
 pwai Baazavaazai Jozepiyai wo'nikei yaya piri'
 Jaazitazai wo'nikelyi. A'mwe pwai Mataayazai
 wo'nikelyi.

²⁴ Wimwaaiheva dahilakya'na
 Naangeri wide' “Naangeigi, a'mwe yuyaraavire
 kuryaraji sidusaji yawi'mwaa. Sa'na, Naangeigi,
 a'mwe daraarina gawari dahilakaajiwona?

²⁵ Sai Juthaazai githaayake' apozeliyare
 wawinya' yana! Juthaazai gimire wawinya'
 ya'mavaka gannya kayaa'nanyabanna wawaka.
 Wawinya sa' pwai yana!”

²⁶ Mi'na wideva
 kirimire yaya yidaveva Mataayazare yaya'
 yida'nike' wanganeva dine! “Sare'na Mataayazai
 dahilakiwo. Jizaazai Widaasade atiraai

sivilyiri+daasi pwaraalyai Apozeliyaraayaba wimwaaih+wo,” dine’.

2

Kuryai Tewaanyai walaabake'nesi.

¹ Tika Munne Pedikoziyagaa' mena kavura' anga gavev+na Jizaazari wi'nadiv+ita yuyara yikabe'.

² Kyikabe' sigunyav+daa'ny+ yihu'jake'b+isa' yarai yaka anga yunev+ buzaaimwaalesavi naanga ya' jaka sa'.

³ Sara yakegaa' dara wanganesa' “O, piw+inna piw+inna ditaal+itab+isa wawaka nem+ yuyainaavi daney+me'n+iwaka!”

⁴ Sara kade' Kuryai Tewaanyai kum+re simunyang+ yunebanna wilamwaaalaka yagaala tewaanya' w+ja'na diraginna kujaava' Maaveraav+re yagaala ge' ge' gaai wide'.

⁵ Sagaa' Anga Jeruzaalemi Juyara aj+mya yuyang+ya gazavasavak+daasara mwaale'. Pwara Juyaraav+re kiw+inya limwad+iv+isarera.

⁶ Sahwara yihu'jake' kad+ika wi'neva kwala bwa'naanya yarai y+'bwa'naab+na. Yarai y+'bwa'naab+na yeva Jizaazarera aj+mya yuyang+yaraav+re yagaala widad+iv+isa'na kad+ika wi'neva yi gazaizai gannya yagaalya' wi'naka at+ika maru'na'na.

⁷ Yuyara maru'na'd+iv+ dine' “Niwaava, ber+ivaka? A'mwe dara nem+re yagaala ge ge ned+ivan+igasara Kwaaka Gal+li mwaalyara yuyarera. Niwaava!

⁸ Garanevaka? Nem+ yuyainaavi gazaizai kad+ika dara wi'n+ivan+ike' ‘Ai, nennya aangyagaala daned+ivan+igava!’

⁹ Sahwaina

Kwaaka Paatiya mwaalyainaji Kwaaka Mithiya mwaalyainaji Kwaaka Yilaami mwaalyainaji Kwaaka Mezopotemya mwaalyainaji Kwaaka Juthiya mwaalyainaji Kwaaka Kapaathoziya mwaalyainaji Kwaaka Podaazi mwaalyainaji Kwaaka Eziya mwaalyainaji ¹⁰ Kwaaka Piriziya mwaalyainaji Kwaaka Paabiliya mwaalyainaji Kwaaka Yizipi mwaalyainaji Kwaaka Liviya Anga Saairini pimagi mwaalyainaji Anga Romi mwaalya pwainaji mwaaiho. ¹¹ Nabaai Juyainaji Maaveina Juyaraavirebwi yadaanyainaji pwaina Ahu'manna Kiriti mwaalyainaji Kwaaka Areviya mwaalyainaji yuya saina bamwaalona Gotiyai tewaanya yakenna nennya yagaalya nedivanigasa' kadika wi'nivanigone!" ¹² Simunya kwalaalya yawi'divi' atika maru'na'divi' yiwaara'ne' "Gara yiwaka?" ¹³ Sara kyiwaara'ne' kiri' pwara kadika wi'nya'ne' sinna tika wida'daasi birala wie' "Biyaaya naanga neva kunya maayara mwaaihava sara divanigasara."

Pitai widake'nesi.

¹⁴ Sagaa' Pitai Jizaazai Widaasadera atiraai siviliyiridaasi pwalyaraji daavaka kwala bwa'naanyavi yagaala naange' gaai wida' "Kwaaka Juthiya mwaalyaihilyi Anga Jeruzaalem mwaalyaihilyi yuyaihi yith+th+wija' kadika nayaa du'nyila! Nimire yagaalya jawirila! ¹⁵ Sare' dare'nesi. Nyidwaasa'na a'mwe dara biyaaya manyeva sidu'nakera mwaaiha'. Sawisaburi daaka! Sawisavi daaka! Mwanyavi naaini kilokiyagaa' biyaaya'na

a'mwera kumaayara mwaaidivisara daaka!
 16 Arikawî. Da' Gotiyari wi'nawijiwakyaaakei
 Ne Jowelî yîdayaake' yîma'nîvanî'. 17 Dara
 yîda'nîka

'Gotiyai dînikesîra. Aayagaa' dara yîdeinyîra,
 Kîlaa'naka yuyaraavîna Nînya Kuryari
 wîdîngikîdeinyîra.

Kujaava'mujî Kuryai Tewaanyai kumîre
 sîmunyangî kulamwaalojî

Sîrîraavaangejî sîrîbwaalîvaangerajî nîmînyî
 nyu'nawijîwaakîpî'desîra.

Sarîmîre mîgînyara se mwaryapîjî
 a'mabaaitîna wangabî'derera.

Sarîmîre nera se warapîjî waja ya'nîpî'derera.

18 Yo, sagaa' Nînya Kuryari wîdîngikîdengîra,
 Nyîdaayadîvîta a'mwejî a'mwerajî samîlika.

Kuryai mena kulamwaalojî sagaa'

Nîmînyî nyu'napi pwaraavî wîjîwaakîpî'derera.

19 Munyaba sîgunyavî dîragînyangîjî gengîjî
 yîdeinyî.

Kwaakeba Kwaakevakî kujîwaaina'mujî atîka
 maru'napi'derera.

Tawesî dîkesî jîta naangesî wangabî'derera.

20 Nyîlyai mavuri yojî jîhînyai yîma'nadelyî.

Lawei wayaaka tawe'bî' yîma'nadelyî sagaa'.

Kwanganapîri Naangere dîragînyagaa' naange-
 gaa' yîma'nadehaakî.

21 Gazaizai gaimwange'na Naangerî jaka
 kadanonori

Naangei kavadaihasmaarojî Naangerei
 yîma'nadelyî sahwai.'

Sara dînikesîra.

22 Yizireliyareihî yagaala dangî kadîka du'nyîla! Gotiyai yawî'na 'A'mwera dara yawîpî'de! "O, Gotiyai Naazaretî mwaalyai Jizaazarî wîdasîwaabîkei daaka!" ' Sara yawîraka gannya diragînya! sahwarî kujaava! sai diragînyajî atîka maru'nasa'nejî wîjîwaainya'nejî yîna ya!. Sara yada dava sarîmînyaba yadaasiya'na sahwaihi mena yawî'mwaasaihîlyî. 23 Kîgaa! Gotiyai sîdu'nakei diragînna yawîraka 'A'mweraavîre kayaa'nanyanna Nyîbwaalîvaangei balade'na wîdaasîdeinyî.' Gotiyai sara dakei Jizaazarî kyîhîmaarya! sarîmî 'Aala!' dîna yeva dînyîna 'Yîsavîri Gotiyare kîwînya maayara sahwarî nilîya tabîka!' Dînyîna kye! Romîyara sahwarî tamaketa sarîmîre wawînyasîra. 24 Sarîmî sara yesa! kîrî! Gotiyai sarî ayîna yîdîkaava!. Jizaazai yuyagaa! baryai mwari kyadîke'na gîleangeba taanga kînînnakeba padaihasamaa'na yaka yîdîkaava!. 25 Sare! dare'nesî. Ne Devitî gamînyîna yîda'nîka wîjaa!

'Yuyagaa! sînnîmagî Naangei mwaaida wan-gadînyainyî.

Nîmîre aangasîmagî mwaaide'na lîka myîwîneinyî.

Sai "Lîka nyadîkajî," diragînyainyî nyîmwaaihîwa!.

26 Savîna nîmîre sîmunyavî yîlaaya yadî

Nîmîre taalîsasî yîleyagaainakeinyî wîdadînyainyî.

Nîmîre kîlaakejî! wakadehaa! Gotiyarî yemwaalîdezîkî.

27 Gilaayaraavireba nimire kuryai myagalya'mayi jitheiginyi.
Jiwaalivaanga tewaanyainyire kilaakeji' bwia maburannejiki.

28 Gaalyaburine tusanna nawi'nyina nyijiwainiwaana.
Niminyaba mwaaidinya'na yilaabaywi dinyeku'deinyira.'

Ne Deviti sara yida'nikesira.

29 Nya'mweihi, Ne sinnawinyai Devitimi na nayaa nebwina yihithima! Deviti gaminyina myidayaa'. Aawa, sahwai kabala' kwakya' sai madikaayi yaa'. Madikaayi kyaa' dahaasagaa'na dava neminyaba gamire wakinikevi wangadaanyainera. 30 Deviti piropetiyai Gotiyari w'i'nawijiwakyaakei mena yawiryaa'. Gotiyai Devitimi yagaala diraginya' wijaa' 'Gimi kingiyaigi maremwaaidinyabaaibi' ginnyai a'mweraavi maremwaaladeri wimwaaihidelyi.'

31 Sarevidaa'nyi yawiraka dara wanganyaake! 'O, Gotiyai sara yadei daaka!' Daka Kiraazitiyai baryai ayina dikaasa'na dinikesi.
'Gotiyai gilaayaraavireba myagalya'mayi yakelyi.

Gamire kilaaka bwia maburyakelyi.'

32 Sara dinike'na Gotiyai Jizaazari yidikaavakelyi a'mwe dai baryai. Kyidikaava' nemi yuyaina sahwari tinna wanganorina yihizalukurakivanigoinera. 33 Sigunyavi Gotiyare aangasimagi diraginnakeba kamwaala' Gotiyai Ganimaangei sara widake' gannya Kuryai Tewaanyari sara kujaava' Jizaazai Kuryari yange'na

neminyina yaasiwakev+daa'nyi sarimi kadika
 wi'nivanigasaji tinna wangamanigasaji Kuryai
 Tewaanyarina sara yivanikelyi. ³⁴ Sare!
 dare'nesi. Sigunyavi Jizaazai yilaawaka kiri!
 Ne Deviti yida'nika sahwai myilawiaa!. Aawa.
 Sinnawi Deviti dara wijaa!

'Naangei nimire Naangeri wida!

'Nimire aangasimagi dava mwaaida'gizi

³⁵ Gimire sivilyiraari yikamaangeraavi maru-
 lawakidehaa'nanyi.

Diraginaangeigi nimire nawi'nyaba
 gimwaaih+dehaa'nanyi." '

Ne Deviti sara dinikesira.

³⁶ Sarev+daa'nyi Yizireliya yuyaihi nayaa
 jawiramaremwaalyila! Jizaazai darina
 yih+th+vanigori yisaviri niliya wiratesaihilyi.
 Sarimi sara yeta Naangeri Kiraazitiyari
 wimwaaiha! Gotiyai." Pitai sara widakesi.

³⁷ Savi a'mwera kadika wi'neva smunyangi
 kale naanga wiadaa'nyiyagaa! "We!"
 deva Pitariji Apozeliya pwaraaviji wide!
 "Nya'mweihi, gara yaajiwo? We!" ³⁸ Pitai wida!
 "Sarimjiya gazaizai kayaa'nanyabwi myanna!
 'Simunya mudike Gotiyarebwi yiwijainyi,'
 kadapiji Kiraazitiya Jizaazare yayavina
 aalyavi bavitaaziya! kyihyawaaji sarinnya
 kayaa'nanyabwi Gotiyai marasi'nadelyi.
 Kamarasi'noji Gotiyare yangeri Kuryai
 Tewaanyari dimaaryideihilyi. Nabaai, Gotiyai
 dini! 'Nimire Kuryari gizaav+deinyi.' ³⁹ Sare!
 dare'nesi. Yagaala yune naanga nebulya'na wija
 savi giminyinaji gimire kaimiraayaraavinaji
 menyawinyaraavinaji dinikesi. Yi gaminyawi

nemire Gotiyai Naangei yuyaraavi jaka wijivwaramaarojiya sahwaravina gannya Kuryari wijaavadelyira.”

⁴⁰ Pitai tewaanna widaka yagaala pini diraginna wikalikurakada widihaa'bwara! “A'mwe dahaasa dara kayaa'na yadivisaraavi kayaaka yoji giminyiji kayaaka nyihyadika! Gotiyari jaka duthana! Yihvadaihasamaarana!”

⁴¹ Sarevidaa'nyi a'mwe gamire yagaala nayaa wi'nesaraavi Jizaazarera bavitaaziya yina ye!. Bavitaaziya yina kye! yirika sagaa! Naangei kurinaka kwala naanga 3,000 saraavi gannaraayawi ye'mwannawimwaiha!.

⁴² Sarera Widaasadera Gotiyare yagaala wijiwaakadivisagaa! kadika diraginna wi'nibainyina. Kadika wi'nibainadivi! yavada'galya'na yuyara nayaa dinyina yadivi! “Jizaazai neminyineba balakelyi,” dadivi! gave piba girikula gunyina, nadivi! yuyagaa! Gotiyari widadiviki.

Kiraazitiyareraavirebwinesi.

⁴³ A'mwe yuyara Gotiyarina lika ye!. Gotiyai gannya diraginya! Widaasaderaavina kujaava! kumi diraginyaji nawi'nya wijiwaainyaji kye! a'mwera atika maru'nareva lika ye!.

⁴⁴ Lika yadaapiji wi'nadivisara avaaizimunya yawi'divi! kuna yikabadiyi! Naangerina didivi! kumire wapaayaji gilyivisaji jaapaina yadivi! yanga yinyina. ⁴⁵ Yanga yinyina yadivisara kumire kwaakeji gilyivisaji mubadivi! “Nigwimaayai damwaalika!” dadivi! nigwimaaya sahwaravai wimudaasakeraavi

wimunna. ⁴⁶ Wimunna yadivi' yirika gazarisarik'i Gotiyare Angevi kuna yikabadi'v'i yilaaya yadivi' kumire angengi girikula gunyina, namwaaina. Namwaaina yadivisara pwaraavina yawi'na yadivi' simunya yida'nanyangi yilaaya yadivi' wapaaya jaapalanamwaaina. ⁴⁷ Jaapalanamwaaina yadivi' Gotiyarine yayavi munyaba makidivi' a'mwej' a'mweraji sa dinyina "Jizaazarera tewaanyarera." Dinyina yadivi' yirika gazarisarik'i Naangei a'mweraaviji a'mwengiji padaihasamaa'da gannyaraayaba kusilaanyaraayaba wimwaaihada mwaale'.

3

Sivila kayaa'nanyari yavada'galake'nesi.

¹ Pigaa' sawisiri tiri kilokiyagaa' Gotiyari wijahaa' Gotiyare Angevina Pitalyi Joniji wogi. ² Saba tikurya piri' "Tikurya Nawinyava," wo'nikevi sivila kayaa'nanyai mudangegaa'daasi sarei yima'nakei mwaala'. Yuyagaa' tikurya savina pwara makabeva walamwaaihina yadivi' Gotiyare Angevi widaawadaapiyaraavi naanga yidaangadelyi nigwianna. ³ Sarei mwaalaka dara wanganake' "O, a'mwe saraai duimanaabihila!" Daka wida' "A'mweraahi, nigwia yanga dinyijaayila!" ⁴ Tinna baihana'na yagila Pitai wida' "Tinna dinehwangana!" ⁵ Sara kuda' sai yawi'na "Nigwia nyijaayikadera." Yawi'na yaka tinna wanganna ya'. ⁶ Wangadaasi Pitai wida' "Nimi nigwia aawa! Kiri' pibwi

tewaanyabwi kininnakeinyi yanga gizaavima!
 Naazreti mwaalyai Kiraazitiya Jizaazare
 yayavina githima! Kaanya jamarya!”
 7 Mi'na widaka gamire aangasavi maaraka
 yiri'bwara'. Yiri'bwadaasi gamire sivilyiraalyi
 naba'jangeralyi diraginya yarai kyima'na'
 8 yiladikwosi'naawina yaka gannya sivilyiraalyi
 daavina yaka kaanya gaai yamarina ya'.
 Kaanya gaai yamaryaka Gotiyare Angevi
 Pitalyi Joniji saraalyi ye'mwannawilaka
 yamaryada dikwosi'nada Gotiyari yilaaya
 maryada mwaalina ya'. 9 Mwaalina yaka
 kaanya yamaryada Gotiyari yilaaya maryadaasi
 a'mwera bwanganewa 10 dara wangesa' “Ai,
 a'mwe sai Tikurya Nawinyavi walamwaaina
 yada nigwianna nedadei daaka!” Sara deva
 sahwari yima'nakevina ni'nika yadivi' atika
 maru'na'na ye'.

Gotiyare Angevi Pitai widake'nanyira.

11 A'mwe sai Pitalyi Joniji saraari limwadaasi
 a'mwe yuyara atika maru'na'divi' kuminyawi
 yihuliviliyavina bina ye'. Gotiyare Angevi
 yihuliviliya sa' Solomonimire yihuliviliya'
 wo'nikesi. 12 Bina kye' Pitai yuyaraavi
 tinna wanganaka wida' “Yizireliyaihi, da'na
 atika baa'na maru'na'manigava? Baa'na
 nengamanigava? ‘Kirinnya diraginyasi
 tewaanyabulyi sasara yagila a'mwe dai
 kaanya yamaryaderi w+mwaihiwaai,’ sara
 jawi'manigava! 13 Aawa, davwina Eviraamiji
 Aazakiji Jaikopiji saraavire Gotiyai nemire
 sinnawinyaraavire Gotiyai gannya widaayadei,

Jizaazari yidikaavaka gannyaba byaannakeri wimwaaihake'nesi. Sare'na yiwolya'nesi. Gannya widaayaderi Romiyaraavire kotiya'na sarimi makuna kye' a'mwe Paailati yihitha' 'A'mwe tewaanya dari wila kulayaara'muji wawadelyi.' ¹⁴ Sara kyihitha' Paailatimyaba 'Arikewinyi. Sahwai aala!' widesaihilyi. Sahwai tewaanyai yida'maraangei nayaa yadei kiri' sarimi 'Arikewinyi. Balana!' wideva Paailatimi wide' 'Sai balana! A'mwe pwar' wilya' jaaka!' A'mwe sai kigaa' tamakakei kayaa'nanyalyi. ¹⁵ Sara widina yeva Gaalyaburine Aaya Kaavilyari Romiyaraavina wijaavina kye' tamakina ye'. Mi'na tamakina kye' divi Gotiyai yidikaavake'na tinna wanganolyainai savina yihizalikurakivanigo. ¹⁶ A'mwe dai Jizaazari limwagarakevina Jizaazare diraginya' sahwari yavada'gainwa'. Yithaanyi, tinna wangamanigasasi siduta yawi'manigasasi a'mwei sivila tewaanyaraalyiyarina Jizaazai sara yiwa'. Naarimi dina 'Jizaazai diraginaangelyi,' dina yola Jizaazare yaya' a'mweri widina kyivoi sariminyaba dai tewaanna mwaalikelyi.

¹⁷ Nya'mweihi, sariminyina yawi'mwa. 'Juyara siduta myawiri yeva Jizaazari kayaa'na ye'. Sabaaibi' kumire a'mwe naangera sara ye,' nimi sara yawi'mwa. ¹⁸ Yesa'na sinnawi Gotiyai piropetiyara wi'nawijiwaakyaraavire maangengi wijaa'. Dara dini' 'Gotiyare Kiraazitiyai, Gotiyai dahilakyaakeri daanga wivnadelyi.' Sara dinike'na Jizaazari sara tamake'. Sare'na Gotiyare yagaala nebulya'na

yakesira. ¹⁹ Sarevidaa'nyi dahaa' sarimire simunyabwi mudikebwi jawiramaarila! Dihinyiwannyila! Gotiyari kudapiji sahwai sarimire kayaa'nanya marasi'nade'nanyi.

²⁰ Marasi'noji gaminyabadaa'nyi tewaanyagasa sariminyi maryasaabathelyi. Nabaai sariminyina Gotiyai yawiraka sinnawi Kiraazitiyari dahilakakeri maryasaabathelyira Jizaazai. ²¹ Kigaakuna Gotiyai piropetiya tewaanyaraavire maangengi wijaake sara yida'nike'na 'Sigunyavi Jizaazai yemwaaladelyira.' kada' yuya mudike yavada'galojiyagaa'na walaabathelyira.

²² Jizaazar dahilakakerina Ne Mozizai yida'nika 'Nyidasaabakabaabi' Naangei sarimire Gotiyai sitya'mwerajiyari piropetiya dahilakoji sariminyina widasaabathelyira. Sai Gotiyare yagaala yihithathelyi. Yuya sa mi'na kyihithozi kadika wi'napiji sara jideihlyi. ²³ Piropetiya sari kurinaka gazaizai kadika mu'nyi kyoji Gotiyare a'mweraayawidaasi Gotiyai mu'nyade sari jaapaina yoji kayaaka yigaladelyira.'

²⁴ Ne Mozizai sara yida'nikesi. Sara kyidava' Gotiyari wi'nawijiwaakadivita piropetiya A'mwe Saamyiweliji yuya diviyaraji sara yirika daryaavi dangina nejaa'. ²⁵ Gotiyai sara wijaake nelmwagarake' piropetiya nejaata dinika sariminyinengira. Gotiyai Ne sinnawinyaraavi naanga wijaake' nelmwagarake' sariminyine yagaalyasira. Yagaala sa' Gotiyai Eviraamimi wijaal' 'Gimire yisiwai tewaanna kyoji sare'na Kwaakevaki jilikaimiraaya yuyaraavina tewaanya naanga yanga wideinyi.'

26 Savina Gotiyai gannya widaayaderi dahilakaka sinnawi sariminyawinna kudasaaba! Jizaazai yihithivani! 'Gazaigizaigi gimire kayaa'nanyabwi jahalya'maka!' Sara yihithivanike! Gotiyare diraginya! yihigaimwagozi tewaanya naanga yanga yihyadelyi." Pitai sara wida'.

4

Kaajoliyaraayaba Pitalyi Joniji widahilya'nesi.

1 Pitalyi Joniji saraai a'mweraavi kuna widadaakiyyagaa! Gotiyarina mubithika yira'divisaraji Gotiyare Angevina dameraavi maremwaaidelyi! A'mwe Sazuziyaraji sara bina ye! 2 Bina yeva sinna tika wida'daasiyara. Sahwara dinyina " 'Jizaazai balaka ayina dikaavakelyi,' wdivanigilya'na a'mwera simunya nyawipidika! 'Sinnawi Jizaazai kadikaava' nemi kabalawaaji divi dikavaade'nanyi,' nyawipidika!" Dinyina kye! sinna tika widavakerera. 3 Sinna tika wida'daasi nyilyai walakyagaa! a'mwe naangera yawina yeva "Sawisavi kotiya' madaanner!" Pitalyi Joniji saraari wila pwiyeve dinyina "Sawisa'na kalavuzangevi wakawaaji mwanyavi kotiya' yaana!" Dinyina yeva kalavuzavi wimwaaihina ye! 4 Wimwaaihina kye! kiri! a'mwe kwalaalyara widahilyavi kadika wi'neva Jizaazari limwagare!. Sagaa! a'mwe sara sahwari limwagesara kwala naanga naanga 5,000 mwaale!.

5 Mwanyagaa' Anga Jeruzaalemi saba Juyaraavi maremwaaidiv+saraji a'mwe naangeraji Juyaraavire Kiw+jaraji yikabina yina ye'. 6 Yikabina yina kye' Gotiyarina Yira'de Naangei Anaazalyi Kaayapaazalyi Joniji Alekizaadalyi Gotiyarina Yira'de Naangere jilikaim+raayaraji bamwaaina yina ye'. 7 Bamwaaina yina kye' tinnyaba Kaajoliyara Pitariji Jonimiji saraari wimwaaiheva y+waarave' "Sa' gara yawaaih+la? Be dirag+nyavaka? Kir+mire jawaaih+la sa' aarine yayavaka?" 8 Sara ky+waarave' Pitari Kuryai Tewaanyai yunebanna w+lamwaaidi'ny+ w+da' "Nemaremwaaidiv+saihiyi a'mwe naangeih+lyi saihi, 9 siv+la kayaa'nanyari tewaanya y+ke' gamire siv+ly+raai tewaany+raai yavada'galyawaaiholya'na daneh+thiwaava! 10 Sa'na sarimi yuyaih+lyi Yiz+reliya yuyaraji saihi dara yaw+p+ja' 'Ai, Kiraazitiya Jizaazai Naazreti mwaalyare dirag+nya' kyawaali' a'mwe dai maamidaryai y+ma'naka nem+nyaba daa'man+kei daaka!' Yih+thiwolyai Jizaazari yisav+ri sarimi niliya karame' baryari Gotiyai ayina yid+kaavakelyi. 11 Sahwarina din+ke'

'Silaangerina madiv+saihi "Waryaanyasi,"
d+neva wasi'ne',

Gotiyai sim+daangeri nayaa maray+lamwaaihakelyi.' Sa' din+kesi sahwarina. 12 Kayaa'nanyanna Jizaazai gavei nevadaihasamaa'delyi. Kwaaka yuyavaki aane pwai kwari Gotiyai madah+lakyaka nem+re kayaa'nanya wasi'nya'neri Jizaazari wimwaaiha'. Aane

pwaina kwaina mi'. Sahwai gavelyira," sara wida' Pitai.

¹³ Kaajoliyara dara wangesa' "Niwaava, Pitalyi Joniji saraai lika myivanigilyaraai daaka! Saraai a'mweraai nemire sikuliyavi myadisaraai daaka!" Deva atika maru'nare!. Atika maru'nareva dara yawiresa' "O, a'mwe saraai Jizaazalyi kaanya jamaaryagila!" ¹⁴ Sara deva Pitalyi Joniji saraaryaba a'mweri yavada'gainikeri wanganewa dinyina ye! "Tewaanyai mena daa'manike'na saraari maiyagaala aane piri' kiri' mudaanna!" ¹⁵ Mi'na dinyina yeva "Mwasawinna dimwaalyila!" diraginna widina ye!. Mi'na widina kye' kwalyawe' Kaajoliyara dinyina ye!. ¹⁶ Dinyina yadivi' pwara yiwaara'na yina ye! "A'mwe saraarina gara yaajiwona? Sare' dare'nesi. Jeruzaalem! dava yuyara mwaaihasara yawi'maniga' 'Saraai tewaanya' diraginya' yawaaihila.' Sara yawi'manigasa' majina 'Sa' nebulya' mika!' muji yaanneinera. ¹⁷ Aawa. A'mweraayaba yuneba yagaala sa' nudipidika! Diraginna widaathera. Sahware yayavina a'mwe aane pwai kwari' mujikanera! Savine'na mala nayihiramaadika!" ¹⁸ Mi'na dineva saraari jaka widina kye' saraai ayina wiladaa'dakilyi widina ye! "A'mweraahi, yuyagaa' a'mweraavi Jizaazare yagaala mujikanera! Jizaazarina mujywaakyikanera!"

¹⁹ Saraavi Pitalyi Joniji ma'maaragi "Sari'mi sahwaihi tewaanna jawibwaryila! Gotiyai kanengamani' Gotiyare yagaalya' yagalya'mavakwolyi sari'mire yagaalya' yakade'na

tewaanyabwi daaka! Gara jawiryijiwaava?
 20 Sare' dare'nesi. Naarimi sahwainaa tinna wanganolyaji kadika wi'nolyaji sangina widakajainaa wijalukurakakaneinaalyi." 21 Sara kudahi Kaajoliyara diraginna ayina wideva "Newi'nakilyi yagaala sa' mujiwaakyikanera!" wide' "Dalyula!" Sahwara a'mweraavina lika yesare. A'mwera sivila kayaa'nanyai tewaanya yima'nake'na Gotiyarina "Byaannakela," dina ye'. Sara dina yadaapiji Kaajoliyara yawi'na kye' "Aane piri' kiri' mabiramaariwo. Maramaannera!" Pitariji Jonimiji saraari daanga muvinya'. 22 Sare' dare'nesi. A'mwe sai wijiwaainya' yima'naka sai tewaanna yavada'galagilyai miginyai mi'. Kwarama a'mweraare ata siviliraalya wavila'nikelyi sagaa'.

Jizaazar i wi'nadivisara Gotiyari widesa'nesi.

23 Pitalyi Joniji ya'ma'na yagila kirimireraayawinna wilaawina yagila Gotiyarina mubithika yira'divita naangeraji a'mwe naangeraji widesa' widahi. 24 Kudahi yuyara simunya gavevi yawi'divi' Gotiyari wide' "Nemaremwaaidinyaigi Sigunyasi Kwaakevasi saalaalyasi sa wakaka yuya sangi mwaihasaraaviji yuyangiji wakaginyaiginyira. 25 Kigaakuna gimire Kuryai Tewaanyai Ne sinnawinyai Devitimi simunya' wijaavina Kirazitiyarina. Wijaavina kyaa' Deviti gimire widaayadei gimire yawisa'na pikarya dara yida'na
 'Ajimyangiyaraavire sinna tika be'na widava'?

Kumire a'mwera kayaa'na be'na yawire'?

²⁶ Kwaakevakire kingiyara malya' maryamihe'.
Maremwaaidivisara gaidaasa'na yikabeva dine'
“Naangeriji gamire Kiraazitiyariji yigalaana!” ’
²⁷ Sara yida'nike'na nebulya' dara yima'nakesi.
Anga dava A'mwe Erotiyalyi A'mwe Podiyaazai
Paailatiji ajimya piningiyaraji Yizireliyaraji
yikabeva Jizaazai gimire widaayadei
dahlakaginyarina dinyina ‘Tamakaana!’
²⁸ Savine'na diraginaangeigi sahwaigi yawi'na
‘Sara yideinyi.’ Yawi'na yaginya' sara yikabeva
kunnya simunya myawiryeva kiri' gimire
simunya' sara yina ye'. ²⁹ Naangeigi, maiyagaala
nemijiyaraari widiwaasa' dahaasagaa'
yawira'gizi githayadaanyainaavi ginnya
diraginya' kanejaava'gizi lika myadaa gimire
yagaalya' widaathe'nanyira. ³⁰ Ginnya
diraginya' kanejaava'gizi nabalnakeraavi
yavada'galawaaji nabaai githaayade tewaanyai
Jizaazare yaya' widawaaji diraginyaji atika
maru'narya'neji yaadeiginyi.” ³¹ Gotiyari
mi'na kude' Kurya Tewaanyai yina kya' angevi
wilamwaaleta ange' yonyi yonyi yidaasi Kuryai
Tewaanyai yuyaraavi yunebanna wilamwaaina
yada diraginya wijaavina ya'. Wijaavina kya'
Gotiyare yagaalya' diragina widadivi' lika
mysare.

Jizaazarera avaaizimunya yawiresa'nesi.

³² Jizaazari limwaga'divita yuyara
simunya avalyasi kurya avainanyasi
yawidivi' yuyaraavi kale wiadaasi
tewaanna mwaalina ye'. Pwai myawirina

“Nimire piriri' kiriri' niminyinesi. Jizaazare pwaraavine' mika!” Aawa. Yuyara kunnya gilyivita yuya pwaraavinengira. ³³ Yanga yinyina yadivi' Widaasadera a'mweraavi Naangei Jizaazai dikaavake'na diraginna wijalikurake'. Diraginna wijalikurakesa' Gotiyai Jizaazareraavi nayaa kamaremwaala' yanga gaimwangebwi kuminyi warakesi. ³⁴ Sare' daresti. Nayaa mwaalina kye' wimudaasaka aane pwai kwai mamwaalya'. Sare' dare'nesi. Pwara nigwimaayaraavina yawi'na yeva wawinyangire kwiyakwaravaji angengire kwiyakwaravaji sara kunnya yaasadivi' nigwia makabina yeva ³⁵ Widaasaderaavina wijaavina kye' Widaasadera nigwimaayaraavina wijaavina ye'. Wijaavesa'na nigwimaayara mamwaalye'.

³⁶ Sagaa' savina Jozepiyai Ahu'manna Saaipiraazi mwaalyai sara ya'. Gami sare yisavaa' Livaayai wo'nikerina Widaasadera yaya mudike' Baanavaazai widesalyira. Baanavaazai yagaala sa' “Pwaraavina simunya diraginya yivaimwadelyi,” dinikesi. ³⁷ Baanavaazai gannya wawinya' kininnakei savi yaasaka nigwia yuya makabina yaka Widaasaderaavi wijaava'.

5

Ananaayazalyi Sapaairasi sayorinesi.

¹ Baanavaazai sara kujaava' kiriri' A'mwe Ananaayazai mwaala'. Sare balaange' Sapaaira' yaya' wo'nikesi. Sai mwaalaka kirimire

wawinya piri' yaasaka ² gannya a'mwevi widina "Naariminyine nigwia pini wakaka!" Widina yaka Widaasaderaavi pini makuna yaka wijaavina. ³ Sara wijaavina kya' Pitai wida' "Ananaayazai, Saataani kagithiwa' sara baa'na yiwaa? Kwaasi yagaala Kuryai Tewaanyari widiwaa 'Nimire wawinya' yaasiwe nigwia yuya warika!' Kwaasi yagaala sa' baa'na widiwaana? ⁴ Sinnawi wawinya myaasiwaanyagaa' gimiresi. Yaasa yagina nigwia gimirengi. Ginnya sidusavi kwaasiya sarebwi baa'na widiwaana? A'mweraavi kwaasi yagaala majahi. Aawa. Gotiyari kwaasi yagaala widiwaana." ⁵ Sara kuda' Ananaayazai kadika wi'nakegaa' balina yaka wala'na ya'. Wala'na yake'na kadika wi'nesara lika naanga yesa'nanyira. ⁶ Baryai wala'na kya' miginyara daavina yeva gilaayari yiv'idibuya pwiyna yeva makuna yeva likyirakina ye'.

⁷ Divi maalikogaa' (3 aawaaya) gamire balaange' sa'na kadika mu'nyaka angevi wilina. ⁸ Wilina kya' Pitai wida' "Nyidana! Kirinnya wawinya'na nigwia da yuya dama'mwaai?" A'mwe' wida' "Yo, yuyangira." ⁹ Sara widina kya' Pitai wida' "Sayoihi avaina baa'na yawi'mwaala? 'Naangere Kuryai navika mwaaladelyira,' dathiwaala? Yaamijya'na dathiwaala? Yithaa, gimire a'mweri likyirakiwaasaraavire siviylangi tikuryaba du'niwaana! Sara gimakwalyipi'de'ginyira." ¹⁰ Mi'na kuda' sagaa' gamire siviylaraaryaba yarai wala'na yaka balina ya'. Balina kya' miginyara dara wanganesa' "O, mena

davaimwaka!” Sara deva makwalyuna yina yeva gamire kwalaangeryaba wilalikyirakina ye'.
¹¹ Wilalikyirakina kye' Jizaazare kusilaanyaviya yuyaraji a'mwe pwara kadika wi'nesaraji Gotiyare diraginya' yawi'divi' lika dikwosi'na ye'.

Diraginyaji atika maru'nasaji sang'nesi.

¹² A'mweraayaba Apozeliyara Jizaazai Widaasadera wijiwaainyaji atika maru'nasaji yina ye'. Sagaa' Gotiyare Angevi Solomonimire yihuliviliyavina Jizaazarera yikabina yadivisare. ¹³ Yikabina yadivi' lika wiridaasi pwara kuminyabanna myikabi yina ye'. Kiri' a'mwera a'mwemilika dina “Sahwara a'mwe tewaanyarera.” ¹⁴ Myikabi yina yadaapiji a'mwe pwara Jizaazarera yima'nyina ye'. Pigaa' pigaa' a'mwe kwara kwara a'mwe kini kini Naangeri wi'nesara Jizaazarera yima'nyina ye'.
¹⁵ Widaasadera yesa'na tusangi nabalnakeraavi makwalyaabina yeva yi'binyangiji lamulyangiji wakina yeva a'ba yilawimwaaihina ye'. A'mwera simunya yawi'na “Pitai kaanya kyamaryoji gamire a'mabaalyai nabalnakeraavi kima'bwa'nya yirina kyoji sahwara tewaanyara yima'nipi'derera,” yawi'na yeva sara yilawimwaaihina yesarera.
¹⁶ Anga Jeruzaalemi saba anga piningidaasi kwala naange' kunnya nabalnakeraaviji yimaka widivisaraaviji makabina kye' yuyara tewaanyaraavi yavada'gaina yina ye' Widaasadera.

Apozeliyaraavi kayaa'na yesa'nesira.

17 Sagaa' Gotiyarına Mubithika Yıra'de Naangelyi gamijiyara Jeruzaalemı mwaalyara Sazuziyarajı Widaasaderaavına sinna tika wida'daası dinyına ye'. Mi'na dinyına yeva wına yeva 18 Widaasaderaavi wıla marapwiyına yeva a'mweraavıne kalavuzangevi wımwaaihına ye'. 19 Wımwaaihına kye' kirı' sawısavi Naangere ejeliyai mamaayai kalavuzangeviya kaanya' baasına yaka mwasawi kuminyi jıvwaramakwalyına yaka wida' 20 “Gotiyare Angevına wawopiji saba daavapiji a'mweraavi Gaala davwına duzıla!” 21 Sara kuda' sahwara yawı'na “Yo, sara yaana!” yawı'na yeva yırıkevi Gotiyare Angevi wılaawına yeva wijiwaakına ye'.

Gotiyarına Yıra'de Naangelyi gamijiyarajı sara Juyaraavıre a'mwe naangeraavına jıvwaramakabına “A'mweihı, nemı Yızireliyaraavi Kaajolıyaina yıkabaana!” Jıvwaramakabına kye' yuyara mwaaleva kalavuzavi dameraavi widaase' “Davanna Jıazare yagaala wıdadıvısaraavi dımakabyıla!” 22 Kudaase' pwara kaanna wına yeva dara wanganesa' “O, sahwara mamwaalyı jıhava!” Deva Kaajolıyaraayawınna ayına waweve 23 wide' “Kalavuzangevi yı'mavona dara wangamwo' ‘Kaanya lokiya mena tihı'nadı'nyı kaanyangyaba damera nayaa daavına jıwaava! Sara dona kirı' nemı kaanya baasona dara wangamwo' ‘Ai, pwara midaaka!’ ” 24 Sara kude' Gotiyare Angevına dameraavi maremwaaidelyı Gotiyarıne tamira'dıvıta naangerajı kadıka wı'neva yawı'na “Sahwara gava mwaaihava?

Gawinneraavaka?” ²⁵ Yaamiji kuna yawi'daapiji pwai wilaabina yaka wida' “Yithaanyila! Dinyu'nyila! Sarimi a'mweraavi kalavuzangevi wimwaihyawaaihasara Gotiyare Angevi daa'divi' a'mweraavi wijiwaakivanigava.”

²⁶ Sara kuda' Gotiyare Angevina dameraavi maremwaaidelyi gamire dameraji sara waweve kuminyi ayina makabina ye'. Damera Widaasaderaavi mala maramyi ye'. “A'mwera sila neminyina naneliwakipika!” deva mala maramyi ye'.

²⁷ Angevina kuminyi makulaabina yeva Kaajoliyaraayaba wimwaaihina ye'. Wimwaaihina kye' Gotiyarina Yira'de Naangei yiwaara'na ya' ²⁸ “ ‘A'mwe darina mujawaakipinera!’ diraginna diraginna yihithiwa'do kiri' gevwi gevwi yiwaasaihila. Be'nana? Jeruzaalem! yuneba a'mwe yuyara sarinnya wijiwaakyabwi kadika wi'niwaasaihiyira. Sabwina dina, ‘Sai balake'na Kaajoliyara yesa'ne'. Gamire tawe' sahwaravine tivikisa!’ dathivaniga!”

²⁹ Mi'na kuda' Pitalyi Widaasade pwaraji wide' “Gotiyai sara kanedoz! sara yaanneinera. Gotiyarina a'mwera sara kanedapiji sara myaanneinera! ³⁰ Yisaviri sarimi Jizaazari niliya tamarimwina kye' mena kabala' Ne sinnawinyaraavire Gotiyai yidikaavakelyi.

³¹ Kwaihwainakei mena kamwaala' Gotiyai gannya aangasimagi diraginyaba wimwaaihina kya' sai maremwaaidei nabaai kayaa'nanyaburi padaihasamaa'dei yima'na'. Kyima'na' Yizireliyaina ‘Nennya kayaa'nanyaburina

simumya mudikebwi yawiramaraana!
 dawaaji Gotiyari ginyira'na kyawaaji nennya
 kayaa'nanya marasi'na neyadelyi. Sa' Gotiyai
 nayaa yawi'mani'. ³² Sangina nemi tinna
 wanganona nayaa yawirona yagaala sa
 wijalikurakivanigo. Nabaai, nebulya'na Kuryai
 Tewaanyai avaina wijalikurakivani'. Kuryai
 sari Gotiyai gannya yagaala mididivisara
 yuyaraavina yanga wijaavadelyi," wida'.

³³ Sa' Kaajoliyara kadika wi'neva sinna
 tika naanga wida'daasi dina "Saraavi
 tamakaana!" ³⁴ Sara dina kye' kiri' pwai
 Kaajoliyaraavi tinnyaba daavina ya'. Sai
 Periziyai Gameliyal wo'nikelyi. Juyaraavire
 Kiwinya wijawaakaderina a'mwe yuyara
 simunya yawi'na "Sai Gotiyare kiwinya nayaa
 wijawaakivankelyi," yawi'na yeva gamire yaya'
 munyaba makilesalyi. ³⁵ Sai daavina yaka wida'
 "A'mwe saraavi mwasawinna marakaana!"
 Kuda' Widaasadera mena kwalyawe'
 Kaajoliyaraavi wida' "A'mweihi, Yizireliyaihi,
 a'mwe daraavina jide'na nayaa jawirila! ³⁶ Sare'
 dare'nesi. Kigaa' a'mwe pwai Tiyuthaazai baka
 widina 'A'mwe naangeinyira.' Widina kya'
 a'mwe kwalaalyara (400) gamiji gaidaa'na kye'
 kiri' aamiyara Romiyara Tiyuthaazari tamakina
 kye' piwinna piwinna gamire midinesara
 yiwinama'na yina yeva yimaanyina ye'.
³⁷ Yiwinama'na yina kye' divi Ga'maaniyara
 yaya maaresagaa' diviyai Juthaazai Galili
 mwaalyai 'A'mwe naangeinyi,' kuda' a'mwe
 kwala naanga midinaabina ye'. Kwala naanga
 midinaabina kye' kiri' Juthaazari tamina

kye' sai balina. Balina kya' piwinnna piwinnna gamire midinesaraavi tamayiwinaasina ye'. ³⁸ Sara yesa'na yima'nike'na dahaa' yihithima! A'mwe daraavina myaanneine! Mwaaibika! Kumire yawisaji wawinyaji a'mweraavireburidaasa sara yetabaabi' kayaaka yadengira. ³⁹ Kiri' Gotiyareburidaasa kayaaka myigalyi yaadeinera. Dara nyawiraadika! 'O, nemi Gotiyari mala wiramwoina daaka!' " ⁴⁰ Gameliyali sara widake' sara yina ye'. Widaasaderaavi jaka wideva pwaraavi wide' "A'mweraavi wilyabaalyi duramyila!" Mena kurame! Kaajoliyara naanga widina "Jizaazari yaya'na yagaala mujwaakyi jideihilyira." Widina yeva kumire angengi yaasina ye'. ⁴¹ Sarevidaa'nyi Kaajoliyaraayawidaasi sahwarawina yeva dinyina "Gotiyai neminyina dara yawi'mwa' 'Sahwara tewaanyara mwaaighasa'na Jizaazarine yayavina kayaa'na yipi'de' winaanyaraavi.' Sara daka diraginna nemwaaihiwakeina yilaaya yivanigoinera." ⁴² Sara dinyina yeva yirika gazagaasagaa' Gotiyare Angeviji a'mweraavire angengiji saba Kiraaiziya Jizaazarina yagaala tewaanya' kuna widadiviki. Neminyina Jizaazari Gotiyai dahilakake'na kuna wijiwaakadivikira.

6

Widaayadivita atina ata puridaasi pwaraal-yaraavineshi.

¹ Divi yirika sangi Jizaazare mididivisara kwala naanga naanga yima'nadaapiyagaa' Girikiyagaala dadivisara Yiviruyagaala dadivisaraavina kinimyagaala dinyina ye'. Girikiyagaala dadivisara dinesa'nanyi "Nigwimaayaraavi yanga wijaavadivisara, nemire sigiraayangì wapaaya maalika wijaavadivi' kiri' Yiviruyagaalya' dadivisangi naanga wijaavadivisarera." ² Sara didaapiji atiraai sivilyiridaasi pwaraalyara mididivita yuyaraavi jivwaramaa'na "Yuyaihi, jikabyila!" Jivwaramaa'na kye' yikabina kye' widina ye' "Gotiyare yagaalya' ya'mavaaja' yibinyavi widayaade' wapaaya yanga wijavaade' yilaaya myivanigo. ³ Aawa, nya'mweihi, nemire wawinya naange' Gotiyare yagaalya widadaanya savina a'mwe ati ata puridaasi pwaraalyaraavi kadahilakapiji sahvara wapaaya yange'na maremwaaib'ideraavi sara wimwaihana! Sarimjiyaraavina 'A'mweraavi yunebanna Kuryai Tewaanyai wlamwaaidera sidu'nakera damwaihava! Sahvara a'mwe tewaanyarera,' jalikurakadivisaihi yawirapiji sahvaraavi dithahilakyila! ⁴ Sara kyapiji yuyagaa' nemi sawaina Gotiyari wijavulyi Gotiyare yagaalya' widaayabulyi kuna yaadeinera." ⁵ Widaasadera sara kude' yuya kwala naange' dinyina "Yo, tewaanyasira." Dinyina yeva Sitivenimi dahilake'. A'mwe sai Jizaazari yuna diraginna limwaga'delyi. Gamire simunyavi Kurya Tewaanyai yuna wlamwaaida diraginna wimwaihakelyira. Sitivenimi dahilakeva Pilipimji Pirokorazalyi

Naaikenaamiji Taaimonimiji Paamenaazalyi Nikolaazalyi dahilakina ye'. Nikolaazai sai Anga Aadiyoki mwaalyalyi. Sinnawi sai Maavei mwaalaka divi Juyaraavirebwi wi'naka aayagaa' Jizaazari wi'nakelyira. ⁶ Mi'na dahilakina Widaasaderaayawinna makabina kye' sahvara Gotiyari wideva kumire wawinya'na diraginya wimwaaihya'na kumire minyaginyangi ata dathiwanna yina ye'.

⁷ Jeruzaalemi yunebanna Gotiyare yagaalya' kadika kuna wi'ne'. Kadika kuna wi'nadaapiji Jeruzaalemi mididivisara kwala naanga naanga yima'nyina ye'. Nabaai Gotiyarina mubithika yira'divita kwalaalyara Naangeri limwageva gamirebwi midinna ye'.

Sitivenimi wila pwiyesa'nesi.

⁸ Sitivenimi yunebanna Gotiyare yanga gaimwangebulyi diraginyabulyi kininnakelyi. Sitiveni diraginaangei a'mweraayaba atika maru'nasa'nejiji wijiwainya'ne diraginyaji yina ya'. ⁹ Sara yaka yagaala widadaasi gamire yagaala sinna tike'na a'mwe pwara maanga wide'. Maanga widesara kigaa' Romiyaraavina kalavuziwawinya yesa' divi kalavuziwawinya yagalya'mave'. Yagalya'maveva dinyina "Nemi lotuanga mudikevina yikabaatheinera." Sara dinesara Anga Saairini mwaalyaraji Anga Alekizaadriya mwaalyaraji sara yikabadivisarera. Sara maanga widadaapiji Juya pwara Kwaaka Siliziyadaasaraji Kwaaka Eziyadaasaraji sara Sitivenimi maanga widina ye'. ¹⁰ Maanga

widina kye' Kuryai Sitivenimina siduta naange' kujaava' Sitiveni diraginna widaka kumire yagaalya wavila'na ya'. ¹¹ Wavila'na yake'na sinna tika wida'daasi pwaraavi kwaasi yagaala wija'na nigwia wijaavina kye' sahvara kwaasi yagaala widina "A'mwe dai Sitiveni Ne Mozizarinaji Gotiyarinaji birala widadaasi kadika wi'ninwoinera." ¹² Kwaasi yagaala widina widina kye' a'mweraji a'mwe naangeraji Kiwjaraji sinna tika davina ya'. Sinna tika davina yadaasi Sitivenimiyawinna yarai bina yeva galalimwanna yeva Kaajoliyaraayabanna makuna ye'. ¹³ Makuna yeva kwaasi yagaala wija'neraavi makulaabina kye' sara kwaasi yagaala widina "A'mwe dai Gotiyare Anga tewaanya davinaji Ne Mozizare kiwinyavinaji birala widadelyira. ¹⁴ Sare' dare'nesi. Kadika wi'nyina 'Jizaazai Naazreti mwaalyai Gotiyare Ange' wo'dalasi'na yoji Ne Mozizai kiwinyabulyiya nedinke maryovimaa'nadelyira,' sara kadika wi'ninwo." ¹⁵ Mi'na widina kye' Kaajoliyaraavireba walamwaaina yesara Sitivenimi baihana'na yeva dara wanganesa' "Ai, dare sinnya' Gotiyare mamaayare sinnya'bisa' dangamanigona byaanna yidaasi!"

7

Sitiveni widake'nesi.

¹ Gotiyarina Mubithika Yira'de Naangei Sitivenimi yiwaara'na ya' "Nediwaasa' giminyina nebulya'na dingaka?" ² Yiwaara'na

kya' Sitiveni wida' "A'mwe naangeihi,
 nya'mweihi, dinyu'nyila! Gotiya byaannakei
 Kigaakuna Ne sinnawinya Eviraami Anga
 Aarani mamwalaawi yaakegaa' Kwaaka
 Mezopotemya kuna mwalyaakegaa' Eviraamimi
 yima'naabina yaka ³ widina 'Ginnya kwaakeviji
 ginnyaraaviji ya'mava'gizi kwaaka piri'
 givwaridaakwidevina diwodeiginyra.'
⁴ Widina kyaa' savina Kwaaka Kaalithiyadaasi
 Eviraami ya'ma'na yaka Anga Aarani
 mwaalina. Mwaalina kya' Eviraamimi
 ganimaangei mena balyaakegaa' Gotiyai widina
 'Givwaridaakwidewinna diwona!' Widina
 kya' kwaaka davaki sarimi mwaaihasawinna
 bina. ⁵ Mi'na bina kya' sagaa' Gotiyai
 kwaaka yarai mujaayi yaa'. Kwaaka
 naangeva' mujaayi, kwaaka maaikeji'
 yarai mujaayi yaakesira. Mujaayi yake'
 kiri' yune naanga nebulya'na widina 'Divi
 kwaaka davi kagizaava'muji gimire' diviyara
 gimireraavire' waragothesira.' Sagaa' Gotiyai
 yune naanga nebulya'na sara wijaakegaa'
 Eviraami kaimiraavimaayai mwalyaakelyi.
⁶ Gotiyai da' widina 'Menyaraavirewi
 gimirera mwaalina yapiji kalavuziwawinya'
 yipi'derera. Kalavuziwawinya' yadaapiji
 pwara kayaa'na yipi'derera. Kwarama
 naanga naanga (400) wavila'daawori
 kayaa'na mwaaiibi'derera. ⁷ A'mwe anga
 naanga pimaginyara gimireraavi diragina
 maremwaaiibi'deraavi maryawibwarideinyira.
 Sara kamaryawibwara'muji kwaaka savaki
 gimirera yagalya'ma'na yapiji dava

bamwaalapiji yileyagaala nyidipi'devanyi.'
 8 Widi'na yaka yagaala piri' widina 'Nimire
 yagaalya'na giminyiji gimijiyaraaviji kilaakeji'
 davina jila! Gotiyai sara widina kyaa' ganaange!
 Aazakim maryaakeгаа' yirika ati ata puridaasi
 daryaa dariki Eviraami gamire kilaakeji'
 davina. Mi'na davina kyaa' divi Aazaki
 gamirei Jaikopimire kilaakeji' davina kyaa' divi
 Jaikopi Ne sinnawinya atiraai sivila puridaasi
 pwaraalyaraavire kilaakeji' davina yaakebulu
 Juyinaavirebwi.

9 Ne sinnawinyaraavi kumire
 kuvigwaalaangei Jozepiyarina tiganarya kyaa'
 sinna tika kudayaa' pwaraavi yaasina kyaa'
 sawara Kwaaka Yizipina yaasiwa'wawinya'na
 makuna. Wi'na makuna kyaa' kiri'
 Gotiyai gamiji mwaalina. 10 Mwaalina
 yaka Jozepiyari kayaa'na yaasagaa' Gotiyai
 diraginna wimwaaihina yaa'. Kwaaka
 Yizipi maremwaaidei Peroyaryaba Jozepiyai
 daa'di'nyi Gotiyai tewaanna wina kyaa'
 Peroyai dara wanganyaake' 'Ai, a'mwe dai
 nawi'nyai sidu'nakei daaka!' Sara daka
 widina 'Niminyina Kwaaka Yizipi davakiji
 a'mweraaviji nyidaayadivisara nimire angevi
 mwaihasaraaviji dimaremwaaala!' 11 Widi'na
 kyaa' Jozepiyai maremwaidi'nyi Kwaaka
 Yizipiji Kwaaka Kenaaniji yuya sabanyai
 mijika naange' yima'nyina. Mena yima'nyina
 kyaa' a'mwera mijika naanga wiadaa'nyi Ne
 sinnawinyara tika munne'na birina birina
 kyaa' mijika wina. 12 Mijika wina kyaa'
 sagaa' Jozepiyari ganimaangei Jaikopi dara

wi'nyaake! 'O, Kwaaka Yizipi wapaaya witzila darika!' Daka pigaa! gawaalivaangera Ne sinnawinyaraavi widaasina. ¹³ Yizipina widaasina kyaa! ayina bina kyaa! pigasaai widaasina kyaa! Jozepiyai gya'mweraavi nayaa widina 'Jozepiyainyi. Sarinnya sirya'mweinyi.' 'Jozepiyainyi,' widina kyaa! Peroyai dara yawiryaake! 'Ai, Jozepiyare yisavaakiyara sara daaka!' ¹⁴ Mi'na dina kyaa! Jozepiyai ganimaanga Jaikopimina yagaalya! widaasina 'Nimwai, Kwaaka Yizipi davanna gimiji gimore yuyaji saihi divideihlyira.' Sagaa! Jaikopimire jilikaimiraaya 75 mwalyaasangira. ¹⁵ Widaasina kyaa! Kwaaka Yizipi saba Jaikopi wina kyaa! divi saba gamiji Ne sinnawinyaraji balina. ¹⁶ Balina kyaa! divi ayaba Anga Sikemi kumirera kumire yaginya makuna yeva simaangevi wakina yaa!. Simaange! kigaakuna Eviraami Yisavaakiya Emoyaraavi nigwia mubyaakesi.

¹⁷ Gotiyai Eviraamimi yagaalya! wijaaka nebulya! yima'nyana aya kigaa! yima'nyina kyaa! Kwaaka Yizipi nemirera kwala naanga naanga yarai yima'nyina. ¹⁸ Yima'nyina kyaa! Kingiya gei Kwaaka Yizipi gaai maremwalyaakegaa'nanyi. Kingiyai sai Jozepiyarina myawiryaakelyi. ¹⁹ Gaai maremwaaina yaka nemireraavi kwaasi yaka kayaa'na yina kyaa! Ne sinnawinyaraavi daanga naanga wina yadaasi Kingiyai widina 'A'mwemiliki, sarinnya a'mwe bwaranyaraavi kamaarapiji mwasawinna sahwaravi dimarasi'nyila baibizaraavi! Yarai dimarasi'nyila!' ²⁰ Mena widina kyaa! sagaa!

ganaange' Mozizari maarina. Mozizai bwaranya nawi'nyalyi. Mozizari maarina kyaa' lika yulyakina kyagi lawe dikaai diki gani maangere angevi kave mwaalina. ²¹ Kave mwaalina kyaa' gamire angevidaasi piwi wakina kyagi Kingiyai Peroyare garaavaange' maranganna yaka 'Ninnyalyira,' daka gannyari maremwaaina. ²² Maremwaaina yadisi Yizipi mwaalyaraavire siduta yuyabwi wijiwaakina kyaa' a'mwe naangei wawinya diraginya' yadei yima'nyina yaka yagaala nawi'nya' dadei yima'nyina yaakelyira.

²³ Kwarama a'mweraare ata siviliraai Mozizari wavila'na kya' sai simunyavi yawi'na 'Peroyare angevi yuyagaa' namwaa mudika! Ninnyara Yizireliyaraavi angyiri'maata yima!' dina yaka kaanna wina. ²⁴ Kaanna wina yaka dara wanganake' 'O, Yizipi mwaalyai nimireri kayaa'na jivanika!' Sara daka 'Padaihasamaasa'nana,' daka minya maaraka Yizipi mwaalyari tamakina. ²⁵ Wi'na tamakina yaka yawi'na 'Ninnya nya'mwera dara yawi'na "Gotiyai Mozizari yasaabina kyawa' Mozizai nevadaihasamaaradelyira,'" Sara yawi'na kyaa' kiri' kumi gaminyina sara myawirina. ²⁶ Sara myawiri kyaa' mwananyi Yizireliyaraai tannyina yadaakilyi Mozizai tinna wanganaka. 'Munya yirila diwagima!' daka widina 'A'mweraahi, dinyu'nyi! Kirim+daraahi mwaaihilya'na be'na tannivanigilyaraaih+laka?' ²⁷ Widina kyaa' pwai gya'mweri kayaa'na yakei Mozizari yitavaka yiwaara'na 'Nemaremwaaidinyaigi,

kotiya' neyawibwarya'neigi aai
 githahilakakeiginaka! ²⁸ Wona Yizipi
 mwaalyari tamakyawaaihinnyabaaibi'
 dinyiramakijiwaana?' ²⁹ Yiwaara'na kyaa'
 Mozizai kadika sara wi'nyina yaka 'Yuyara
 sara wi'niswaasara daaka!' daka Kwaaka
 Yizipidaasi likaanya wina yaka maavewi
 Kwaaka Mithiyani mwaalina. Saba mwaalina
 yada kaimiraayaraari yawakinyina yaa'.

³⁰ Divi kwarama a'mweraare ata siviliraai
 wavila'na kya' a'mwe maayaba Mugunya
 Saainaaya simagi Mozizai mwaalina. Saba
 mwaalina yadi'nyi Gotiyare mamaayai ejeliyai
 walaabaka yisiki wina kyaa' yisi' dika
 yidina yada ditaalita wanyina. ³¹ Ditaalita
 wanyina yadaa'nyi Mozizai tinna wanganaka
 ni'nika yaka dina 'Sa' beri' dingaka? Tinna
 nayaa wanganima!' dina yaka yisikyabanna
 kaanna wina. Kaanna wina yaka kiri'
 Naangere maanguraaya' kadika wi'nyina
³² 'Gimire Ne sinnawinyaraavire Gotiyainyira.
 Eviraamiji Aazakiji Jaikopiji saraavire
 Gotiyainyira.' Kadika sara wi'nyina yaka
 lika dikwosi'nya'nei bi'bita yina yaka yisiki
 tinna mwanganyina. ³³ Tinna mwanganyi
 kyaa' sagaa' Naangei widina 'Mwaaiheinyina
 kwaaka da' girikita maaya' warike'na
 kwaabizivilyawaari dilabwa'mwagakya!
³⁴ Kwaaka Yizipi nimiru a'mweraavi daanga
 naanga wividaa'nyi wangamwa. "Aakai, aakai,"
 jaka kadiwaa' kadika wi'niswa. Kadika wi'nena
 padaihasamaasa'na waimwaabe. Yarala!
 Sare'na Kwaaka Yizipina githaasideinyira.' Sara

widina yaa' Gotiyai.

³⁵ Mozizai dari Yizireliyara birala wijaasalyi. 'Nemaremwaaidinyaigi kotiya' neyawibwarya'neigi aai githahilakakeiginaka!' yiwarayaasalyi. Sahwari Gotiyai widahilakaka widaasina ya!. Yizireliyaraavi maremwaaidei padaihasamaa'deri widaasina yaakelyi. Yisiki dika yidadaasi yisiki mamaayai wlamwalyaakei Mozizar wigmawagyaakelyi.

³⁶ Gotiyai widaasina kyaa' Kwaaka Yizipidaasi Mozizai a'mweraavi jiwaramakabina. Kwarama a'mweraare sivilatiraalyagaa' Mozizai a'mweraavi wigmawange'na atika maru'narya'nej wijiwaainyaji sa yina yaakelyi. Kwaaka Yizipi sabaji Saalaalya Wayaake' wo'nikebaji a'mwera maayaba kayaa'nanyabaji saba sara yina yaakelyi.

³⁷ Nabaai sai Yizireliyaraavi widina 'Gotiyai nyidasaabakabaabi' sarinnyai sirya'mwei piropetiyai Gotiyari w'inawijiwaakaderi sariminyina widasaabathelyi Gotiyai,' widina yaakelyi Mozizai.

³⁸ Wawinya maayaba sai Gotiyare kusilaanyasi mwalyaakelyi. Saba Mugunya Saainaayavi ejeliyai widina kyaa' Mozizai Ne sinnawinyaraavi sara widina yaakelyi. Gotiyai yagaala gaalyabwine nejaaya'ne Mozizai wijaake neminyina dinikengira.

³⁹ Ne sinnawinyara Mozizai wijaake' kadika mu'nyi, mam'dinyi yaa!. Aawa. Gaminyi galazekivaina yevera kumire simunyangi yawi'na ye' 'Kwaaka Yizipi tewaanyabanna ayina wawaanneinera! We!'

⁴⁰ Yawi'na

yina yeva Mozizai mugunyavi mwaalakegaa' A'mwe Eronimi widina 'Neminyine Naangei a'mwa'mweri kyavikarya'gizi A'mwa'mwei nejiwaramakwona! Sare' dare'nesi. Kwaaka Yizipidaasi Mozizai sai nejiwaramakabakei gawi mwaalika? Nemi myawiryiwona.' ⁴¹ Sara widina yeva a'mwa'mwei bulimakaawoya diwinyari yavikaryeva yikunaabithika wijaaya'ne'na kwaasi naangeri widina 'Naangeigi, yikunaabithika da' giminyine' tamwona.' Widina yeva sahwaraya yavikaryaasari yilaaya yina yadivi' tika munne nyina.

⁴² Tika munne nyina kyaa' Gotiyai kuminyi ginyiwanna yaka tewaanna myi yaka dina 'Kayaa'nanyara kwaasya'na nyilyariji laweriji silingaaminyaraaviji yilaaya yipika! Sara yilaaya yapiji waryaanyara yima'nipi'dere.' Gotiyai dina yaakabaabi' dividaasi Gotiyari wi'nawijiwaakyara pikarya yida'na 'Yizireliyahi, ninyine mika!

A'mwamaayaba kwarama potiyagaa'

Bulimakaawoyaraavi tameva manyijayaa'.

⁴³ Kwaasi naangei Molokimine yivikanga' yikwa'divi'

Pwai Repaanimine silingaaminyaa a'mwa'mwe' yikwa'divi'

A'mwa'mwe sa yavikaryeva yileyagaala widina yadivisaihilyi.

Sabwine'na Anga Babiloni aagimagi menyabanna yihimakudeihilyira.'

Sara dinikesi.

⁴⁴ Dividaani'nyaa a'mwamaayaba Ne sinnawinyara Gotiyai saraayaba mwaalake'ne

jalikurakya'ne kwaabiyivikange' yavikarina.
 Gotiyai Mozizari sara wijaakabaaibi' sara
 yavikaryaasasi. Gotiyai pikizaaya'bisa'
 wijiwaainyina yaake' Mozizai tinna
 wanganyaakabaaibi' yavikaryaasasi.

⁴⁵ Yavikarina kyaa' diviyara Ne sinnawinyara
 kwaabiyivikange' yikwavaabina. Sagaa'
 Gotiyai ajimya piningiyaraavi yirawaasina
 kyaa' diviyaraji Jozuwaasi sara Maaveraavire
 kwaaka maarina yaasara davanna Gotiyare
 kwaabiyivikange' yikwavaabina ye'.
 Yikwavaabina kyaa' kwaaka dava kuna
 wa'di'nyi Ne Deviti mwalyaakegaa'na. ⁴⁶ Deviti
 mwaaidi'nyi Gotiyai wanganaka dina 'Deviti
 a'mwe tewaanyalyira.' Dina kyaa' Deviti
 Gotiyari yawaara'na 'Jaikopimire Gotiyaigi,
 giminyina ange' madima! "Yo," kanyida'gizi
 madideinyira.' ⁴⁷ Yawaara'na kyaa' Gotiyai
 gevwi kyawiryaa' Gawaalivaanga Solomoni
 ange' gaminyina madina yaakelyi.

⁴⁸ Sa'na kiriri' a'mwera angengi madivisangi
 Gotiyai Munya Ke'mwewinyai yuyaraaviji
 yuyangiji wavila'dei mamwaalyadyi.
 Angengi mamwaalyade'na piropetiyai Gotiyari
 wi'nawijiwaakadei dinikabaaibisasi.

⁴⁹ Naangei dinikesi. Sigunya naangeba
 maremwaaidinyainyi.
 Kingiyare namwaalyisa'bisavi Sigunyavi
 walamwaaina yadinyainyi.
 Paihisa'bita Kwaaka maalika davaki
 maremwaaidinyainyi.
 Nimire sivila Kwaaka yuyavaki
 paihiremwaaidinyainyi.

Nimi Naangeinyine ange' gara madiv+itaih+laka?
 Naw+inyaba kwaamu' mwaal+ideva gava warika?
⁵⁰ Yuyangi kaavilyai aaihwalaka? Nimi sah-
 wainyira!

Sara dinikesi.

⁵¹ Ne sinnaw+nyarab+saihi Kurya Tewaanyai
 yi+thada yuyagaa' wanganak+na yadiv+saih+lyi.
 Sar+nyabwi diraginna yaw+divi' Gotiyarebwi
 navika yadiv+saih+lyi. Sar+nya yaw+ta Maav-
 eraavire yaw+div+saih+lyi. Siryakwalaangera
 Gotiyare yagaala yuya pihad+ka y+na
 yaatabaai+ sarim+ sara yadiv+saih+lyi.

⁵² Sarim+re Ne sinnaw+nyara Gotiyari
 w+nawij+waakade aane pwai kwar+ yuyagaa'
 kayaa'na yaasara midaa'! Sara kayaa'na
 yaasara Gotiyai widaasaderaavi tamak+na
 ye'. Kigaakuna Gotiyarera wid+na 'Divi
 y+da'maraangei Gotiyari widaayadei bathelyi.'
 Sara wid+na yaasaraavi sarim+rera tamak+na.
 Tamak+na kyaa' Gotiyari widaayadei mena bina
 kya' sarim+ kotiyav+na makuna yeva sahwar+
 kayaa'na tamak+na yiwa'daa'. ⁵³ Gotiyare
 Kiw+nya ejeliyara Gotiyai widaasadera
 ky+izaave' kiri' sabwi my+van+igasaih+lyira,"
 sara wida' Sitiveni.

Sitivenim+ silyaji livaramakesa'nesi.

⁵⁴ Kaajoliyara Sitiveni widadaasi kadika
 w+nadaapiji kum+re sinna tika wida'daasi
 diraginna maadith+w+nyaya ye'. ⁵⁵ Diraginna
 maadith+w+nyaya kye' kiri' Sitiveni Kurya
 Tewaanyai yunebanna wilamwaaid+nyiyai
 Sigunyavi maranganaka dara wanganake'

“Gotiyare byaannyabwi tinna wangamanige. Gotiyare aangasimagi Jizaazai dathaavika!”
⁵⁶ Mi'na daka widina “Yithaanyi, Sigunya! baasinikevi wangamwa. Gotiyare aangasimagi A'mweraavine Kaimiraayai daavikeri wangamwa.”
⁵⁷ Widina kya' sinna tika wida'daasi jaka naanga deva kadika mu'nya'na asa kadikengi tilavalimwaga'nyina yeva gaminyawinna avaaizimunyasiya yuyara yarai kaanyave'na bina.
⁵⁸ Kaanyave'na bina yeva Sitivenimi galalimwanna yina yeva makuna yina yeva anga naangeba mwasilaa wasi'na yina yeva silyaji gaminyi liwakina. Kotiyavi kwaasi yagaala wikalikurakesara kunnya yivita taapainyina yeva Miginya Soli wo'nikeryaba yarai wakina yeva silyaji gaminyi liwakina.
⁵⁹ Yarai liwakina yadaapiji Sitiveni Naangeri jaka widina “Naanga Jizaazaigi, nimore kuryari dimaaka!”
⁶⁰ Widina yaka kwadaai gilina yaka jaka naanga widina “Naangeigi, kuminyine kayaa'na nyivanigasa'na myaw'dinnera!”
 Widina yaka se balina ya'.

8

¹ Sitivenimi tamakina kye' Soli yawira' “Yo. Tewaanyasira.”

Soli Jizaazareraavi kayaa'na yake'nesi.

Sitivenimi tamakesagaa' yirika sagaa' Anga Jeruzaalemi Kiraazitiyare kusilaanyaviyara mwaalesaraavi pwara kayaa'na kayaa'na yina. Kayaa'na kayaa'na yina yadaapiji Jeruzaalemi Widaasadera gavera kuna mwaaidapi Jizaazare

pwara yuyara Kwaaka Juthiyaji Kwaaka Sameriyaji piwinna piwinna yiwinama'na ye'. ² A'mwera Sitivenimi karamake! Gotiyari yilaaya yadivisara kale kwia! Sitivenimi makuna yeva likyirakina yeva yikwaraamaya yadivi kinna naanga dina ye'.

³ Soli dina "Jizaazarebwi kayaaka yigalima!" dina yaka kayaa'na yina. Angengi wilina yaka Jizaazare kusilaanyaviya a'mweraaviji a'mwengiji wilamwagi'nyina yaka kalavuzangevi marimwaaihina yaka sara kayaa'na yina ya'.

Kwaaka Sameriya yagaala tewaanya' wijiwaakake'nesi.

⁴ Jizaazari wi'nadivisara yiwinama'na yevevida'nyi gazabazaba mwaalina yadivi! Gotiyare yagaala tewaanya' wijiwakamarina ye'. ⁵ Anga Sameriya sawinna Pilipi wina yaka Kiraazitiyari Gotiyai dahilakakerina a'mweraavi widina. ⁶ Widina yadaa'nyi kwala bwa'naanya kadika nayaa wi'nyina. Nayaa wi'nyina yadivi! Pilipi diraginya wijiwaainya'neji yada yuyara wanganna. ⁷ Sare! dare'nesi. Wanganna yadaapiji a'mwe kwalaalyara yimakera kininnakeraavire munyikaavi yimakera bwalyuna yadivi! jaka naange! widina yeva kaanna wina. A'mwera kunnya kilaakejika kwaayakwaaya myadivisaraaviji yaginya bainikeraaviji sara a'mwe kwalaalyaraavi yavada'gaina kya! tewaanyara mwaalina. ⁸ Tewaanyara mwaalina

yesa' Sameriya mwaalyara yilaaya naanga yadivi' mwaalina ye'.

⁹ Anga saba a'mwe pwai Saaimoni wo'nikei mwaalina. Sai kulakei gannya kwalya yaderina anga naanga simaginya Sameriya mwaalyara atika maru'na'na yesalyi. Saaimoni widina "A'mwe naangeinyi. Sidu'nakeinyi," widina yada ¹⁰ anga saba mwaalyara yuyara a'mwe naangeraji a'mwe maalikeraji sa kadika nayaa wi'nyina yeva widina "Gotiyare diraginyasyalyira. 'Yi diraginya sa' naangesi,' dadaanyasi," sara widesalyi. ¹¹ Naangegaa' kwalyaji giri'nyaji yada atika maru'na'na yadivisangina yuyara kadika nayaa wi'nyina yesalyira. ¹² Saaimoni sai mwaalina yada sara yada kiri' Pilipi Kiraazitiyai Jizaazarinaji Gotiyai nemaremwaalya'naji sawaarina yagaala tewaanya' widina kya' kumi wi'nyina yeva "Sabwi nemi midinaana!" dinyina yadivi' Kiraazitiyar' limwana kye' Pilipi aalyavi bavitaaziya yina a'mweraaviji a'mwengiji sangi. ¹³ Bavitaaziya yina kya' Saaimoni sahwai limwana kya' Pilipi bavitaaziya' kya' Pilipimyaba mwaaida Pilipi wijiwaainya naangeji diraginyaji yina yadaany' Saaimoni atika maru'na'na ya'.

¹⁴ Anga Jeruzaalemi apozeliyara Jizaazai Widaasadera dara wi'nesa' "Sameriya mwaalyara Gotiyare yagaalya' dama'mwaava!" Deva kuminyawinna wigaimwange'na Pitariji Jonimiji saraari yaasina. ¹⁵ Yaasina yesaraai Sameriya sabanna yimavaawina yagila Jizaazari wi'nadivisaraavina Gotiyari widina

“Gotiyai, a'mwe yuya dara ginnya Kurya Tewaanyari maapika!” ¹⁶ Sare' dare'nesi. Sagaa' Pilipi Naanga Jizaazari yayavina bavitaaziya' yakegaa' Kurya Tewaanyai yuyaraavina mabwalawiminaawi yakerera. ¹⁷ Pitalyi Joniji saraai Gotiyari widina yagila kumire m'nyaginiyangi ata dathiwanna kyagi Kurya Tewaanyari maarina ye'.

¹⁸ Saaimoni dara wanganake' “Niwaava, widaadisaraai ata kadathiwamwaai Kurya Tewaanyari kumi maarina jiwaava!” Sara daka gannya nigwia maaraka Pitariji Jonimiji widina “Nimire nigwia yihimubima! ¹⁹ Niminyina ‘Sai a'mwe pwai kwar' ata kadathiwagozi sahwai Kurya Tewaanyari maarana!’ dakiri sare diraginya' dinyijaayila!” ²⁰ Widina kya' kiri' Pitai widina “ ‘Ninnya nigwianna Gotiyare yange' mubima!’ yawi'mwaanya'na gimiji ginnya nigwياج' Dikebanna diwodeiginyira. Yawita sa' kayaa'nanaangesira. ²¹ Yiwolya'na nemire wawinya' gimire' daaka! Sare' dare'nesi. Gotiyai gimire simunya yawisavi gwangamwa'. Simunya kayaa'nanyavi gwangamwakeiginyi. ²² Sarevidaa'nyi ginnyabwi kayaa'nanyabwi dasika! Mudikebwi jawiramaaka! Wasi'na'gizi Naangeri duthana! ‘Nimi simunya yawi'mwe'na nimire kayaa'nanya' dimarasi'na! Nayaa mwaalima!’ ²³ Sare' dare'nesi. Giminyina dara wangamwe' ‘O, a'mwe dai wabarinna diraginna yadei daaka! A'mwe simunya kayaa'na yawi'dei daaka!’ Dena githiwa,” widina. ²⁴ Pitai widina kya' Saaimoni saraari widina “ ‘Nyidiwaala aane pir' kiri'

niminyina nanyima'nadika!' dena yihithiwe'na dakilyi Naangeri duzila!" widina ya' Saaimoni.

²⁵ Jizaazai yake'na tinna wanganagilya'na Pitalyi Joniji saraai yuyaraavi wijalikurakina, yi, Naangere yagaalya' widina yagila dinyina "Jeruzaalemi sawinna ayina wawakadera," dinyina yagila kaanna wina. Kaanna wina yadi' Kwaaka Sameriya anga mannikeba yagaala tewaanya' damarina yagila Jeruzaalemina wawagi.

Pilipi Murija naangeri wida' Kwaaka Yithiyopiya mwaalyari.

²⁶ Naangere mamaayai ejeliyai Pilipimi widina "Yovirava'gizi tusa' Jeruzaalemi daasi Anga Gaazanevi dalaawa!" Tuta sa' a'mwe maayaba makwalaawinikesira. Sara widina kya' Pilipi sara yina. ²⁷ Sara yina yadaasi, yithaa, Kwaaka Yithiyopiya mwaalyai a'mwe naangei gannya angewinna wina. Kwaaka Yithiyopiya a'mwe naange' Kaadeziya' maremwaaidesi Kwiniya'. A'mwe sai Kaadeziya' kwiniya savire nigwiaji nigwilalakaaji yuya sa maremwaaideyi a'mwe naangei. Anga Jeruzaalemi Gotiyari yilaaya'na wiakei gannya kaarziyavi ayina wina. ²⁸ Ayina wina yada Gotiyari wi'nawijiwakyaaakei Piropetiya Aazaayai pikarya yida'nike' tinna wanganna. ²⁹ Tinna wanganna yadaasi Kurya Tewaanyai Pilipimi widina "Kaarziya savina wirata'na'gizi avaina diwila!" ³⁰ Widina kya' sawinna Pilipi kaanyave'na wina yaka dara dina "Piropetiya Aazaayai yida'nike' bukuya' wanganaka divanika." Sara dina

yaka yiwaara'na “A'mweigi, yagaala sa' dangamaniginya' jawi'mwaana?” ³¹ Yiwaara'na kya' “Aawa, pwai mujiwaainyi nyaja' gara yawirijiwana?” A'mwe naangei sara w+daka Pilipimi w+dina “Davina yilaaba'gizi n+minyaba mwaala'gizi sarevina dinyijiwaakya!” W+dina kya' kaariziyavi w+lamwaaina. ³² Gotiyare bukuya' wanganake' dare' dinikesi.

Sipizipiya pwaritamyana makwodiv+tabaabi' A'mwera tamakya'na makuna yesalyi.

D+winnyare arila wiri'deryaba jaka majade-vaabi'

Kayaa'na kye' sai yagaala majake'nanyira.

³³ B+rala wideva kotiyavi sarina kwaasi w+desalyi.

Karame' Kwaaka davaki gamire gaalyabwi maaresa'

Gamireba sara yesaraavire kayaa'nanyabwi aai w+nadelaka?

Piropetiya Aazaayai sara dinikesi. ³⁴ Dinike'na a'mwe naangei Pilipimi w+dina “Piropetiyaai dinike' aarina dinikavaka? Gami saharina dingaka? A'mwe pwarina dingaka? Dinyidana!”

³⁵ Sara w+dina kya' Pilipi Aazaayare yagaala sav+daa'nyi nayaa w+daka Jizaazarina yuya yagaala teawaanya' nayaa w+dina. ³⁶ W+dina kya' tuta piba wina yadi' aalibunya maalike'

di'nikewinna yimavaawina kyagi a'mwe naangei w+dina ya' “Yithaa, dava aalya' di'ni'. Aalyavi bavitaaziya dinyaj+waana? N+mi wi'na daaka?” ³⁷ Pilipi w+dina “Ginnya simunya yuya' Jizaazarina kalimwaga'gizi bavitaaziya gy+deiginyi.” W+dina kya' wida' “Sara

limwamanige. ‘Kiraazitiyai Jizaazai Gotiyare Gawaalivaangelyira,’ sara yawi'mweinyi.”
³⁸ Widiina yaka a'mwe naangei gannya widaayaderi widiina “Kaariziya' muda'na yana!” Widiina kya' aalyavi a'mwe naangelyi Pilipiji saraai bwalaawina kyagi Pilipi bavitaaziya wina. ³⁹ Bavitaaziya wina kya' aalyavidaasi wilaabina kyagi Kurya Tewaanyai Pilipimi yarai galamakuna. A'mwe naangei Pilipimi tina ayina mwanganyi yada yilaaya naanga yada gannya angewinna wina yakelyi. ⁴⁰ Kurya Tewaanyai Pilipimi makuna kya' Pilipi dara wanganake! “O, Anga Aazithothi damwaaihena!” Daka anga yuyangi kaanya yamaryada yagaala tewaanya' Jizaazarina widada kaanna wina yada anga Sizaariyana yi'mavaawina yakegaa'nanyi.

9

Soli Jizaazar'i wi'nake'nesi.

(Apozeliyara 22:4-16; 26:9-18)

¹ Sagaa' Soli Naangere mididivisaraavina sinna tika naanga kuna wida'daasi dinyina “Jizaazari mididivisaraavi tamakima!” ² Dinyina yaka Gotiyarina Mubithika Yira'de Naangeri widiina “Anga Damaazikazi Juyinaavire lotuangengi maremwaaidivisaraavi niminyine pikarya jithaka! ‘A'mwe Soli Jizaazarebwi limwadivisaraavi biramaaraja' asangi wila pwiyoji Jeruzaalemi davanna a'mweraaviji a'mwengiji sangi ayina makabana!’ da'gizi pikarya sara kanyidaya'gizi kotiya'na maraawideinyira,” sara widiina ya' Soli.

3 Anga Damaazikazi sawinnei tutaanyav+ kaanya woda ange' aya kiba mannadi'nyi Sigungyav+daasi baaka naange' gaminyabanna yarai yime'nya'bi' wannaab+na ya'. 4 Yarai wannaab+na yadaa'nyi kwaakew+na Soli wala'na yaka maanguraaya' kadika wi'nyina "Soli, Soli, kayaa'na be'na nyivan+igina?" 5 "Naangeigi, aaihwai+g+naka?" ky+waarava' wi+ina "Jizaazainyi kayaa'na nyivan+iginyainy+ra. 6 Sahwainyi kiri' daava'gizi anga naanga dav+na kulaawa'gizi gi+mi yinnenna pwai gi+thathe'nany+ra." 7 A'mwera Soliji wawesara daaveva yagaala majara maanguraaya' kadika wi'neva kiri' pwar+inna mwanganyesare. 8 Naangei mena wi+ina kya' kwaakev+daasi Soli daavaka gannya tinnyaraai yenaka dara yawirake' "We', ni+mi ti+baryainyi daaka!" Sara daka aane pi+ri' kiri' tinna mwanganyi kya' pwar+ gamire asiri limwana yeva Anga Damaazikazi saw+inna j+vwaramakuna. 9 J+vwaramakuna kye' saba mwaalaka yirika daryaai dariki tinna mwanganyi yada sagaa' tika manyi yada aalya manyi ya'.

10 Damaazikazi saba Jizaazare pwai Ananaayazai wo'nikelyi. Sai mwaalaka a'mabaait+inna baihana'na yadaasi Naangei wi+ina "Ananaayazaig+ino!" Wi+ina kya' sai wi+ina "Naangeigi, yi+thaa, gi+miny+ gye+mwaai+hena." 11 Wi+ina kya' Naangei wi+ina "Daava'gizi Aduta Yida'nanya' wo'ni+kevi+na wawa'gizi Juthaazare angevi Soli Anga Taazazi mwaalyar+ina div+ramaaka! Sare' dare'nesi.

Yithaa, Gotiyari dada ¹² a'mabaaitinna dara wangamwake' 'Nimire tinnyaraarina "Tewaanyaraai yima'nana!" dozi a'mwei Ananaayazai wo'nikei wilaabaka gannya asiraai nimire m'nyaginyavi dathathiwamanika!' ” ¹³ Naangei sara widina kya' Ananaayazai widina "Ai, Naangeigi, a'mwe darina a'mwe kwalaalyara mena nyid'waa'. Anga Jeruzaalemi mwaalyara gimire tewaanyaraavi kayaa'nanya yina yina yawalyaadikerina nyid'waa'. ¹⁴ Sara yada Damaazikazi dawinna giminyi yagaala githadaanyainaavi wila pw'ya'na biwakelyi. Gotiyarina mubithika yira'divita naangera pikarya kalavuzana sara yidaveva kujawa'daa' biwakelyira." ¹⁵ Mi'na widina kya' Naangei widina "Sai nyidaayaderi dahilak'weryawinna diwona! Sai niminyine yaya' ajimya yuyangi'yaaviji a'mwe naanga Kingiyaraaviji Yizireliya yisavaaki'yaaviji wiji'waakade'na dahilak'wana. ¹⁶ Sare' dare'nesi. Sai niminyine yaya'na naange' sara yade'na gaminyi daanga wiv'inaja'na wiji'waainidelyira."

¹⁷ Ananaayazai kaanna wina yaka angevi wilina yaka Solimire m'nyaginyavi ata dathiwanna yaka widina "Nya'mweigi, Soligi, giminyawinna Naangei nyidas'waabi'keinyi. Tusavi' kaanya badi Jizaazai sahwari tinna wangamwa'dinyai nyidas'waabi'. 'Gannya tinnyaraai tewaanyaraai wanganna yana! Gamire munyiki yunebanna Kurya Tewaanyai wilamwaalana!' daka nyidas'waabi'." ¹⁸ Widina kya' sagaa' yime'nya'bi' Solimire tinnyaraaridaasi jawipadasa'bi'sa bwala'na

kya' gamire tinnyaraai tewaanyaraai yenyina ya'. Tewaanya yenyina kya' Soli daavina kya' Ananaayazai bavitaaziya yina ya'. ¹⁹ Bavitaaziya yina yaka Soli wapaaya nyina yaka gannya kilaaka diraginya' ayina maarina ya'.

Anga Damaazikazi Soli wijiwaakake'nesi.

Yirika piningi wavila'daa'nyi Anga Damaazikazi mwaalyara Jizaazari m'ididivisaraayaba Soli mwaalina. ²⁰ Mwaalina yaka yime'nya'bi' Juyaraavire lotuangengi wina yaka Jizaazarina wijiwaakina "Sahwai Gotiyare Gawaalivaangelyira." ²¹ Wijiwaakina kya' yuyara kadika wi'nyina yeva ni'nika yeva dinyina "Jerusaalem! saba a'mwe dai yaya davina yagaala widadivisaraavi kayaa'na yakei daaka! 'Kuminyi wila pwiyamuji Gotiyarina mubithika yira'divisaraayawinna makwima!' daka dava daviwaka? A'mwe dale!" sara dinyina ye'.

²² Soli kuna wijiwaakina yaka diragina wijiwaakina yada Gotiyare bukuyavidaasi diraginaanga widina "Kigaakuna Jizaazari Gotiyai dahilakyaakei Kiraazitiyalyira." Diraginaanga sara widina kya' yagaala nebulya'nanya Juyara Damaazikazi mwaalyara yagaala pini murivikiri ye'.

²³ Sawita pijaakuna kwavilava' Juyara yikabina yeva jamungajakina "Solimi tamakya'na nemi dara yaadera." ²⁴ Mena jamungajakina kye' pwai Solimi sare'na widina kya' nayaa wanganna yada mwaalina. Sara mwaalina kya' Juyara dinyina "Solimi

tamakaana!” dinyina yeva sawisagaasi yirikegaasi adikuryangi damera tinna baihanarya'neraavi wimwaaihina. ²⁵ Sahwara baihana'na yina yadivi' sawita pigaa' Solimirera gaminyi makuna yeva amaangebaari sikurika saaminyavi daavina yeva soigilyavi Solimi yilawimwaaihina yeva sikurika lo'masavi kavena marala'mwagaasina kye' Soli kaanna wina ya'.

Jeruzaalemina Soli ayina bake'nesi.

²⁶ Anga Jeruzaalemina Soli yi'mavaawina yaka yawi'na “Naangere mididivisaraji ye'mwannamwalaana!” Yawi'na yaka yaamiji yina kya', aawano. Kumi “Soli mididelyi,” yawi'na myeva yuyara lika yina kye' Soliji mye'mwannamwaalyi ye'.

²⁷ Mye'mwannamwaalyi kye' kiri' A'mwe Baanavaazai Widaasaderaayawinna makuna yaka widina “Tusavi Soli Naangeri kwangana! Naangei gannya yagaalya' wida'. Sai Naangerelyira. Nebulyasira. Damaazikazi saba Soli Jizaazari yaya'na diraginna wijiwaakina. Diraginna wijiwaakina yada lika myakelyi Soli.”

²⁸ Baanavaazai widina kya' Soli nayaa mwaalina yaka Jeruzaalemi yuneba kaanya yamaryada Naangere yaya'na diraginna wijiwaakina.

²⁹ Jizaazarina wijiwaakina yada Juyara Girikiyagaala dadivisaraji dinyina. Dinyina yadivi' Soli nayaa widina kya' Juya sahwara yawi'na “Soli kayaa'nanyabwi nediwakelyi. Sari tamakaana!” ³⁰ Yawi'na kye' gya'mwera kadika dara wi'nesa' “O, Juyara sara dathimanigava!”

Deva Anga Sizaariya saalaalyav+ mannikebanna Solim+ makwalyuna yeva gamire anga Taazazina yaasina ye'.

³¹ Sarev+daa'nyi sagaa' Jizaazare kusilaanyangiyara Juthiya yuyabaji Galili yuyabaji Sameriya yuyabaji saba kwaamu'na mwaalina ye'. Pwara kayaa'na myi kye' tewaanna mwaalina ye'. Naangeri nayaa w+inadivi' Kurya Tewaanyai gannya diraginya' w+jaavada sahvara diraginyara yima'nyina ye'. Tewaanna mwaalina yadivi' diraginyara yima'nadivi' a'mwe pwara kwala naangera ye'mwannamwaaina ye'.

Anga Litha, Anga Jopa Pitai yake'nesi.

³² Gazabazaba Pitai kaanya yamaryada Anga Litha mwaalesara Gotiyare tewaanyaraav+ angyiri+maata yina. ³³ Saba a'mwe pwai Aniyaazai wo'nikei mwaalakelyi. Sai yaginya bainikei nalabwaryav+ mwaaidi'nyi kwarama pijaakuna (8) wav+la'na yakelyi. ³⁴ Pitai angyiri+maata yada Aniyaazari wanganaka widina ya' "Aniyaazaigi, Kiraazitiya Jizaazai giminyi gyavada'gaimanika! Dikaava'gizi ginnya nalabwarya' nayaa javada'galakya?" Sara widina kya' Aniyaazai dikaa'na. ³⁵ Wi'na dikaa'na yaka tewaanyai mwaaida Anga Litha mwaalyaraji Waraata Seroni mwaalyaraji yuyara gaminyi wanganeva Naangeri limwageva gamirera yima'nyina ye'.

³⁶ Anga Jopa saba a'mwe' Taavita' wo'nike' Naangeri midinaka mwaalina. Gannya yaya' Girikyagaala Dokaaza' dinikesi. A'mwe

sa' tewaanyanna yada nigwimaayaraavina wigaimwadesi. ³⁷ A'mwe' mwaalina yaka sagaa' nabalinake' yima'naka balina. Mena balina kya' gilaayavi aalya' yeva ku'dike' munyabanna gilaaya' makilaawina yeva kave wakina. ³⁸ Anga Litha sabadaasi Anga Jopa etabera. Maalikeba warike'na Jopa mwaalyara mididivisara kale wiadaa'nyi dara wi'nesa' "O, Anga Litha Pitai damwaalika!" Sara deva a'mweraari widina "Pitari duzila! 'Myemwaaidinnera! Yarai, neminyawinna divama!' " Widina yeva widaasina. ³⁹ Mi'na widaasina kye' savi Pitai kadika wi'nyina yaka yovirawakina yaka saraalyi kaanna wina. Kaanna wina yaka sabanna yima'na kye' munyaba ku'dikevina jivwaramakuna yina. Jivwaramakuna yina kye' yaanyiwaaka yuya mwaaleva kale wiadaa'nyi kinna dadivi' Dokaaza' baazi'ma'nyangiji kwaabiyivisangiji sazangi yavikaryakengi Pitari wijiwaainyina yeva "A'mwe tewaanyasi," widina. ⁴⁰ Sara widina kye' ku'dikevi mwasawinna Pitai maryaasina yaka kwadaai gilaka Gotiyari widaka gilaayayabanna ginyiwanna yaka widina "Taavita!, dithikaaka!" Sara widina kya' a'mwe' gannya tinnyaraai yenyina yaka Pitari tinna wanganaka dikavamwaaina. ⁴¹ Wi'na dikavamwaaina kya' sai gamire asa' maarina yaka yidika'na yaka yaanyiwaakengiji Naangere tewaanyaraaviji jaka widina yaka a'mwe' kwaihwainakevi wijiwaainyina. ⁴² Savi'na Jopa yuneba yagaala diwina yadivi' a'mwe kwala naangera Naangeri limwanna

yesarera. ⁴³ Pitai mena yaka Anga Jopa saba a'mwe pwai Saaimonimire angev+ mwaaidi'ny+ yirika pijaakuna wavila'na ya'. Saaimon+ sai bulimakaawoyangire kilaake yadely+ra.

10

Pitarinaj+ Konilyaazarinaj+ saraarinesira.

¹ Anga Sizaariya a'mwe pwai Konilyaazai mwaalina. Sai aawilata maremwaaidei Romiya aawilatara Yitaali aamiyaraav+ maremwaaidely+ Romiyai. ² Sai Gotiyarina nayaa yaw+'na, nabaai gamij+ gamire angev+ mwaaidiv+saj+ Gotiyari+ yagaala widadiv+sangira. Juyara nigwimaayaraav+ yanga wijaavadely+. Gotiyari+ yagaala widadely+. ³ Konilyaazai sai mwaalina yada pigaa' tiri kilokiyagaa' a'mabaaitinna wanganna yada Gotiyare mamaayai bwina yaka widina "Konilyaazaigi!" Widina yake' tinna wanganna. ⁴ A'mabaaitinna wanganna yada mamaayari baihana'na yada lika yada widina "A'mwe naangeigi, baa'na bahineka?" Widina kya' mamaayai widina "Gotiyari+ yagaala widadinya' Gotiyai kadika gu'n+wa'. Nigwimaayaraav+ wijaavadinya' tinna gwangamwa'. Sare'na Gotiyai giminyina gyaw+'deiginyi. ⁵ Dahaa' Anga Jopa sawinna a'mweraav+ a'mwe pwai Saaimon+ Pitai wo'n+ikerina duthaasa! ⁶ Sai saalaalyayaba pware angev+ angyiri+maata yivan+. A'mwe pwai Saaimon+ giryawo'nyai bulimakaawoyangire kilaakengi yav+karyadei. Yi sare angev+ mwaali'." ⁷ Sara widina yaka mamaayai wina kya' Konilyaazai gannya

angevi widaayadisaraariji aawilata pwariji jaka widina. Aawilata sai Koniliyaazaryaba mwaaida Gotiyari yawi'dei. ⁸ Jaka widina yaka kuminyi yuya yima'nake' widaka Anga Jopana a'mwe saraavi widaasina ya'.

⁹ Yirika piriki tusavi kaanna wina yadivi' Anga Jopa aya kibanna yi'ma'na yadaapiji Pitai yawi'na “Gotiyari widi'ma!” Daka sirigwajahaa' anga munyawu kwavita waraasavi yilamwaaina. ¹⁰ Yilamwaaina kya' sagaa' Pitari mijika wiadaasi wapaaya yovira'na yadaapiji tika munnenna yawi'da a'mabaalyavi tinna wanganna. ¹¹ Tinna wanganna yada Sigunya' basinadaa'na yadaa'nyi kwaabiyivita divaniginya'bisajiki makwalaabina. Kwaakewi Pitaryawu mamaayara kwaabiyivisa'bi' kwaraka dawaai dawaalyangi limwageva makwalaabina. ¹² Mena makwalaabina kye' Pitai dara wanganake' “Ai, yikuriyaawia ge geji malakayaawarya ge geji kamaala ge geji yuta ge geji daminarika!” ¹³ Sara kada' maanguraaya' widina “Pitai, daava'gizi sa diramanana!” ¹⁴ Widina kya' kiri' Pitai widina “Naangeigi, arikewinyira. Juyainaavire kiwinya' dinike' ‘Kimaakengi maninnera!’ Sara dinike'na girika kininnaka aane piriri' kiri' manyi yadinyainyira.” ¹⁵ Sagaa' pigasaai maanguraaya' widina “Gotiyai ‘Sa tewaanyangira,’ dinikengina gimti ‘Sa girikita'nanyangira,’ madinnera!” ¹⁶ Tinna wangadaa'nyi dahasaai dahaa' kwaabiyivisa'bi' makwalaabina yeva yagaala mena widaakegaa' munyaba Sigunyavina ayina makilaawina ye'.

17 Pitai yawi'na “A'mabaaitinna sa' wangamwe' berivi wangamwana?” Yawi'na yaka simunya ayahi ayahi yawi'na yadaa'nyi Koniliyaazai widaasakeraavi Saaimonimire angevina jivwaridaakuna yesara tikuryaba daavina. 18 Tikuryaba daavina yeva jaka widina “Angyiri'maasa'nei Saaimoni Pitai damwaalika?” 19 Jaka widina yadaapiji Pitai kuna yawi'na “Berivi wangamwana?” yawi'na yadaa'nyi Kuryai widina “Kadika dinyu'nana! Dava gwangabi'de'na a'mwe daraai dalyara mwaaihava. 20 Daava'gizi walaawa'gizi lika myadi nimi widasiwaabe'na kumiji diwodeiginyi.” 21 Sara widina kya' Pitai walaawina yaka a'mweraavi widina “A'mwerina jaka widivanigasai niminyira. Be'na biwaataihilaka?” 22 Widina kya' sahwara widina “Aawilata maremwaaidei Koniliyaazai nedasiwaabikeinera. Sai a'mwe tewaanyai Gotiyarina yilaaya yadelyi. Anga naangengiya Juya yuyara dara jalikurakadiviki 'A'mwe tewaanyalyi.' Gotiyare ejeliya tewaanya pwai widina 'Pitai yagaala githathe'na ginnya angevina wilaabathe'na Pitarina duthaasa!' Widina yiwa'dikerina biwoinera.” 23 Sarevadaa'nyi Pitai widina “Dava se wa'mwaraana!” Widina kya' se wa'mwa'na ye'.

Mwanyavi yovirawakina yina yaka kumiji wina ya'. Nabaai Jopa mwaalyara Naangere pwara gamiji kaanna wina. 24 Kaanna kaanna wina yaka yirika piriki Anga Sizaariyana yimavaawina. Koniliyaazai

gamireraaviji gya'mwe pwaraaviji jaka wijiwaramaa'na kya' gamire angevi yuyara Pitarina yemwaaina. ²⁵ Yemwaaina yadaapiji Pitai yi'mavaawina yaka yawi'na "Angevi wilaawima!" Yawi'na kya' Koniliyaazai wiji'maa'nyina yaka "Naangelyira," yawi'na yaka gamire sivi'yaraaryaba walaraka kwadaai gilina. ²⁶ Kwadaai gilina kya' kiri' Pitai gaminyi yiri'bwana yaka widina "Aawa, sarebwi minna! Nimi sahwayi a'mwe gaveinyira." ²⁷ Widina yaka angevi wilina yaka Koniliyaazai kuna widaka dara wanganake! "O, a'mwe kwalaalya damwaaihava!" ²⁸ Sara daka widina "Juyaini. Sarimi Menyaihiyira. Sahwaihi nayaa dara yawi'mwaava 'Juyaraavirebwi dinyina "Menyaraavi angyiri'maata minnera! Sahwaraayaba tika munne maninnera!" 'Dinike'na kiri' Gotiyai dara nyiji'waainiwa'di' 'Menyara Juyaraavirebwi myadivisaraavina "Gerera!" madinna! A'mwe yuyara kumi'avaalyarera.' ²⁹ Sara kanyiji'waainiwa'di' ninyina kudasiwa'daavadi yari biweinyi. Sarevidaa'ny'i yari bena yiwaara'manige. Ninyina be'na widasiwa'daavadi'na?"

³⁰ Koniliyaazai widina "Mwa'niga tiri kilokiyagaa' Gotiyari wijahaa' dahaa'bisagaa' ninnya angevi Gotiyari widiwa'de. Widadaazi, yithaa, a'mwei baazi'ma'nya wivitiratabisa' baazi'ma'nikei ninyaba daavaka ³¹ nyidwa'di' 'Koniliyaazaigi, gim' Gotiyari yagaala widadinya' Gotiyai kadika gu'niwaka. Nigwimaayaraavina yanga wijaavadi'nya' mena gyawi'deiginyi.

32 Sarevɪdaa'nyɪ Anga Jopana a'mwe pwai Saaimoni Pitai wo'n'kerɪna duthaasa! Saalaalya maangebaari Saaimoni pwai bulimakaawoyangire kilaaka yavikaryadere angevi angyirɪ'maata mwalaawaka sai.' 33 Sara wɪdɪna kanyɪwa'dɪ' yarai wɪdasɪwa'daavade'na gɪmɪ bɪwaa. Tewaanyasi. Kaimala! Su! Sarevɪdaa'nyɪ dava nemɪnyaba Gotiyai mwaaidɪ'nyɪ Naangei gɪthɪwaka yagaalya' kadɪka gu'naade'na yemwaaimanigo."

Pitare yagaalya'nesɪ.

34 Pitai yarai wɪdɪna "Mena nayaa yawɪ'mwa. Gotiyai yuyaraavɪ avaaɪna wiadelyɪ Juyaraavɪjɪ pwaraavɪjɪ. Nebulyasi. 35 Gotiyai ajɪmya yuyangɪya gazavasavakɪyarɪ nayaa yawɪ'delyɪra. A'mwe sai Gotiyarɪna 'Tewaanyalyɪ. Naangelyɪ,' dada yɪda'maraangebwi yade'na Gotiyai maarɪna yɪvanɪkelyɪ. 36 Gotiyai Yɪzɪrelyɪyainaaɪ nedasaabaka yagaalya yawɪ'mwaava. Yagaala tewaanya sa' dɪnɪ' 'Kiraazɪtiyai Jizaazai tewaanna yaka Gotiyarɪnaji a'mweraavɪnaji kwaamu'nanyabwi waka!.' Sahwai a'mwe yuyaraavɪre Naangelyɪra. 37 Jonɪ Bavɪtaaziya Yadei wɪdakegaa'daasɪ Kwaaka Galɪlidaasɪ Kwaaka Juthɪya yunebanne yagaala sa' dɪnesa'na yawɪ'mwaava. 38 Jizaazai Naazaretɪ mwaalyarɪna yawɪ'mwaava. Gamɪnyɪ Gotiyai dahɪlakaka Kurya Tewaanyarijɪ gannya dɪragɪnyavɪjɪ wɪjaava'. Wɪjaavaka gamɪjɪ Gotiyai mwaalake'na gazabazaba sahwai tewaanna yada Kayaa'nanyai Saataani kayaa'na wiadera tewaanyaraavɪ wɪmwaaiha'. 39 Sara

yada Kwaaka Juthiya Anga Jeruzaalemi yuya Jizaazai yake tinna wanganona yuyaraavi w+jal+kurakadaanyaine. Yisaviri niliya w+rameva karamake' balina. ⁴⁰ Mena balina kya' kir+ yir+ika daryaai dar+ki Gotiyai baryar+ yid+kaavaka gam+reinaayaba w+j+waaaina'. ⁴¹ Yuyara gam+ny+ mwan+gany+ ye'. Aawa. Gotiyai nedah+lakakeina w+jal+kurakya'ne gaveinaavi nej+waaaina'. Bain+kerayaw+ Naangei kad+ikaava' gam+j+ aalya nona gam+j+ wapaaya noinera.

⁴² Diraginna wid+ina neya' 'Nimire yagaala tewaanya' a'mweraavi duz+la! Dara nebwina duzal+kuraky+la! "Gotiyai Jizaazar+ dah+laka'. A'mwera mwaaihasaraav+naj+ a'mwera mena bain+kerav+naj+ kot+ya' yaw+bwarya'ner+ w+mwaaiha' Gotiyai." ' Sara neda'. ⁴³ Nabaai, Gotiyar+ wi'naw+j+wakyaasara gam+ny+na jal+kurak+n+kely+. Sahwar+na dara yid+a'n+kes+. Gazaizai sahwar+ ku'noj+ Gotiyai gam+re kayaa'nanyang+ marasi'nadely+. Sahwar+ne yayav+na marasi'nya'nebwi maaradely+ra."

Menyara Kurya Tewaanyar+ maaresa'nes+.

⁴⁴ Pitai kuna wid+adaasi Kurya Tewaanyai yuyara yagaala sa' kad+ka wi'nesaraavi walaab+na yaka kum+re muny+kaavi w+lamwaaaina. ⁴⁵ Wi'na w+lamwaaaina kya' Anga Jopadaasara Juyara Jizaazar+ limwad+iv+sara dara wanganesa' "O, Gotiyai gannya Kurya Tewaanyar+ aj+mya yuyang+yaraav+na yanga mena duzaawaka!" Sara deva ni'n+ika y+na ye'. ⁴⁶ Sare' dare'nes+. Menyara yagaala ge ge w+deva

Gotiyari yilaaya yina yadivi' widina “Gotiyai diraginaangelyi.” Widina kye' ni'nika yina ye'. ⁴⁷ Ni'nika yina kye' Pitai widina “Kurya Tewaanyai neminyi wilanemwaalakabaaibi' dahwaraavi Kuryai wlamwaaimwa'. Sare'na pwara 'Aalyavi bavitaaziya myaannera!' dinipinera daaka! ⁴⁸ Aawa, kuminyi Jizaazari yaya'na bavitaaziya jila!” Widina kya' sara kye' sahwarara Pitari widina “Yirika piniji neminyaba angyiri'maata ja!” Menyara sara widina kye' saba angyiri'maata ya'.

11

Anga Jerusaalemi Pitai a'mwera Kiraazitiyare kusilaanyaviyaraavi wijiwaakake'nesi.

¹ Widaasaderaji kuya'mwera Kwaaka Juthiya yuneba mwaalyaraji dara wi'nesa' “Ajimya yuyangiyara Gotiyare yagaala wi'neva dalimwagakava!” ² Mi'na kade' Jerusaalemina Pitai yilaawina kya' kilaakevi da'divisara Juyaraavirebwi diragina yadivisara maanga wide' ³ “A'mwera kilaakevi madayadivisaraavi angyiri'maata yiwa'dinyaiginyi. Nabaai, sahwaraji wapaaya niwa'daasaiginyi. Be'na yiwaana!” ⁴ Sara kude' Pitai aayawidaasi sara yake' sara wijiwaaka'. ⁵ Dara wijiwaaka' “Anga Jopa mwaalena Gotiyari widena a'mabaaitinna wanganyawalyaade. Yi darsi. Gotiyareba mwaalyara kwaabiyivita naangevaki dawaai dawaalyangi limwageva Sigunyavidaa'nyi niminyabanna makwalaabina yawalyaadaasa' wanganyawalyaade.

6 Makwalaabina kyawalyaadaa' kwaabi+yivita kusawi malakayaawaryaraji yikuriyaawiaraji kamaalyaraji yuta yihusavineraji gera geraji wlamwaaidapi nayaa yiwaryawalyaade. 7 Mena wanganena maanguraaya' w'nyawalyaade. Pitai, di+thaaka! Saraavi tama'gizi yarai dinana! 8 Sara w'nena widina 'Naangeigi, arikawinyira. Miwita kimaaka aane piri' girikita'nanya aane kiri' manyadinyainyi.' 9 Widina kyawalyaade Sigunyavidaa'nyi maanguraaya sa' ja'nanyijawalyaadi' 'Yuya Gotiyai tewaanya wakiwake "Kayaa'nanyangira," madinnera!' 10 Kanyijawalyaadi' pigasaai pigaa' sara kadinyawalyaadoi Sigunyavi ayina makilaawina yawalyaadaasa' wangan yawalyaade. 11 Tinna wangadaazi yithaanyi, nini+nyawinna a'mwe daraai dalyaraavi Sizaariya mwaalyai widasawalyaadi+ker angevi wlamwalyawalyaadevina yimayawalyaadaa'. 12 Gotiyare Kuryai nyijawalyaadi' 'Simunya myawidinnera! Saraji diwona!' Mi'na kanyijawalyaadi' Anga Jopana neya'mwera a'mwe atina ata puridaasi pwalyara mwaaihasaraji wiawalyaade. Kaanna kaanna kaanna a'mwe sare angevi wina yiwado. 13 Wina kyiwado sawai nediwadi' 'Nimi dara wangamwade' "Ai, nimore angevi Gotiyare mamaayi davuladaavika!" Kadiwade ejeliyai nyidiwadi' "Anga Jopana duthaasa! 'Saaimon+ Pitai wo'nikerina yarai dimaaryila!' 14 Davanna bozi yithathera. Yagaala sa' Gotiyai gimiji gimijiyaraji sahire kayaa'nanya marasi'noji yihivadaihasamaaradeihiyira,"

nyidiwa'di' ejeliyai,' a'mwe sai sara nyidiwa'di'.
¹⁵ Niimi Gotiyare yagaala gaai widadaari Kurya
 Tewaanyai walaabaka kumire munyikaavi
 bulamwaaimwa'di' sinnawi nemire munyikaavi
 bulanemwaalakabaai'. ¹⁶ Sara wanganena
 dara yawi'mwa'de 'Naangei Jizaazai neda'
 "Jonii aalyavi bavitaaziya yake' kirii' sariminyi
 munyikaavi yunebanna Gotiyare Kuryai
 wilaayihimwaaladeihiyira." ' Naangei sara
 nedake' sara yawi'mwa'de. ¹⁷ Sinnawi
 Naangei Kiraazitiyai Jizaazari limwagohaa'
 Gotiyai gannya Kuryari nejaavakabaai
 sara Menyaraavi avaainanya' wijaawa'di'.
 Sa'na yawi'na 'Sarevadaa'nyi Gotiyari be'na
 tihimuneinyaka! Aawa. A'mweinyira.'
 Sara yawirena kaanya' marihirye," wida'.
¹⁸ Sahwara Pitarii sara wi'neva "Yagaala wikira,"
 deva maanga aaya' widesa' majara Gotiyari
 byaannyabwina yileyagaala wideva dina
 "Nebulya', Gotiyai ajimya yuyangiyaraavina
 kale wiwaka. Kumire simunjabwi mudikeburi
 kyawiramaarapiri Gotiyai gaalyaburi
 tewaanna wimwaaihina yaderera. Tewaanna
 wimwaaihina neyadevaai' sahwaravii
 tewaanna yaderera."

Angaba Aadiyoki Gotiyarera mwaalesa'nesira.

¹⁹ Sitivenimi tamakesagaa' Jizaazare yagaala
 wi'nadivisaraavi kayaa'na yadivi' piw'na
 piw'na yiwinama'na. Piw'na piw'na
 yiwinama'na yadivi' pwara Kwaaka Piniziya
 menyabanna yi'mavaawina, pwara Ahu'manna
 Saaipiraazi menyabanna yi'mavaawina, pwara

Angeba Aadiyoki menyabanna yi'mavaawina yeva Juya gaveraavi Gotiyare yagaala wideva a'mwe kwara pwaraavi mujina. ²⁰ Sara muji kye' pwara Saaipiraazi mwaalyaraji Saairini mwaalyaraji sara Aadiyokina waweve Menyaraaviji yagaala tewaanya' Naanga Jizaazarina wijiwaake'. ²¹ Sara wijiwakadaapiji Naangei gannya diraginya' kujaava' a'mwe kwalaalyara a'mwe kwalaalya sahwari limwana, gaminyi ginyima'nyina, midinna ye'.

²² Jeruzaalemi Jizaazare kusilaanyaviyara kadika dara wi'nesa' "Ai, Menyara Jizaazari wi'nadivisara daaka!" Sara deva Aadiyokina Baanavaazari widaasina ye'. ²³ Widaasina kye' Baanavaazai Aadiyokina yi'mavaawina yaka dara wanganake' "Su! Su! Gotiyai a'mwe tewaanyaraavi damwaahivanika!" Sara daka yilaaya ya'. Yilaaya yaka yivaimwange'na wida' "Gotiyare yagaalya' nayaa jawika! Gamirebwi nayaa dilimwana! Yuyagaa' Naangeryawi dimwaala!" ²⁴ Sara widakei a'mwe tewaanyalyi. Gotiyare Kuryai gamire simunyavi diraginna wilamwaalakelyi. Naangeri diraginna limwadei wijiwaakada a'mwe kwala naangera Naangeri midine'.

²⁵ Sagaa' "Solimi biramaarima!" daka Baanavaazai Angeba Taazazina wina ya'. ²⁶ Mi'na wina yaka biramaa'na yaka Aadiyokina ayahi makabina ya'. Makabina kya' kwarame piri' kwavilava' saraai kusilaanyaviyaraji mwaalagila a'mwe kwalaalyaraavi wijiwaakina yagi. Wijiwaakina yadaakilyi Aadiyoki

saba pwara Jizaazari mididivisaraavina
 “Kiraazitiyarera,” gaai widina ye'. Dividaasi
 pwara neminyina “Kiraazitiyarera,” dadiviki.

²⁷ Yirika sarikaavi Aadiyoki
 sawinna Jeruzaalemidaasara Gotiyari
 wi'nawijiwaakadivisara bina ye'. ²⁸ Wi'na
 bina kye' pwai Aahavaazai wo'nikei daavina
 yaka Gotiyare Kuryai diraginya wijaavakei
 wida' “Divi Kwaaka yuyavaki mijika naange'
 yima'nadesira.” Sara widake' divi A'mwe
 Kilothyazai Romiyaraavi maremwaalakegaa'
 mijika yima'nyina yakesi. ²⁹ Mididivisara
 Aadiyoki mwaalyara yagaala sa' wi'neva
 dinyina ye' “Nemireba wikira. Pwaraavi
 wigaimwagaana! Kwaaka Juthiya mwaalyara
 neya'mwera mijika nuyadika! Nemi
 gilyivikiravinakeina nigwia naanga wijavaana!
 Gilyivita maalikajiyaina nigwia maalika
 wijavaana!” ³⁰ Sara dinyina yeva nigwia
 wakina yeva Baanavaazalyi Soliji saraari wide'
 “Nigwia da mijike'na Kiraazitiyareraavire
 naangeraayawinna dimakwila Jeruzaalemina!”
 wide'.

12

Erotiyai pwai kayaa'na yake'nesi.

¹ Sagaa' Kingiya Erotiyai Kiraazitiyare
 kusilaanyaviya pwaraavi kayaa'na yina
 ya'. ² Erotiyai gannya aawilasaraavi
 widaasina kya' Jemizai Jonimi gya'mweri
 kwaari'masiraminyasi dawakina ye'. ³ Erotiyai
 sara yaka dara wanganake' “Ai, savine' Juyara

yilaaya jivaniga!" 4 Sara daka nabaai Munne Girikula liwinya pamidakina myadehaa' Pitari wila pwiya'na ya'. Mi'na pwiya'na yaka kalavuzangevi wimwaaihina yaka dameraavi wida' "Lika nawodika! Sinnawi a'mwe daraai daraalyahi divaihanaryila! Divi daraai daraalyahi divaihanaryila! Divi pwaihi sara jila! Divi pwaihi sara jila! Yuyagaa' sana sana jideihlyira." Erotiyai dara yawira' "Pari'ma'munne' mena kyawaaji balya'na Juyaraayaba wimwaaihima Pitari!" 5 Sarevidaa'nyi kalavuzangevi Pitai mwaaid'nyi Kiraazitiyare kusilaanyaviyara Gotiyari yagaala diraginna wide' Pitarina.

Kalavuzangevidaasai Pitai wawake'nesi.

6 Munne aaya' yima'nadaa'nyi Erotiyai yawi'na "Mwanyagaa' Pitari kotiya' yidera." Sara yawi'na kya' sagaa' sawisavi Pitari seni'yabaraalyi wila pwiya'na yagila se warina yadisi dameraai kwaryaba mwaalina. Kwaryaba mwaalina yadakilyi kalavuzangevire kaanyavi dame pwaraai daavina yagi. 7 Daavina kyagi, yithaa, angevi Naangere mamaayai buladaa'na yakegaa' baake' wannyina ya'. Wannyina kya' ejeliyai "Dikaavana!" daka Pitare egwevi tamina yaka wida' "Yarai, dithikaaka!" Sara kuda' seni'yabaraai Pitare asiraaridaasi bwalaraawina ya'. 8 Bwalaraawina kya' mamaayai wida' "Munnaanya' padathivaina'gizi kwaabizivila divaazi'makuna!" Sara kuda' Pitai sara yina kya' wida' "Ginnya yivisa' marabwaaya'gizi dinyimidinaama!" 9 Kuda' kalavuzangevidaasi

Pitai midinaabina ya'. Midinaabina yakegaa' Pitai dina ya' "Nebwina mika. Mamaayai yivanike'na waja ya'nivanige." ¹⁰ Sara dadaa'nyi kalavuzikurita gavinyawaari wawila'na yagila kwaari'makaanyavina yima'na kyagi kaanya' gami sa' kabaasina' mwasawinna walyuna yagi. Mwasawinna walyuna yagila tuta pirivi wodisagaa' yithaa, mamaayai Pitaryawidaa'nyi yimaanyina ya'.

¹¹ Sagaa' Pitai yawiraka dina "Nebulya'nanyasira. Naangei gannya ejeliyari kudasiwaabi' Erotiyare kalavuzangevidaa'nyi nyimaa'mwaka. Juyaraji Erotiyalyi saraavire kayaa'nanya' niminyina myima'nyi yadesi."

¹² Nayaa yawi'na yakegaa' Maakiyai Jonimire ganaange' Maariyaavire angewinna wina ya'. Anga savi a'mwe kwalaalya mwaaleva Pitarina Gotiyari yagaala widesangira. ¹³ Pitai wina yaka kaanyavi mala tamina kya' widaayade' Rotha' wo'nike' wi'naka "Kaanya baasima!" daka walyuna ya'. ¹⁴ Mi'na walyuna yaka Pitare maanguraaya' wi'naka yilaaya naanga yina yaka navika yada kaanya' mabaasi yaka ayina kaanyave'na wilaabina yaka wida' "Mwasawi Pitai daavika." ¹⁵ Pwara wide' "Gimire simunya kayaa'nanaangesira," Taaya' wida' "A'a. Nebulya'na mena biwaka." Pwara wide' "Pitai mamwaalyi'. Gamire ejeliyai mwaali'." ¹⁶ Didaapi Pitai kaanyavi mala kuna tamina ya'. Tadaa'nyi kaanyavi baasina yeva Pitari wanganeva atika maru'na'na ye'. ¹⁷ Atika maru'na'na kye' Pitai daka "Kadika nyu'nipika!" gannya asa' bamakilaawina kya' yagaala mi'na

kude! Pitai wijiwaakina “Naangei kalavuzangevi nyimaa'mwa!” Sana sana wijiwaakina yina yaka wida! “Yagaala da' Jemizariji neya'mwe pwaraaviji duzila!” Mi'na widaka mwasawi walyuna yaka piwinna wina ya!

¹⁸ Mwanyagaa' nyila bilyiri'daa'nyi damera dara wangesa! “Akai, Pitai mamwaalyijika!” Sara deva lika yeva atika maru'na'na yeva dinyina ye! “Pitai gawi mwaalika?”

¹⁹ Sara dinyina kye! Erotiyai wida! “Yarai diviramaarila!” Wi'na kuda' birina birina yeva aawa. Mamaari kye! Erotiyai dameraavi kotiya! yaka saraavina wida! “Kayaa'na yiwaasara baibi'derera.” Sara kuda' yuyaraavi tamakina ye!

Sagaa! Erotiyai Kwaaka Juthiya ya'ma'na yaka Anga Sizaariyana walaawina yaka mwaalina ya!

Erotiyai balake'nesi

²⁰ Anga Taayaa mwaalyaraavinaji Saaithoni mwaalyaraavinaji piwina Erotiyare sinna tika naanga wida'daa'nyi sahwaru dinyina ye! “Neminyina Erotiyari sinna tika wida'manike'na gamirebadaasa tika wapaaya gara mubaatheinaavaka? Erotiyaryawinna wawaaji narya! wakaana!” Dinyina yeva kaanna waweve a'mwe Bilaazitazai Erotiyare angevi maremwaideri wida'na kye! Bilaazitazai ye'mwanna ya! Ye'mwanna kya! yuyara Erotiyaryawinna wina yeva wide! Kude! Erotiyai wida'na ya! “Pigaa! yinagaavaihagaa! yihithideinyi.”

21 Sagaa' Erotiyai widakegaa' kyima'na' kingiyaraavire baazi'ma'nya nawi'nyasi yivita nawi'nyasi bwaayaka namwaalyita tewaanyavi walamwaalaka a'mweraavi kiwinya naanga widina ya'. 22 Mi'na widina kya' a'mwera jaka wide' "Nedivanikei a'mwei mika! Gotiya pwalyira." 23 Sara jaka kude' jaahwasa'b'i' Erotiyai yilaaya yaka yawi'na "Nimi Gotiyaibisainyi," yawi'na ya'. "Sabwi mipinera! A'mweihi Gotiyai gaveri byaannakeri yilaaya dumaryila!" sara majarina Naangere mamaayai yarai walaabina yaka Erotiyari tamina ya'. Tamina kya' gumilikera Erotiyare kilaakejiki nyina kye' Erotiyai balina ya'.

24 Kiri' Naangere yagaala piwinna piwnna kujywaake' a'mwe kwalaalyaraji a'mwe kwalaalyaji sahwari limwana ye'.

25 Baanavaazalyi Soliji saraai nigwia mena wijaavagila Jeruzaalemidaasi Maakiyai Jonimi ayina makabina yagi Anga Aadiyokina.

13

Baanavaazalyi Soliji saraari dahilakeva yaas-esa'nesi.

1 Aadiyoki mwaalyara Kiraazitiyare kusilaanyaviya pwara Gotiyari wi'nawijiwaakadivisara. Pwara Gotiyare yagaala wijiwaakadivisarera. Sahwara pwai Baanavaazai, pwai Simiyoni Dikwaagilyai, pwai Luziyaazai Anga Saairini mwaalyai, pwai Maanayani maalikelyiyagaa' Naanga Erotiyalyi mwaalagilyai, pwai Soli. 2 Sahwara kamwaale'

Kiraazitiyarera yikabeva wapaaya manyara Gotiyari yagaala widadaapiji Kuryai Tewaanyai wida! “ ‘Wawinya mudike! saraai yika!’ dena yithithivanige. Niminyine Baanavaazalyi Soliji saraari kadahilakapiji yikaderaalyi.”³ Sara kuda! wapaaya kuna manyeva Gotiyari wideva “Sahwaraai yikadesira,” deva saraare minyaginyawaari ata dathiwanna yeva widaasina ye!

Ahu'manna Saaipiraazi sawinnesi.

⁴ Sarevidaa'nyi Gotiyare Kuryai widaasina kya! Baanavaazalyi Soliji saraai Anga Seluziyana kaanna walyuna yagila sipiyavi yilamwaaina kyagi Ahu'manna Saaipiraazina sipiya! makuna ya!.⁵ Makuna kya! Anga Saalamizina yimavaawina yagila Juyaraavire lotuangengi Gotiyare yagaala wijiwaakina yagi. Saraare widaayadei Maakiyai Joni wigaimwagakelyi saraalyi kaanya yamarye!

⁶ Ahu'manna savi yuneba wjalotaveva Anga Paipozina yimavaawina ye!. Saba Juyai mwaalina. Baajizaazai wo'nikei mwaalina yakelyi. A'mwe sai giri'nyaji kwalyaji yunebanna limwagarikelyira. “Nimi Gotiyari wi'na'muji yagaala tewaanna yithiziwaakadinyainyi,” kwaasi dadei mwaalina yakelyira.⁷ Ahu'manna savi maremwaaidei Ga'maaniryayaba Baajizaazai mwaalina. Maremwaaidei Sezizaazai Polaazai wo'nikei sidu'nakelyira. Sidu'nakei “Gotiyare yagaalya! kadika wi'nima!” daka Baanavaazalyi Soliji saraarina widasaabina ya!.⁸ Widasaabina kya!

saraai wɪlamwaaina kyagi Kulakei Baajizaazai saraari birala yina yaka a'mwe naangeri wida' "Jizaazareburine yagaalya' mu'ninna!" Kulaka sai Girikiyagaala yaya' Elimaazai wo'nikelyi. ⁹ Girikiyagaala Solimina yaya' Poli wo'nikelyi. Elimaazai kayaa'na kuda' Kurya Tewaanyai Polimi yunebanna wɪlamwaaida gannya diraginyasi yawita tewaanyasi sahwari wɪjaavina kya' Poli kulakeri baihana'na yaka ¹⁰ wida' "Kotiya Maryadere kaimiraayaigi, yuya yida'maraangebawina yikamaangeiginyi. Kwaasi yagaalyasi kayaa'nanaangebulyi sazangi gyakwalaangeiginyi. 'Naangere yagaala tewaanyavina kwaasi yagaala yima'nana! dadɪ kayaa'nanyabwina mamarasi'nyi be'na jitheiginaka? ¹¹ Yithaa, dahaasagaa! Gotiyare asa' diraginna giramana! Tibinyaigi yima'na'gizi nyilyari tinna mwanganyi jitheiginyi. Dividaasi dangadeiginyi." Sara widina kya' Elimaazare tinnyaraari yiraayasi jihinyasi jaahwasa'bi' bwalaraawina kya' tinna mwanganyi ya'. Tinna mwanganyi yaka "Pwai nimire asiri nyilimwagozi nyibwaramakwona!" daka kaanna kaanna yamarina ya'. ¹² Kaanna kaanna yamaryina yadaa'nyi maremwaidei diraginya' tinna wanganna yaka Poli Naangere yagaala wijiwaakake'na ni'nika yaka Kiraazitiyari limwanna ya'.

Kwaaka Pizithiya Anga Aadiyoki sawinnesi.

¹³ Poliji gamjiyaraalyi Anga Paipozi ya'ma'na yeva sipiyavi kaanna waweve kwaaka piva' Paabiliya Anga Pehaana yi'mavaawina ye'.

Yi'mavaawina kye' Maakiyai Joni kiriminyi yagalya'mavaka Jeruzaalemina ayina wina ya'. ¹⁴ Ayina wina kya' pwaraai Pehaadaasi Anga Aadiyoki Kwaaka Pizithiya mannikebanna kaanna wina yagila Kwazaakegaa' Juyaraavire lotuangevi wilina yagila walamwaaina yagi. ¹⁵ Walamwaaina kyagi Kiwinya Ne Mozizai yavikarinikeviji Piropetiyara Gotiyari w'nawijiwakyaasara yavikarinikeviji tinna wanganna yadivi' yagaala sa widina ye'. Widina kye' lotuangevi maremwaaidivita naangera Polimiji yagaala widaase' "Neya'mweraaihi neminyine yagaala yivaimwagya'ne' waraja' a'mweraavi dujiwaakyila!" ¹⁶ Sara kudaase' Poli daavaka asa' makilaka wida' "Nya'mweihi, Yizireliyaihilyi Menyaihi Gotiyari yilaaya maryadivisaihilyi saihi dinyu'nyila! Gotiyai Yizireliyainaavire Gotiyalyira. ¹⁷ Gotiyai nemire Ne sinnawinyaraavi dahilaka Kwaaka Yizipi Mwaalyaraavireba Menyaraavireba mwalyaata Yizireliyara kwala naanga wimwaihyaa' Gotiyai. Diraginna yaka Yizipidaasi Gotiyai Ne sinnawinyaraavi makabina kya' ¹⁸ a'mwamaayaba kwarama a'mweraare atiziviliraalya wavila'daa'nyi kumi sara kayaa'na yadaapiji Gotiyari kale wia'. ¹⁹ Kale kwia' Kwaaka Kenaani anga naanga pimaginya atina ata puridaasi pwaraalya yirawaasina yaka kumire kwaaka yanga wijaavina kya' kwaakevi kwiyakwara kwarama naanga naanga 450 mwaale'. ²⁰ Sagaa' a'mweraavina sidu'nakera yagaala yawibwa'divisaraavi dahilakaka dahilakaka

kadahilaka' Gotiyari wi'nawijiwaakadei Saamyiweli mwaalina ya'. ²¹ Mwaalina yadi'nyi a'mwera Gotiyari wide' 'Neminyine Kingiyai nemaremwaaladeri d'nejaama!' Sara kude' Gotiyai Kiziyare gawaalivaangei, Ne sinnawinya Bejaminimirei, Solimi wijaavina kya' kwarama 40 wavila'daa'nyi Soli kingiyai maremwaaina. ²² Maremwaaina kya' d'vi Gotiyai sari wasi'nyina yaka Kingiyai Devitimi wimwaaihina ya'. Sahwarina Gotiyai wida' 'Deviti, n'imire simunyavine Jeziyare gawaalivi yilaaya wimariwelyira. Nimi simunyavi widadaari gamizai yadelyira.' ²³ Sara widaka pigaa' Devitimi wida' 'D'vi Diraginyai Yizireliyaihira kayaa'nanya marasi'nadelyira.' Yune naanga nebulya'na widaka savine'na Naanga Devitimirei Jizaazai nevadaihasamaa'deri Yizireliyainaavina diraginna wimwaaihina ya' Gotiyai. ²⁴ Sinnaw Jizaazai mabyahaa' Joni Bavitaaziya Yadei Yizireliyaraavi wijiwaaka' 'Ginnya kayaa'nanya minnera! Gotiyarinaji gamireburinaji simunya mudikebwi nayaa kyawiramaara'gizi bavitaaziya gyideiginyira.' ²⁵ Joni gannya wawinya' aaya yakegaa' a'mweraavi wida' 'Sarimire yawisa'na bewainyaka? Yemwaaihata sainyi sahwainyi mika! Aawa. Yithaanyi, sahwai yarai bathelyi. Nimi a'mwe maalikeinyina gamire kwaabizivilyawaari myaari yideinyi. Savina maalikeinyi balideinyi dingaka?' wida' Joni.

²⁶ Nimirihii, Eviraamijiyaihiyi Menyaihi Gotiyari yilaaya maryadivisaihiyi saihi,

neminyina Gotiyai wijaake', a'mwe pwai nevadaihasamaaraderine yagaalya' neminyinesì. ²⁷ Sare dare'nesì. A'mwe sarina Jeruzaalemì mwaalyarajì kumire naangerajì myawìri ye'. 'Sahwai pwainaavìre kayaa'nanyanna nevadaihasamaaradelyì,' myawìri yeva, nabaai, Kwazaakegaa' yuyagaa' Gotiyarì wì'nawijìwaakadivìsaraavìre yagaapikarya tinna wanganeva kirì' myawìri ye'. Yagaala sa' yida'nike'na myawìryesara sahwari jida'na kye' yunebanna nebulya'na yima'naka Piropeti'yaraavìre yagaala sa'. ²⁸ Kumire yawita 'Gamìre kayaa'nanyabwi biramarawaajì tamakaana!' yawìreva birina birina yeva aawa. Mabiramaari yeva Paailatimì yaasiwa'na wide' 'Yisavìri tamakya'na sahwari niliya dirama!'

²⁹ Sahwarina Gotiyare bukuya' yuya yida'nike sara wina kye' sai balina kya' yisavidaasi makwalaabeve simaangevì wakina ye'. ³⁰ Sara wakina kye' bainikeraayabadaa'nyì Gotiyai ayina yidikaava' baryarì. ³¹ Yidika'na kya' yirika kwalaalya Galilidaasara sahwalyì Jeruzaalemìna yilaawina yesara sahwari nayaa tinna wanganna ye'. Nayaa tinna wanganna yesara dahaa' sarina a'mweraavì wijalikurakadivìsare. ³²⁻³³ Nabaai, naarimì yagaala tewaanya' yithithivanìgoi. Gotiyai Ne sinnawinyaraavì yune naanga nebulya'na wijaake' Jizaazarì yidikaavake' dahaasagaa' neminyina, sinnawinyaraavìreinaavina ya' Gotiyai. Savine'na Gotiyare bukuyavì Saamiya daraarì Gotiyai yida'nikabaabisasì.

Gimi nyibwaalivaangeigi
 Dahaa' diraginya' gizaaweigi
 A'mwera yawi'na gyip'deigi
 Gotiyainyi gimaamaangeinyi.

³⁴ Bainikeraayawi sahwarì yidikaavake'na yuyaga-
 gaa' ayina mabalyi yoji bwia maburi yaderina
 Gotiyai wida'

'Deviti limwaga'deri diraginna widahe
 Yuya tewaanya girimaaya gizaavima!'

³⁵ Sarevi nabaai, Saamiya pirivi yida'ni'
 'Widaayade nawi'nyari girimaayari tewaanna
 kamaremwaala'gizi sai bwia maburi yadelyira.'

³⁶ Sare' dare'nesi. Devitimina yawi'mwo.
 Mwalyaakegaa' Gotiyare simunya yawisaburi
 midinaka kabala' sinnawinyaraavire wakyaba
 kwake' gamire kilaakeji' bwia burake' sara
 yawi'mwo. ³⁷ Deviti bwia kabura' kiri' Gotiyai
 yidikaavakei dikaavaka Naangei bwia maburya'.

³⁸ Sarevadaa'nyi nya'mweihi, dara jawiryide'
 ' "O, a'mwe dai nemire kayaa'nanyabwi
 marasi'nakelyi," saraai danedivanigila!
 Jizaazai diraginyai widasawaabikei daaka!'

³⁹ Ne Mozizare kiwinya gimire kayaa'nanya
 mamarasi'nyi yinike' kiri' gazaigizaigi a'mwe
 dari ku'nalimwaga'gizi yuya marasi'nadelyira.
 A'mwe yida'maraangeiginyi gimwaaihadelyira.

⁴⁰ Sarevadaa'nyi mala nayaa jiwannana!
 Gotiyare bukuyavi wi'nawijiwakyaasa'
 giminyina nyima'nadika! Dara wijaa'

⁴¹ 'Yithaanyi, birala yadivisaihi wanganapi
 divalyide

Mwaaidapijiyagaa' nimire wawinya naange'
 yivanige'nanyi.

Kwai nayaa yihiziwaakaja' kiri' mu'nalimwagi
jideihilyi.' ”

Polì sara wìdìna ya'.

⁴² Lotuangevìdaasi Polijì Baanavaazalyì walyuna yadaakilyì a'mwera wide' “Kwazaakegaa' pigaa' yagalaawakilyì nedìwaala yagaala pinijì dìnejideihilyìra.” ⁴³ Wìdìna kye' mwasawìnna a'mwera walyaabìna kye' Juya pwarajì Menyara Juyaraavìrebwi yadìvìta pwarajì sara “Polìmìre yagaalya' tewaanyasi,” deva Polìmìjì Baanavaazarìjì kaanna mìdìnna ye'. Apozeliyaraai “Diragìnna mwaabìka!” dahìla diragìnya yìvaimwange'na wìdìna yagi “Gotiyari' lìmwanigasaihi dara jawìrila 'Gotiyai gannya yanga gaimwangeburi' tewaanna kuna nemaremwaaladelyìra.' ”

⁴⁴ Divi Kwazaaka pìrìvì angeba mwaalyara kwala bwa'naanya naangevaakìyara “Polì Gotiyare yagaala nedadaawori kadìka wì'naana!” deva Lotuangevì yìkabìna yìna ye'. ⁴⁵ Yìkabìna yìna kye' Juyara pwara kwala bwa'naanyangì tìnna wanganna kye' jìkurya yìna yeva wide' “Polì nedìvanìke' kayaa'nanaangesì.” Wìdeva Polìmì bìrala yìna ye'. ⁴⁶ Bìrala yìna kye' Polijì Baanavaazalyì lika myagìla diragìnna wìdahi “Juyaihi, Gotiyai nehìtha' 'Sinnawì Juyaraavì yagaala da' duziwaakyi!' Sara kanehìtha' sinnawì Gotiyare yagaalya' kyìhìthìwa'doi 'Aalo,' dìneva 'Yuyagaa' nemìre kuryara tewaanna mamwaaibìnera!' navìka kyawì'mwaa' sarìmìnyì yagalya'ma'na yakwoihìjì ajìmya

yuyangiyaraavi widakadeinaalyira. ⁴⁷ Sare!
dare'nesi. Gotiyai kiwinya nejaa!
'Ajimya yuyangiyaraavine baakeigi
gimwaaihwa.

Kwaaka yunewinyaraavine padaihasamaasabwi
dimakwona!

Yuyara giminyina tewaanna mwaabi'dera.' ”

⁴⁸ Sara wina kya' ajimya yuyangiyara yilaaya
yeva “Naangere yagaala sa' tewaanyasi,” dinyina
kye' Gotiyai “Sahwara tewaanyara yima'nipika!”
dahilakyaakera Naangeri limwana ye'.

⁴⁹ Kwaaka saba yunebanna Naangere
yagaalya' diwina ye'. ⁵⁰ Diwina kye' kiri!
Juyara Menya naange Lotuangevi wodiwisangiji
Anga mwaalyara naangeraaviji wijiwaakina
kye' Polimiji Baanavaazariji kayaa'na
yeva kunnya kwaakevidaasi widaasina ye'.

⁵¹ Widaasina kye' Apozeliyaraai a'mweraavi
kumire kayaa'nanyabwi wijiwaainya'na titya
sivilyangi wa'di'nyiya purakirasinagila Anga
Aadiyokidaasi Anga Aaikoniyaamina wina yagi.

⁵² Aadiyoki mwaalyara Naangeri mididivisara
Gotiyare yagaala nayaa limwana yadivi'
yilaaya yadivi' kumire munyikaavi Kuryai
Tewaanyai wlamwaaidera diraginna mwaalina
ye'.

14

Anga Aaikoniyaam+ sabannesi.

¹ Aadiyoki Poliji Baanavaazalyi sara yagilya!
Anga Aaikoniyaami ayina yagi. Juyaraavire
Lotuangevi wilina yagila tewaanna wijiwaakina

kyagi Juya pwaraji Girikiya pwaraji kwala bwa'naanya naange' wi'nalimwanna ye'.
 2 Wi'nalimwanna kye' kiri' Juya pwara malimwagi yevera kwaasi kude' ajimya yuyangiya pwaraavi nedaa'negwaaravaavina sinna tika davina wia'. 3 Sinna tika wida'daa'nyi sarev'daa'nyi naangegaa' Aaikoniyaami saraai mwaalina yagila lika mi yagila Naangerina diraginna wida'na yagi. Diraginna wida'na kyagi Gotiyai yawi'na "A'mwera nayaa yawipika! 'Gotiyareraai "Gotiyai yange'na tewaanna yihigaimwagathe'nanyi," nejalikurakivanigilya' nebulyasi,' sara yawipika!" Gotiyai daka gannya diraginya' wijaavina kya' saraai wijiwaainya tewaanyaji atika maru'nasaji yina yagi. 4 Sara tewaanna yina kyagi Angeba mwaalyara jaapaina yesa' pwara widaasaderaarina gaidaa'na yesa' pwara Juyaraavi gaimwanna ye'.

5 Divi ajimya yuyangiyaraji Juyaraji kunnya a'mwe naangeraji dinyina ye' "A'mwe saraari kayaa'na yawaaji silyaji liwakaana!" 6 Dinyina kye' sa'na Widaasaderaai kadika wi'nyina yagila Anga Lizitiraji Anga Deviji Kwaaka Likiyoniya mannikebanyaalyi kwaaka avaalyavi angengiji likaanya wina yagi. 7 Likaanya wina yagila yagaala tewaanya' wijiwaakina yagi.

Anga Lizitiraa sabannesi.

8 Anga Lizitiraa a'mwei sivilyiraai bainikei mwaalina ya'. Sai mudangegaa' ganaange' sivila kayaa'nanyari kamaara' yuyagaa' kaanya myamaryadei mwaalina ya'. 9 Mwaalina yakei

Polimire yagaalya' kadika wi'nyina ya'. Kadika wi'nyina kya' Poli dara wanganake' "A'mwe sai Naangeri mena wi'nalimwamwaka savine'na Gotiyai a'mwe tewaanyari wimwaaihathei daaka!" Daka baihana'na yaka ¹⁰ naanna wida' "Sivilyi dithaaka!" Mi'na kuda' a'mwei yari yiladikwosi'naka saba kaanya yamarina ya'. ¹¹ Kaanya yamaryadaa'nyi kwala bwa'naanya Poli yakevi tinna wanganewa kunnya Likiyonyagaalyavi'ni jaka dinyina ye' "Gotiyara mwaaihasaraavidaasi daraai a'mweraabisaraai neminyawinna waimanaabihile!" ¹² Jaka dinyina yeva kumire gotiyaraare yaya' Baanavaazariji Polimiji yaya wide'. Baanavaazarina Suzai wideva Polimina yagaala widaderina Emizai wide' yaya'. ¹³ Sara kude' Suzare yileanga angeba maangebaari madakevidaasi Suzare yileanga maremwaaidei bulimakaawoyaraaviji puriryangiji adikuryabanna makwalyuna ya'. Maremwaaide sali kwala bwa'naanyaji yawi'na "Bulimakaawoyaraavi tamawaaji gotiyaraari yikunaabudike'na wijavaana!" ¹⁴ Sara yawi'na kye' savina Baanavaazalyi Poliji saraai wi'nyina yagila "Sabwi kayaa'nanaangebulyi," dahila kirinnya baazi'ma'nyawaari lihivaina yagila kwala bwa'naanyavi tinnyawinna kaanyave'na wina yagila ¹⁵ jaka widahi "A'mweihi, sabwi baa'na yivanigava! Naarimi a'mweinaalyira. Sarimbisainaalyira. Yagaala tewaanya' yihiziwaakya'na biwolyainaalyira. Yihithivanigoi. Waryaanya da marasi'napi Gotiya nebulyai yuyagaa' yuyagaa'

mwalibainya'neri duzila! Gotiya nebulyai sigunyasi Kwaakevasi saalaalyaji yuya sangi mwaaidivisaji wakyakelyira Gotiyai. ¹⁶ Kigaa' a'mwe ajimya yuyangiyara kunnyabwi yadivi' Gotiyai wanganakina yaka 'Dahaa' a'mwera kunnyabwi yagalya'mavapi nimirbwi yipika!' da'. ¹⁷ Kigaasi dahaasi yuna lika yulya'na myada yuyagaa' sariminyina tewaanna yadelyira. Sigunyavidaasi burika yihizaavaka tika munne tewaanya yiriyane wakivani'. Wapaaya sarimire munyikaavina yihizaavanike'na munya yihyidaasi sarimire siduta yilaaya yivanigasaihilyi. Yuya daza gaminyina nayaa yihizalukurakadelyira." ¹⁸ Yagaalya' sara kudahi kuna yaamiji widina widina "Sahwaraaihirina yikunaabudike' yiravaana!" widina kye' saraai widina widina "Aalo! Aalo!" widahi. Saaminyagaa' widina widina kyagi a'mwera navika mwaalina ye'.

¹⁹ Divi Juya pwara Aadiyoki Kwaaka Pizithiya mannikebadaasaraji Anga Aaikoniyaamidaasaraji bina yeva Widaasaderaarina birala widina kye' a'mweraavi sinna tika wida'daa'nyi a'mwera Polimi silaangeji liwakina ye'. Liwakina yeva "Mena baimwaka," dina yeva angeba mwasilaa mwagi'namakwalyuna yina yeva yagalya'ma'na yina ye'. ²⁰ Yagalya'ma'na yina kye' Naangeri mididivisara kale wiadaa'nyi gaminyabanna yikabina kye' kiri' Poli daavina yaka angebanna ayina wilaawina ya'. Ayina wilaawina yaka sawi se wa'mwa'na yagila mwanyavi dikaa'na yagila Anga Devina kaanna wina yagi Baanavaazalyi.

Kwaaka S'i'ya Anga Aadiyokina ayina wawagi'ya'nesi.

²¹ Anga Devi saraai yagaala tewaanya' wijiwaakina kyagi a'mwe kwalaalyara m'id'idiv+sara yima'nyina ye'. Yima'nyina kye' Anga Lizitiraana ayina wina yagila Anga Aikoniyaamina wina yagila, Kwaaka Pizithiya Anga Aadiyoki mannikewinna ayina wina yagi. ²² “Yuyaba m'id'idiv+saraavi nayaa mwaabika!” dahila kumire simunyangi diraginna wijiwaakina yagi “Gotiyare yagaalya' nayaa dilimwana! Naangeri kuna dilimwagaka! Gamire diraginya' nayaa dilimwagaka! Kwaaka davaki mwaaida'gizi daanga pinya'neji kale ya'neji kagyozi sare'na kir'i' divi Gotiyai maremwaaidevi nawi'nyabanna dimwalaawideiginira,” sara yivaimwana yagi. ²³ Yivaimwana yagila anga yuyangi a'mwe sidu'nakeraavi Kiraazitiyare kusilaanya gazasavine a'mwe naangeraavi wimwaaihina. Mi'na wimwaaihina yagila “Gotiyai yuyaraavi diraginyaraavi wimwaaihana!” dahila tika munne manyi yagila a'mweraavina Gotiyari yagaala widina yagi “Naangeigi, a'mwe dara gilimwamanigasaigi, nayaa dimaremwaala!” sara widina yagi.

²⁴ Kwaaka Pizithiya kaanna yamaryadi' Kwaaka Paabiliyana yi'mavaawina yagila ²⁵ Anga Pehaana yi'mavagilegaa' saba mwaalyaraavi Gotiyare yagaalya' widina yagi. Wi'na widina yagila Anga Ateliyana walaawina yagi. ²⁶ Walaawina yagila sipiyavi yilamwaaina yagila Aadiyokina kaanna wina yagi. Kigaa'

Anga Aadiyoki sawidaa'nyi Naangerera saraari dara widaase' "Neya'mweraahi Gotiyare yagaalya' widadaakilyi Gotiyai yilaaya yadei yanga nayaa yihigaimwagana!" Sara widaasesa' sara yagi.

²⁷ Aadiyokina yi'ma'na kyagi Kiraazitiyare kusilaanyaviyara yikabina kye' Gotiyai kiriminyina sara wiake' sara wijiwaakina yagi. "Gotiyai kaanya' tihinike' kabaasa' ajimya yuyangiyara Naangeri wi'nalimwagesa'nesira," sara wijiwaakina yagi. ²⁸ Wijiwaakina yagila Aadiyoki saba naangegaa' mididivisaraji mwaalina ye'.

15

Jerusaalemi yagaala naanga widesa'nesi.

¹ A'mwe Juya pwara Kwaaka Juthiyadaasara Aadiyokina bina yeva neya'mweraavi dana wijiwaakina ye' "Ne Mozizai kilaaka daya'na kiwinya wijaakevi mi yipija' Gotiyai mavadaihasamaari yihyannelyira." ² Sara wijiwaakina kye' Poliji Baanavaazalyi saraai maanga widina kyagi maanga widadaapiji Kiraazitiyarera dinyina ye' "Jerusaalemina Poliji Baanavaazalyi nemire Aadiyoki mwaalya pwaraji kwawapiji Widaasaderaji a'mwe naangeraji yiwaarata da' nayaa dizavada'galyideihilyira."

³ Sarevida'nyi Kiraazitiyare kusilaanyaviyara kudaase' kaanna wina yeva tinnyaba Kwaaka Piniziyaji Kwaaka Sameriyaji sabanyai neya'mweraavi widina "Piba piba

ajimya yuyangiyara sinnawinyaraavirebwi bikwalyina yeva Naangeri limwamaniga!." Sara widina kye' a'mwera yilaaya naanga yina ye'.⁴ Yilaaya naanga yina yadaapiji Jeruzaalemina yimavaawina kye' kumiji Jeruzaalemina mwaalya Kiraazitiyare kusilaanyaviyaraji Apozeliyaraji a'mwe naangeraji yilaaya yina yeva ata bwa'nyina kye' Aadiyokidaasara "Gotiyai wigaimwanna kaneya' sana sana yoinera," wijiwaakina ye'.⁵ Wi'na wijiwaakina kye' Periziyara Naangeri limwadivisara pwara daavina yeva widina ye' "Menyara kilaaka da'nipijaraavi 'Ne Mozizare Kiwinya' jila! duzidesira."

⁶ Savine'na pigaa' Widaasaderaji a'mwe naangeraji yagaala savi yawibwata'nera yikabina ye'.⁷ Yikabina yeva yiwara'nyina yiwara'nyina yeva kuna didaapi Pitai daavina yaka wida' "Nya'mweihi, sinnawinimidaasi ajimya yuyangiyaraavi yagaala tewaanya' kude sahwaru kadika wi'neva Naangeri limwagesa'na Gotiyai nyidahilakake' yawimwaava.⁸ Gotiyai a'mweraavire simunyangi yawirangadei 'Ajimya yuyangiya kwaraaviji maarideinyi,' daka gannya Kurya Tewaanyari nejaavakabaabi' Menyaraavina yanga wijaava'.⁹ Neminyina ge' myake' kuminyina ge' mya'. Aawa, kumi sara Gotiyari ku'nalimwage' Gotiyai kumire simunyangi girikita duimwagasi'na'.¹⁰ Sarevidaa'nyi sariminyina Gotiyari kale wiwaka. Sahwari yaamiji be'na yivanigava? 'Kiwinya naange jila!' dadivi' taanga Menyaraavire egweyaba

wakina wakina yadivitabaabisasira. Kigaa' taanga sa' Ne sinnawinyaraji nemiji' nayaa mamakwiyi' yaawoinera. Mudikeraavina be'na wakivanigava! Sa' aawa. ¹¹ Nemi' dara yawiralimwamanigo. Naangei Jizaazai nemi' yuyainaavina yanga negaimwagakevi' nevadaihasamaara'. Savine nayaa wi'nivanigo' Gotiyai nemaamwakeine. Nabaai Menyara yanga wigaimwanga saburina Gotiyai avaina wivadaihasamaa'manikere.”

¹² Sagaa' kwala bwa'naanya' kave mwaaidapiji' Baanavaazalyi' Poliji' saraai wijiwaakina, Gotiyai gannya diraginya' kujaava' wijiwaainya'neji' atika maru'nasaji' ajimya yuyangiyaraavireba yagilya'na wijiwaakina yagi. Wijiwaakina yadaakilyi' yuyara kadika nayaa wi'nyina ye'.

¹³ Kadika wi'nyina kye' d'idaa'nyi' Jemizai yuyaraavi' wida' “Nya'mweihi, nimire d'wija' d'inyu'nyila! ¹⁴ Sinnawi' sagaa' Gotiyai ajimya yuyangiyaraavina kale kwia' sahwarav' gamire yaya' kininnakera yima'nya'nerav' gaminyineraav' maarake'na Saaimoni' Pitai mena nejwaakiwa'. ¹⁵ Sara nejwaakiwake' piropetiyara Gotiyari' wi'nawijiwakyaasara sara yidayaa'. Savina Gotiyare bukuya' dara dinikabaabisasi.

¹⁶ Naangei nediva' 'D'ivi yagalaawina ya'muji' Ne Devitimire seli' angeviyaraavina diraginya wijaavideinyira.

Sahwara bwalaraawesara yima'nyina kye'

Sahwainyi' nawi'nyaraav' nayaa
wimwaaih'ideinyira.

17 “Dahaa' a'mwe yivainera Naangeinyi nyibiramaapika!

Ajimyaya yuyangiya pwaraavina nimire yaya' dahilakiwera!

Sahwara nyibiramaapika!” dena nayaa wimwaaihideinyi.

Niminyinera ajimyaya yuyangiya pwara nyibiramaapi'deinyira.’

18 Sara nedawa' Naangei kigaakuna danejiwaainakela.”

19 Jemizai yagaala piri' wida' “Sa' dinikevina da' yawi'manigesira. Ajimyaya yuyangiya Ne sinnawinyaraavirebwi mipijara Gotiyarebwi limwagapiji sahwara navika mwaabika! Juyainaavine Ne Mozizare Kiwinya jila' madaannera! 20 Aawa. Pikariyikwiavi

dara yavikaryaana! Sarimi tewaanna yivanigasaihilyi. Yagaala maalike' yihithaana! A'mwera yikunaabudike'na jilikyaawaryaraavi karamapiji mawita kimaaka sa maninna! Nabaai, Nyilyariji Laweriji yisaraaviji sazangine mawita maninnera! Ata maralimwana minna! Jilikyaawaryaraavi giraa'diwannike

tawanake maninna! Tawe maninnera! Gave'na sara yavikaryaana! 21 Sare' dare'nesi.

Kigaakuna Juyaraavire Kwazaakegaa' yuyagaa' Lotuangengi Ne Mozizare Kiwinya wijiwaakina wijiwaakina yadivi' dahaasagaa' anga yuyangi gamire yagaalya' widadivisa'ne'na yavikaryaana!” wida' Jemizai.

Menyaraavi pikariyikwia' yavikaryesa'nesi.

22 Sagaa' Widaasaderaji naangeraji Kiraazitiyare kusilaanyaviya yuyaraji dinyina

“Tewaanyasi. Aadiyokina nemijiyaraari dahilakawaaji Poliji Baanavaazalyi widasaana!” Dinyina yeva Juthaazai yaya piriri Baazavaazai wo'nikelyi Saailaazalyi saraari dahilakina ye!. Dahilakina yesaraarina neya'mwera widadivi! “A'mwe nemaremwaaidisaraai tewaanyaraalyira.” Dahilakina yeva pikariyikwiavi yavikarina yina yeva widaasina ye!. ²³ Yikwia sa' yida'ni!

“Nedaasadeinaji a'mwe naangeinaji sirya'mweina pikariyikwia davi sariminyina yavikarivanigona. Ajimya yuyangiyaihi neya'mweihi Aadiyoki mwaalyaihilyi Kwaaka Siriya mwaalyaihilyi Kwaaka Siliziya mwaalyaihilyi yihithivanigo 'Neya'mweihi!' ²⁴ Dara wi'nivanigo. Nemirera pwara kaanna waweve Menyaihiri yihitheta yagaala sanna Menyaihi simunya kwalaalya yawi'na kye! kale yihya!. Sara wi'nona yihithivanigo. Yagaala sa' yihithiwa'daasaraavi mudaasiwa'do. ²⁵ Dahaasagaa' yikabina yona yagaala da' jawibwarakiwo, yuyaina. ‘Tewaanyasi,’ dona a'mwe sidu'nakeraari dahilakona sariminyawinna saraari widasaade. Saraalyi Baanavaazalyi Poliji saraavi widasaadera. Baanavaazalyi Poliji saraarina yilaaya nevu'nivanikeraalyira. ²⁶ Anga yuyangi Baanavaazalyi Poliji saraai Kiraazitiyai Jizaazai Naangere yagaala wij'waakagilyaraai balya'na lika myadisaraalyi. Saraari widasaadera. ²⁷ Sarevidaa'nyi nabaai, sariminyawinna Juthaazalyi Saailaazalyi saraari, sidu'nakeraarina yihithiworaari

widasaadera. Saraai yagaala avaalya' jithawakiwo' yihiziwaakikaderaalyi.

²⁸ Sare' dare'nesi. Kurya Tewaanyalyi nemiji mena yawi'na yobwi taangayabwi mi'. Aawa. Daazabwi davwi dimidinyla!

²⁹ 'A'mwera yikunaabudike'na jilikyaaawaryaraavi karamapiji miwita sa maninna! Nyilyariji Laweriji yisaraaviji dazangine wapaaya maninna! Tawe maninna! Jilikyaaawarya giraa'diwanna yipija maninna! Ata malimwadinna! Kayaa'nanya sangi mya'gizi tewaanya jitheiginyi.' Mi'na yihithiwo." Pikariyikwia' sara yavikarinikesi.

³⁰ Sarevidaa'nyi widaasesara kaanna wina yeva Anga Aadiyokina yimavaawina kye' Naangerera kwala bwa'naanya yuyaraji yikabina kye' pikariyikwia' wijaavina ye'.

³¹ Wi'na wijaavina kye' a'mwera paaziya' tinna maranganna yeva yagaala nawi'nya'na yilaaya yina ye'. ³² Yilaaya yina kye' Juthaazalyi Saailaazalyi saraai Gotiyari

wi'nawijiwaakadisaraai kuna wijiwaakina yagila kirya'mweraavi simunya diraginya' wivaimwanna yagi. ³³ Wivaimwanna yagila mwaalina mwaalina kyagi kirya'mwera kiriminyina yilaaya yeva wide' "Ayahi kwaamu'nanyaburi yihithaasesaraayawinna diwideihilyira."

³⁴ Sara widina kye' Saailaazai yawiraka "Dava mwaalideinyi," mwaalina kya' Juthaazai gavei ayina wina ya'.

³⁵ Anga Aadiyoki Poliji Baanavaazalyi mwaaidakilyi saraalyi pwara kwalaalyaraji Naangere yagaala wideva wijiwaakina ye'.

Poliji Baanavaazalyi yosinagilya'nesi.

³⁶ Divi yirika piningi Poli Baanavaazari wida! “Anga yuya gazabazaba Naangere yagaalya' widolyabanna Neya'mweraavi angyiri'maata yakadera. Tewaanna dhamwaaihava? Wanganakadera.” ³⁷ Sara kuda! Baanavaazai wida! “Maakiyai Joniji wawaadera.” ³⁸ Poli wida! “Aawa, kigaa! Maakiyai Joniji kwawo yunewinna wawinya yuya myada Kwaaka Paabiliya saba naariminyi nehyagalya'mava!. Nehyagalya'mavake'na dahaa! sahwai kaanya mwawannelyira.” ³⁹ Sara kuda! sa'na maanga dinyina yagila yosinna yagi. Baanavaazai Maakiyai Jonimi maaraka sipiyavi Ahu'manna Saaipiraazina wina ya!. ⁴⁰ Wina yadaasi Poli Saailaazari dakilakina kya! kirya'mwera wide! “Gotiyai kirimiji wawoji yanga yihigaimwagori kave maremwaaina yihyathelyira.” ⁴¹ Mi'na kude! Kwaaka Siriyanaaji Kwaaka Siliziyanaaji wawaka Kiraaзитiyare kusilaanyangi wijiwaakina yada simunya diraginya wijiwakadaasi diraginya maaresare.

16

Poliji Saailaazalyi saraalyi Timotilyi wawesa'nesi.

¹ Angeba Devinaji Angeba Lizitiraanaji Poli yimavaawina ya!. Saba Kiraaзитiyari mididei Timoti wo'nikei mwaalina yakelyi. Ganaange! Naangeri w'nade! Juya! mwaalaka kiri! ganimaangei Girikiyalyira. ² Neya'mwera Lizitiraa mwaalyaraji Aaikoniyaami

mwaalyaraji Timotirina jalikurakina ye' "A'mwe tewaanyalyira." ³ Poli simunyavi da' yawi'na "Nimiji Timoti wawana!" yawi'na yaka Juyaraavirebwi Timotire kilaakeji' davina ya'. Sare' dare'nesi. Juya yuyara saba mwaalyara yawire' "Timotiri ganimaangei Juyai mika. Aawa, Girikiyalyi. Gawaalivaangere kilaakeji' mada'nyikelyi." ⁴ Wi'na davina kya' Poliji Saailaazalyi Timotilyi anga yuyangina wina yeva Kiraazitiyareraavi yagaalya' Jeruzaalemi Widaasaderaji a'mwe naangeraji jamungajakesa'na wijiwaakina ye'. Wijiwaakina yeva wide' "Yagaala sa' sara jideihilyi." ⁵ Sarevidaa'nyi Kiraazitiyare kusilaanya sara yeva limwangebwinna diraginna mwaalesa' yirika yuyagaa' a'mwe kwalaalyara Kiraazitiyarera yima'nyina ye'.

Anga Tirawaazi Poli waja' wanganake'nesi.

⁶ Kaanna kaanna wina yeva Kwaaka Piriziya Kwaaka Galeziya sabanyaai yamarina yadaapiji Kuryai Tewaanyai wida' "Dahaa' Piroviji Eziya Gotiyare yagaalya' mujiwaakipina!" ⁷ Mi'na kuda' Kwaaka Miziya maangebaarina yimavaawina yeva yawi'na ye' "Piroviji Bithiniya wawaana!" Sara yawi'na kye' Jizaazare Kuryai kaanya tihina yake'na "Sawinna mupinera!" widina ya'. ⁸ Widina kya' Kwaaka Miziya yuneba lota'na yeva Anga Tirawaazina walaabina ye'. ⁹ Walaabina kye' sawisavi Poli a'mabaaitinna wanganna yake' a'mwei Piroviji Maazathoniya mwaalyai daavikei naanga yidaangana' "Poligi, Kwaaka

Maazathoniya ga'mava'gizi neminyina
 dinegaimwana!" ¹⁰ A'mabaaitinna mi'na
 wanganna yaka dara yawiro! "Gotiyai
 'Maazathoniya mwaalyaraavi yagaala tewaanya'
 duziwakaawila!' danediwaka!" Mi'na
 dona Maazathoniya saw+nneina gilyivisa
 yime'nya'b'i' yovirawakina yo.

*Anga Pilipaai A'mwe Lithiya' Kiraazitiyare'
 yima'nake'nesi.*

¹¹ Anga Tirawaazi sipiyavi yilamwaaina
 kyo sipiya' Ahu'manna Saamothirezina
 yida'na makuna neyaka yirika pirivi Anga
 Niyapolizi sabanna makuna neya'. ¹² Makuna
 kaneya' kaanna wilaawina yona Anga
 Pilipaaina yimavaawina yo. Anga sa' Kwaaka
 Maazathoniya mwaalyaraavire anga naange-
 banyira. Anga Romidaasara kwala naange'
 mwaaihasabanyi. Sabanna yimavaawina yona
 yirika pijaa' mwaalina yo. ¹³ Mwaalina yona
 Juyaraavire Kwazaakegaa' "Aalimaangebaari
 Juyara Gotiyari yagaala widadivisaba
 dingaka?" dina yona aalimaangebaarina
 wina yo. Wina yona dara wangano' "A'mwe
 damwaaihava!" Sara dona walamwaaina
 yina yona a'mwe yibwa'nemwaalesangi
 widina yo. ¹⁴ Widina yo' a'mwe piri'
 Lithiya' Anga Taayataairadaasira. A'mwe
 sa' gilyaji baazi'ma'nyaji kwaabihannyaji
 saza wangwaija'bisa' wanya'ne' divaina yada
 yaasadesira. Lithiya' Gotiyari yagaala widadesi.
 Poli yagaala tewaanya' widadaa'nyi Gotiyai
 siduta tewaanya wijaavina kya' Lithiya' nayaa

wi'nyina ya'. ¹⁵ Nayaa wi'nyina yaka Naangeri limwanna kya' gaminyiji gamijiyaraaviji bavitaaziya yina yo. Bavitaaziya yina kyo neda' "Niminyina 'Naangere' sahwar' nebulya'na wilimwaga'manikesi,' dinapiji nimir angevi dimwaalyila!" Sara naanga kaneda' gamire angevi wilamwaaina yo.

Pilipai kalavuzangevines.

¹⁶ Pigaa' Gotiyari yagaala widadivisawinna wodaawoji tusavi sidiraaya' yaasiwa'wawinya yade' jimaata'na neya'. Sidiraaya sa' kamaala naanga pwai kininnake' divi yima'nadengina dadesira. Sara dada gamire maremwaaidivisara nigwia naanga maarina yesasira. ¹⁷ Jimaata'na neyaka Poliji sinaavi midida jaka widadesi. "A'mwe sara Gotiya Mena Ke'mwewinyare yaasiwa'wawinyare. Gotiyai sarimire kayaa'nanyanna yihivadaihasamaaradevina yihithivanigasarera." ¹⁸ A'mwe' dada yirika pijaakuna jaka dada Poli maa'na kwina' ginyima'nyina yaka yimakeri wida' "Kiraazitiyai Jizaazarine yayavina naanga githima! A'mwevire munyikidaasi dalyona!" Sara kuda' sagaasagaa' yimakei yarai bwalyuna ya'. ¹⁹ Yarai bwalyuna kya' sidiraayavire maremwaaidivisara dara wanganesa' "Niwaava, divi yima'nya'nenna yagaala maji kyoji nigwia mamaari yaadeina daaka!" Deva Polimiji Saailazariji galalimwanna yeva a'mwe naangeraayaba yikabadvisabanna mwagi'namaa'na ye'. ²⁰ Sara yeva saba naangera kotiya' yawibwa'divisaraayabanna

makuna yeva wide' "A'mwe daraai Juyaraalyi. Nemire anga davi kayaa'na yivanigilyaraalyi.

²¹ Daraai nemirebwi kayaaka neyigaimwaalya' mudikebwi yaasiwa'na nejywaakivanigi. Romiyaina sabwi myaanneinera!" ²² Sara

kude' kwala bwa'naanya' maanga jaka kude' naangera Poliji Saailaazalyi saraare baazi'ma'nyangi maralihivalasi'na yeva pilizimaaniyaraavi wide' "Bajingisaji diramyila!" ²³ Sara kude' tamina tamina

yeva kalavuzangevi wimwaaihina yeva kalavuzangevi maremwaaideri naanga wide' "Nayaa dangana! Likaanya nabwalyuikadika!"

²⁴ Naanga mi'na kude' kalavuzangevi maremwaaidei yagaala naanga sa' maaraka ku'dika tinnyabanyavi wimwaaihina yaka kirimire sivilyiraari yisavakaari tinnyawi diraginna yagilakurakina ya'.

²⁵ Sawisavi kalawawegaa' Poliji Saailaazalyi saraai Gotiyarina yagaalyasi yiledaatasi widadaakilyi kalavuzara pwara kadika wi'nyina ye'.

²⁶ Wi'nyina yadaapiji sagaa' wininya naange' yina kya' kurikeji sidihibyaji yonyi yonyi naanna yinyina ya'. Yonyi yonyi naanna yinyina kya' kaanya yuya baasinyina yake kalavuzaraavire seniyabara pwinikebara bwalaraawina ya'.

²⁷ Bwalaraawina kya' kalavuzangevi maremwaaidei dikaa'na yaka kaanya yuya baasinike tinna wanganna yaka dara yawirake' "Aakai, kalavuzara lika mena duwaava!" Sara daka "Sare'na wagila namaa'mudika! Nimi sainyi dabira'nima," daka gannya kwaari'masiraminya' maralimwanna

ya'. ²⁸ Maralimwanna kya' kir'i' Poli' jaka naanga wida' "Maramakininnera! Sare' dare'nesi. Nemi' yuyaina tihu'na mwaaihona." ²⁹ Jaka naanga kuda' kalavuzangevi' maremwaaidei yi'baake'na jaka widina yaka kaanyave'na bwina yaka lika naanga yina yaka bi'bita yada "A'mwe naangeraai nyigaimwagikaji' dahay'waai?" daka Poliji' Saailaazalyi' saraaryabanna bula'na ya'. ³⁰ Bula'na yakei daavina yaka mwasawinna saraari' makuna yaka yi'waara'na "A'mwe naangeraahi, nimi' gara kya'muji' nyivadaihasamaaradeinyaka?"

³¹ Sara yi'waara'na kya' saraai widahi "Naanga Jizaazari' kalimwaga'gizi' tewaanya dimwaaideiginyi. Nabaai, Naangei gimire angevi'yaraaviji' wivadaihasamaaradeihilyi."

³² Widahila Naangere yagaalya' gaminyiji' gamire angevi' mwaalesaraaviji' wiji'waakina yagi. ³³ Wiji'waakina kyagi sawisavi' sagaa' kalavuzangevi' maremwaaidei bajingisaji' tameta ga'bwaralyangi' aalya yina ya'. Aalya yina kya' sagaasagaa' gaminyiji' gamireraaviji' aalyavi' bavitaaziya yarai yina yagi. ³⁴ Bavitaaziya yina kyagi a'mwei Polimiji' Saailaazariji' gannya angevina makwina yaka wapaaya wijaavina ya'. Salyi' gamireraji' Gotiyari' limwagesa'na yilaaya yeva tewaanna mwaaidivi' mwaalina ye'.

³⁵ Mwanyavi' Romiyaraavi' naangera pilizimaaniyaraavi' widaasina kye' sahwara wina yeva kalavuzangevi' maremwaaideri' wide' "A'mwe saraari' yi'daala'gizi' duthaasa!"

³⁶ Kude' kalavuzangevi' maremwaaidei Polimi' wida' "Naangera giminyinaji' Saailaazarinaji'

widasiwaa! 'Saraari duthaaso!' Sara kudasiwaa! kalavuzangevıdaasi yagalya'mavakilyi kave diwila!" ³⁷ Kuda! Poli piliziimaaniyaraavi wida! "Aawa, nediswaata sabwi kayaa'nanyabulyi. Naarimi Romiyainaalyi. Wona kayaa'na mi kyawaaihoi yuyara tina nehwangadaapijyaba nehramyawaaia!. Yagaala majidayi yeva kalavuzangevi yaasiwa'na wimwaaihina nehyawaaiha!. Dahaasagaa! nehithiwaa! 'Lika yulya'na kave diwila!' Be'nana! Romiyaraavi naangera sahwarabipijara mwasawinna kanehmakwalyopiji wawakadeinaalyi." ³⁸ Naanga kuda! piliziimaaniyara ayina wina yeva Poli widake'na Romiyaraavi maremwaaidivisaraavi wijiwaakina ye!. Poliminaji Saailaazarinaji "Saraai Romiyaraalyi," wi'nyina yeva " 'A'mwe naangeraai mika!' dona tamyawaaihoraalyi," deva lika naanga ye!. ³⁹ Lika naanga yesara bina yeva wide! "Kayaa'na yihyawaaiho'na kale neyiwaka." Wideva kalavuzangevıdaasi kave makwalyuna yeva yiwaara'na ye! "A'mweraaihi, nemire angeba yagalya'mavakilyi diwijwaala?" ⁴⁰ Yiwaara'na kye! Poliji Saailaazalyi saraai kalavuzangevıdaasi yagalya'ma'na yagila Lithiyavire angevi wilina yagi. Wilina yagila neya'mwera yikabina yesagaa! kuminyi dihaa'bwasaabwi yivaimwanna yagila kaanna wina yagi.

17

Anga Tezalonaaika sabannesi.

1 Kaanna wina yagila Anga Aabipolizi wavila'na yagila Anga Apoloniya wavila'na yagila Anga Tezalonaaikana yi'mavaawina yagi. Anga saba Juyaraavire lotuange' mannikeba.

2 Yi'mavaawina kyagi Kwazaakegaa' lotuangengi Poli widina yadei lotuanga sav+ sara wilina ya'. Sara wilina yaka Kwazaaka dawaai dasangi Gotiyare bukuya'na wijiwaakina ya'.

3 Aangyagaalya' wida' "Gotiyare yagaalya' nedinike' 'Kiraazitiyai Juyara yemwaaidivisai daanga naanga kuvinoji mena baloji ayina dikaadelyira.' Sara nedinike' Jizaazai sara ya'. Sara yakei Kiraazitiyarina yithithivanigelyira Jizaazai."

4 Sa'na kuda' Juya pwara Polimire yagaalya' winyina yeva Poliji Saailaazalyi saraari ye'mwannyina ye'. Nabaai Girikiyara Gotiyari dadivita kwala naangeraji a'mwe simunya nayaa yadivisaji sa ye'mwannyina ye'.

5 Juyara Kiraazitiyari malimwagyesara tiganaarya yeva jikurya yeva a'mwe kayaa'nanyara adusangi kaanya' yaasiwa'na yamaryadivisaraavi makabina kye' kwala bwa'naanya jaka naanga dadivi' kayaa'na yina ye'. Kayaa'na sara yina kye' angaba mwaalyaraavi sinna tika davina kya' a'mwe kayaa'nanyara Jaizonimire angevi kaanya' yipalabaasina yeva "Polimiji Saailaazariji a'mweraayabanna koti'ya'na makwalyawaana!" deva bireva bireva yina ye'. 6 Nyinna birina yeva mabiramaari ye'. Mabiramaari yeva Jaizonimiji neya'mwe pwaraaviji angeba a'mwe naangeraayabanna diraginna mwagi'namaa'na

yeve jaka wide' "A'mwe Kwaaka yuneva' maragini+wagakagileraai nemireba davanna byi'ma'mwaalyaraai. ⁷ Dahaa' nemire angebanna kabahi Jaizoni gannya angevi maremwaalika. A'mwe saraai A'mwe Naanga Sizaare kiwinya kayaaka yigaimanigi. Dara kwaasiya' nedivanigi 'Kwaakevaki maremwaidei Sizaai mika. Kingiya pwai Jizaazai wo'nikei maremwaaidelyira.' ⁸ Yagaala sa' kude' kwala bwa'naanyasi anga sabanya a'mwe naangeraji sinna tika naanga wida'daa'nyi "Kayaa'nanyasi," deva jaka naanga wide'. ⁹ Jaka naanga sara kude' a'mwe naangera Jaizonimiji pwaraaviji saraavi kotiyana'aji kwaamu'mwaalya'naji nigwia mena maareva wide' "Wawapijaihi diwila!"

Anga Beriya sabannes.

¹⁰ Sawita kajinna' Anga Beriya neya'mwera Polimiji Saailazariji saraari lika marulyakaasina ye'. Lika marulyakaasina kye' pigaa' anga sabanna yi'mavaawina yagila Juyaraavire lotuangevi wili'na yagi. ¹¹ Anga Beriya mwaalyara sidu'nakera pwaraavire yagaalya' kadika wi'nadivisarera. Anga Tezalonaatika mwaalyarabisara mika. A'mwe sara Naangere yagaalya' kadika nayaa wi'nadivi' "Polimire yagaalya' nebulya'na dingaka?" deva Gotiyare bukuyavi tinna wangadivi' nayaa yawiresare. ¹² Gotiyare bukuyavi tinna wangadivisavidaa'nyi Naangeri limwagesa', nabaai a'mwe Grikitya naangeji a'mwe Grikityaraji limwanna ye'. ¹³ Nayaa

limwanna kye' Anga Tezalonaaika mwaalyara Juyara dara wⁱ'nesa' "O, Anga Beriya Poli Gotiyare yagaalya' duthiwaka!" Sara deva sabanna bina yeva kwaasi yagaalya widadaapi kwala bwa'naanya' yikabina yeva Polimi^vvaavina sinna tika wida'daa'nyiyara jaka naanga wide'. ¹⁴ Sara kye' sagaa' yime'nya'bi' saalaalyavi maangebaarina neya'mwera Polimi^m waasina ye'. Waasina kye' kiri' Anga Beriya Saailaazalyi Timotilyi mwaalina yagi. ¹⁵ Saba mwaalina kyagi a'mwera Polimi^m makwalyuna yadaapi Anga Aathenizina wina yeva yi'mavaawina ye'. Yi'mavaawina kye' Poli widina "Saailaazai, Timoti saraahi yithiwa'de' mena yakilyi yarai divila' duzideihilyira." Sara widaasina yina kya' a'mwera Anga Beriya kunnya angebanna ayina wina yeva yagaala sa' wide'.

Anga Aathenizi yake'nesi.

¹⁶ Anga Aathenizi Poli Saailaazariji Timotiriji yemwaida dara wanganake' "O, anga dava yuneba a'mwa'mwe a'mwera yilaaya yivanigasa daaka!" Sara kada' kale naanga naanga wia'. ¹⁷ Sarevidaa'nyi Kwazaakegaa' Juyaraavire lotuangevi wilina kya' Juyaraji Menyara Gotiyari dadivisaraji Poliji dinyina ye'. Dinyina yesa' yirika yuyagaa' a'mwera yikabadivisabanna a'mwe pwara bina kye' Poliji dinyina ye'. ¹⁸ Nabaai Epikuriyaazarebwi dadivisaraji Sitoyikiyagaala dadivisaraji sidu'nakeraji Poliji dinyina ye'. Dinyina yeva pwara maanga wide' "Sidu'maayai yagaala

pijaakuna dadei be yagaala nedivanika?” Poli Jizaazarinaji dikaasavinaji wijiwaakake'na a'mwe pwara wide' “Menyaraavire kulakeji a'mwa'mwewaalyi widivanikei dingaka?”

¹⁹ Sara yawi'na yeva Aariyopahaazi sawi kaajoliyara mwaaihasabanna Polimi makuna yeva Polimi wide' “Yagaala mudika da' nedivaniginya'na yawiraana! ²⁰ Sare'

dare'nesi. Gimire yawita mudika pini kadika wi'nona myawirivanigona. Sarevidaa'nyi sabwine dinejiwaakya!” wide'. ²¹ Yuyagaa'

Anga Aathenzi mwaalyaraji Menyara saba mwaaidivisaraji sara yagaala ge ge kadika wi'nyina yadivi' yagaala mudika sa dinyina yadivisare. Sarera yadivi' yilaaya yadiviki.

²² Aariyopahaazi kaajoliyara mwaaidapiyaba Poli daavina yaka wida' “Aathenzi mwaalyaihi, a'mwa'mwe kwalaalyangi yilaaya yadivisaihiri yihwangamwa. ²³ Sare' dare'nesi. Sarimire

angeba kaanya yamaryena a'mwa'mwengi yilaaya yadivisabannengi tinna wanganena dara bi'mwa'de' ‘O, kwaraanyaba pikarya “Naangeri myawirivanigo'nesira,” yida'nike' daaka!’ Sara

dena Naangeri myawirivanigasari yaaswa'na yilaaya yivanigasa'na yihiziwaakima!

²⁴ Naangei Gotiyai Kwaaka davakiji yunebanna mwaaihasaraji kwaakevi yuya yi'naanya kurivaariya yuya wakakelyira. Sigunyasi Kwaakesi yuyangi maremwaaidelyi Naangei.

A'mwera yileange madina yadivisangi mamwaalyika. Aawa. ²⁵ Naangei sahwai a'mwe yuyaraavine mwaalya'nebulyi simudinyasi yuyaji sangi wijaavade'na a'mwera gaminyine

gara yapiji wijaavipi'delaka! Aawa, Naangei yuyangi wakakengira. ²⁶ Yuyangi wakaka sinnawinyari yavikaryaakeridaa'nyi anga naanga pimaginya gazavasava! Kwaaka yunebanna wimwaaihina ya!. A'mwera maayagaa! Naangei a'mwe yuyainaavina yawi'na 'A'mwe gabinyaraavire kumire bwaibwalyaji kwaakeji kumiregaasi wakima! yawi'na yaka divi wimwaaihina ya!. ²⁷ 'A'mwera niminyi yawirapiji yaamiji nyanganapiri nyibiramaapi'deinyi daaka?' sara daka sara wimwaaihina yaa!. Sara yaake! kiri! Gotiyai neminyi maavewi mamwaalyika. Aawa, a'mwe yuyainaayaba mwaaidelyi. ²⁸ Savine'na pwai pikarya yidava!

'Sahwarina kwaihwainakeina kurinakeina mwaaiho nemire kaavilyai.

Sai mamwaalyi yadori kwaji nemimamwaalyi kyaadi!'

Sarimire sidu'nakera sara kyihizaa' yida'nikesi 'Nemiji gamire kaimiraayainera.'

²⁹ Sarevida'nyi, gamire kaimiraayaina mwaaiho'na dara myawiraanna! 'Gotiyai a'mwa'mwe goliyab'salyi. A'mwa'mwe silivaaya'b'salyi. A'mwa'mwe silaange'b'salyi. A'mwa'mwengi a'mwera nayaa yawireva yavikarigasangira. Sara myawiraannera!'

³⁰ Kigaa! a'mwera Gotiyarina navika mwaalesara kayaa'na kye! sagaa! Gotiyai yagaala yarai majai mwaala!. Yagaala majai mwaalake! kiri! dahaasagaa! yunebanna yuyaina mwaaihoinaavi nedivani! 'Sarimire simunyabwi mudikebwi jawiramaaryila!

(Nayaa dinyimidyila!)’ ³¹ Gotiyai sara nedivanike! a'mwe yuyainaavina kotiya naange! yida'maraangebawina nayaa yade yirika sagaa! wakikelyira. Nabaai, a'mwe yawibwa'der; dahilakakei kotiya'na mena wimwaaiha!. A'mwe sai mena kabala! Gotiyai ayina yidikaavakelyi. Sare! nemi tinna wanganona yawi'na 'Ai, nebulyasi. Sai kotiya' neyawibwaradelyi,' yawi'na yivanigo,” Poli sara wida! Jizaazarina.

³² Sagaa! baryaraavi yidikaasabwine yagaalya'na pwara kadika wi'neva “Kwaasiya'nesi,” deva birala widesa! kiri! pwara “Nebulya! dingaka?” deva wide! “Pigaa! sa'na yawi kaneda'gizi kadika gu'naadeinera.”

³³ Sara kude! pwara Polimire yagaalya! ku'ne! Poli yikabesaraavi ya'ma'na ya!. ³⁴ Polimi wi'nesara ye'mwannamwaaina yeva Naangeri limwagevera yima'nyina ye!. A'mwe pwai Daayoniziyaaazai kaajoliyai Aariyopahaazi saba yadelyi a'mwe piri! Damaariza! wo'nikesi pwaraji Naangerera yima'nyina yesarera.

18

Anga Koridi yake'nesi.

¹ Dividaa'nyi Aathenizina ya'ma'na yaka Anga Koridina wina ya!. ² Koridina yimavaawina yaka Juyai Aakwilaa wo'nikeri wijimaa'nyina ya!. Aakwilaami ganaange! Anga Podaazi maarakelyira. Sagaa! A'mwe Naangei Kilothiyaaazai wida! “Juyara yuyara nimire Angeba Romidaasi wipika!” Sara kuda!

Kwaaka Yitaalidaasayoi Aakwilaaji gamire balaange! Piriizilasi Anga Koridi gaai mwaalina yagi. Gaai mwaalina yagilyayori Poli tinna wanganna yaka angyiri'maata yina ya'. ³ Sai kwaabiyivikange yavikaryamaryada nigwia yaasadelyira. Sayoi avaiwawinya yadisa'na Poli sayoryaba mwaalina kya' sayolyi gamiji kwaabiyivikange yavikarina ye'. ⁴ Yavikarina kye' Kwazaakegaa' yuyagaa' Juyaraavire lotuangevi pwaraji dinyina ye'. Sai yawi'na "Juyaraji Girikiyaraji Jizaazari wi'nipika!" yawi'na kya' pwaraji dinyina ye'.

⁵ Kwaaka Maazathoniyadaasaraai Saailaazalyi Timotilyi bamwaaina yagilyagaa' gamire kuryari yibwakinaka yuyagaa' Poli Juyaraavi Gotiyare yagaalya' wijiwaakina ya'. Dara wikalakurakina "Kiraazitiyai kigaakuna Gotiyai dahilakakei Jizaazalyira." ⁶ Kuna wikalakurakina yadaa'nyi Juya pwara gaminyina gidaa'na yeva Poli'mi birala yina kye' yawi'na yaka "Gotiyare yagaala mu'nyi kyiwaa' nimiji pwaraji yosinaade'nanyira." Sara yawi'na yaka gannya kwaabihannyavire tiryra purakirasina yaka wida' "Sarinya kuryaraji tawesi wasinivanigasa'na sarimi saihi sara yivaniga'. Nimi sainyi sara myivanige. Gotiyare yagaala nayaa yihithiwa. Dahaa' sariminyi mena yihya'mava'muji ajimya yuyangiyaraavi wijiwaakideinyira." ⁷ Sara widina yaka ya'ma'na yaka Tiziyaazai Jaazitazare angevina wina yaka saba wijiwaakya'na mwaalina ya'. A'mwe sare ange' Juyaraavire lotuangeyaba manikebanyi. A'mwe sai Menyai Gotiyari

yilaaya yadelyira. ⁸ Gamire angevi Poli mwaalina kya' Kirizipaazai lotuangevi maremwaidei Polimire yagaalya' wi'naka gamijiyaraji Naangeri limwanna ye'. Wi'na limwanna kye' Koridi mwaalya kwalaalyara gaminyi kadika w'neva sara limwanna kye' Kiraazitiyarera aalyavi bavitaaziya yina ye'.

⁹ Sawita pigaa' Poli a'mabaaitinna wanganna ya'. Tinna wanganna yadaa'nyi Naangei wida' "Nimire yagaalya'na jikurya yivanigasaraavina lika minnera! Aawa. Kuna duthana! Maadinna minna! ¹⁰ Gimiji mwaaida' kagihaimwaga'muji a'mwera kayaa'na mi gyipi'de'nanyi. Anga dava nimirera kwalaalyara yima'nipi'de'nanyi. Sare'na yawira'gizi ginnya wawinya' diraginna kuna jitheiginyi." ¹¹ Naangei sara kuda' kwarama piri' lawe atina ata puridaasi pu'na wavila'daa'nyi anga savi mwaalaka a'mweraavi Gotiyare yagaalya' wijiwaakina ya'.

¹² Romi mwaalyai Gaaliyo Kwaaka Giriza maremwaidei Ga'maaniyai yima'nakegaa' Juyara yikabina yeva "Sari kotiya yaana!" dineva Polimi kotiangebanna makuna ye'. ¹³ Makuna yeva Gaaliyomi wide' "A'mwe dai a'mweraavi widada 'Mudikebwi Gotiyari yilaaya jila!' widadelyira. Sara yaaja' nemire Kiwinya' kayaaka nyaadi'de'nanyi." ¹⁴ Wi'na widina kye' Poli "Savina widima!" daka yakelyi. Gaaliyo Juyaraavi yarai wida' "Juyaihi, sai kuka yaji kwaji kayaa'nanya yaji kwaji sarimire kotiya' nimi nayaa kajawibwarakiwidika. ¹⁵ Aawa, kiri' sarimire yagaalyanna, yayanna, sarimire kiwinyanna sarimi saihi

dizawibwarakyla! Nĩmire wawinya' daaka! Sare majawibwarakiwineinyi.” ¹⁶ Sara widina yaka kotiangevidaasi widaasina ya'. ¹⁷ Widaasina kya' a'mwera Sozithenizai Juyaraavire lotuangevi maremwaideri galalimwanna yeva kotiangeyaba asaji mala tamina ye'. Mala tamina yadaapiji Gaaliyo Ga'maaniyai “Kumiresi,” daka navika mwaalina ya'.

Anga Aadiyoki ayina wawake'nesi.

¹⁸ Sawita kwalaalya jinnadaa'nyi Anga Koridi Poliji neya'mweraji mwaalina kye' sabadaasai ya'ma'na kya' Kwaaka Siriya sawinna sipiya' gamiji Pirizilaviji Aakwilaamiji makuna ya'. Gotiyari yagaalya' sara widade'na Anga Segiriya Poli gannya mijata da'nyina yakelyira. ¹⁹ Kwaaka Ezia Anga Epazaazi sawinna yi'mavaawina kye' saba Pirizilaviji Aakwilaamiji mwaalina yagi. Mwaalina kyagi sai saba Juyaraavire lotuangevi wina yaka Juyaraji Naangerina dinyina ye'. ²⁰ Dinyina kye' Juyara yidaanganna “Naangegaa' gimiji mwalaadeina daaka?” Sara kye' kiri' “Aala!” widaka ²¹ wida' “Gotiyai kanyidaasoji sariminyawinna ayina bideinyira.” Widaka saba ya'ma'na kya' sipiya' Anga Epazaazidaasi makuna ya'.

²² Kwaaka Juthiya Anga Sizaariyana yi'mavaawina yaka Anga Jeruzaalemina yilaawina yaka Kiraaзитiyare kusilaanyaviyaraavi widina yaka Anga Aadiyokina kaanna wina ya'. ²³ Kaanna

wina yaka saba saaminyagaa' mwaalina yaka pigaa' ya'ma'na yaka Kwaaka Galeziya Kwaaka Piriziya kaanya yamarina yada Kiraazitiyar+ mididivisaraavi yagaala diraginna yivaimwanna kya' sahwara tewaanna mwaalina ye'.

Anga Epazaazi Anga Koridi a'mwe Aapolizai mwaalake'nesi.

²⁴ Juya pwai Aapolizai wo'nikelyi. Anga Alekiizaadiriya ganaange' mudanga maarakelyira. Gotiyare bukuyavi nayaa yawi'dei Gotiyarina yagaala nawi'nya' widadelyi. ²⁵ Pwara Naangereburi wijiwaakina yesai yilaaya naanga yada Jizaazarine sara yawi'da sara nayaa wijiwaakina ya'. Nabaai Joni a'mweraavi bavitaaziya yakebwi yawi'da Jizaazarina yuyabwi myawiri yadei wijiwaakina ya'. ²⁶ A'mwe sai Anga Epazaazina bina yaka Juyaraavire lotuangevi yagaala sa' diraginna widina ya'. Widina kya' Pirizilasi Aakwilaaji kadika wi'nagila kirinnya angevina a'mwe sari yibwaramakuna yagila Gotiyarebwi yuyabwi wijiwaainyina yagi.

²⁷ Divi sagaa' "Kwaaka Girizana widera," dina kya' neya'mwera Epazaazi mwaalyara "Aapolizai nayaa yamaryade'nanyi," deva Kwaaka Giriza mwaalyara mididivisaraavi paaziya' yavikarina ye'. Ada' yavikarina yesa' "A'mwe dai Aapolizari duzila 'Nimire angevi angyiri'maata ja' " Sara yavikarina kye' Aapolizai kaanna wina yaka yimavaawina yaka a'mwe saraavina Gotiyai yanga

wigaimwagakevina Naangeri limwagesaraavi diraginna gaimwanna ya'. ²⁸ Sare! dare'nesi. Diraginna gaimwanna yakelyi Juyara malimwagyesaraji a'mweraayaba dinyina ye!. Sara dinyina yadaapiji Aapolizai diraginna yawiraka kumire yawita sangi wavila'na ya!. Gotiyare bukuya! wijiwaainyina yaka wida! "Bukuya! yida'nike'na Gotiyai dahlakakei Kiraazitiyai Jizaazalyira," sara diraginna wida!.

19

Anga Epazaazi Poli mwaalake'nesi.

¹ Kwaaka Giriza Anga Koridi Aapolizai mwaaidinyiyagaa! Eziya kwaakevaki mugunyaba Poli lo'mavamaryina yaka Anga Epazaazina yimavaawina ya!. Yimavaawina yaka Kiraazitiyari mididivita pwaraavi wijiamaanyina yaka ² yiwaara'na ya! "Naangerina limwagesagaa! Gotiyare Kuryari damaarage!?" Yiwaara'na kya! "Aawa, Gotiyare Kuryarina nedawaanyai aihwalaka? Kadika mu'nyadaanyainera," wide!. ³ "Sahiri'na aihware yihyetavaka bavitaaziya sava?" yiwaara'na ya! Poli. Yiwaara'na kya! wide! "Jonimire bavitaaziya bwi neye!". ⁴ Sara kude! Poli wida! "Kigaa! Joni wijiwaakina yada a'mwera mudikebwi yawiramaa'divi! bavitaaziya wiada Yizireliyareraavi wijiwaakina ya! 'Niminyi dividany batherina jawiralimwagyila!' Joni sara wijiwaakakei Jizaazalyira." ⁵ A'mwera kadika sara winyina kye! Naanga Jizaazare yaya'na bavitaaziya yina

wia'. ⁶ Bavitaaziya mena yina wiaka Poli kumire m'nyaginyangi ata dathiwanna kya' Kuryai Tewaanyai bulamwaaina kya' yagaala ge gengi w'idina yeva, nabaai, Gotiyari wi'nawijiwaake'.

⁷ Wi'nawijiwaakesara yuyara si'vilyiraai ata puridaasi pwaraalyarera yilaaya yesara.

⁸ Juyaraavire lotuangevi Poli wilina yada lawe dikaai dikidiraginna wijwaakina yadei "Juyaraji Gotiyari widadivisaraji Gotiyai a'mweraavi maremwaaidarina wi'nipika!" daka wijwaakina ya'.

⁹ Wijwaakina kya' kiri' pwara myawiri yadivi' mu'nyi yeva yuyaraayaba Naangerebwina birala ye'. Birala yina kye' Poli saraavire lotuangevi ya'ma'na yaka Kiraazitiyari mididivisaraavi makuna. Makuna yaka yirika yuyagaa' Tiraanazare wijwaakangevi Jizaazare yagaalya' wijwaakina yakelyi.

¹⁰ Wijwaakina yada naangegaa' kwarama pirawaai wawila'daa'nyi sagaa' Kwaaka Eziya mwaalyara yuyara Juyaraji Menyaraji sara Naangere yagaalya' kadika wi'nyina ye'.

A'mwe Sivaayare gawaalivaangeraavinesi.

¹¹ Gotiyai gannya diraginya' Polimina wijaavina kya' Poli nawinya kya' a'mwera atika maru'na'na yadiviki.

¹² Pwara aagizipiyaji kwaabihannyaji Polimire kilaakevi yewaa'bwa'nakengi makuna yeva nabalnakeraavi dathivalakina kye' nabalnakera tewaanya mwaalina ye'. Nalaaya mena yiwina kya' nabaai pwaraavire munyikaavidaasi yimakeru bwalyuna ye'.

13 Poli sara yadaa'nyiyagaa' Juyara kaanya yamaryadivi' yimakeraavi widaasadivisara pwara yawi'na “Naanga Jizaazare yaya'na yimakeraavi widaasana!” Sara yawi'na yesara yimakeraavi wide' “Poli wijiwaakivanikei Jizaazarine yaya'ne'na diraginna githaasima! ‘Dalyona!’ ” 14 Sara widesara Juyai Gotiyarina mubithika yira'de naangei Sivaayare gawaalivaanga ata yuyi ata puridaasi pwaraalyarera. 15 Sahwara sara kude' yimakei wida' “Jizaazari yawi'mwe' Polimina yawi'mwe' kiri' sarimi bewaihlaka?” 16 Mi'na kuda' a'mwei yimaka widei sahwarraavi yarai pilawasi'naabina yaka diraginna tamina yaka kayaaka yigalaka dathiwanna ya'. Dathiwanna kya' gamire angevi yarai bwalyuna yeva wa'wenakera kannyimaayara likaanya wina ye'. 17 Likaanya sara wina kye' sa'na Juyaraji Menyaraji Epazaazi mwaalyara yuyara kadika wi'nyina yeva lika dikwosi'na yeva “Jizaazai Naangelyira. Gamire yaya' naangesi. Gamire yaya' nayaa kavena daana!” dinyina ye'. 18 Nabaai savine'na Jizaazari limwagesara kayaa'nanyabwi yesa'na a'mweraayaba kunnya kayaa'nanyabwina widina ye'. 19 Pwara bulaasangiji kwalyangiji giri'nyangiji yadivisara kunnya pikariyikwiaji kunnya bukuyaji sanginebwi yida'nikengi makabina makabina yeva a'mweraayaba dika marira'na ye'. Bukuya sangine nigwia ata gileva pwara dinyina ye' “Niwaava, kigaa' a'mwera kinaaya 50,000 mubesarera. Niwaava.” 20 Kiraazitiyarera sara tewaanna

kye' Naangere yagaalya' diraginya' yima'nyina kya' saba yunebanna a'mwe yuyara kadika wi'nyina yadivi' a'mwe kwalaalyara Naangerera yima'nyina ye'.

Anga Epazaazi a'mwera kayaa'na yesa'nesi.

²¹ Sa yima'nakegaa' Kurya Tewaanyai Polimi nayaa kyiwirya' Poli diraginna yawi'na "Piroviji Maazathonya Piroviji Giriza kaanya yamarya'muji Anga Jeruzaalemina wideinyira." Yawi'na yaka da' "Savina wawa'muji Anga Romina wanganaawidera." ²² Mi'na daka Timotilyi Yirazitaazalyi saraai Gotiyare wawinya'na widaayadivisarajiyaraari widina "Maazathoniyana bwaanyila!" widaasina yaka Kwaaka Eziya pizi'gwa mwaalina ya'.

²³ Sagaa' Epazaazi mwaalya pwara Naangerebwina gamireraavi kayaa'na ye'. ²⁴ Sare' dare'nesi. A'mwe pwai Dimitriyaazai silivaaya yavikarina yadelyi gamijiyaraji sara Kwaasi Naanga Aatemizavire ange'bita maalikengi yavikaryadivisarera. Pwara dara wanganesa' "Ai, silivaaya anga nawi'nya darika!" Deva nigwia naangeji mubina ye'.

²⁵ Nigwia naangeji mubadaapiji Dimitriyaazai gamijiyaraaviji avaiwawinya yadivisaraaviji wida' "Jikabyila!" Wi'na kuda' yikabina kye' wida' "A'mweihi, nemire wawinyavina nigwia naanga ma'daanyasira." ²⁶ Nayaa yawi'manigasaihilyi. Poli yivanike' tinna wangadivi' kadika wi'nadivisaihilyi. Dara wijiwaakivani' 'Naangeraavi sarinnya asaji yavikaryesara gotiyara mika. Sabwi kwaasiyasi.'

Wijiwaakada anga daviiji Kwaaka Eziya yunebaji a'mwe kwala bwa'naanya naange' kadika wi'neva nemirebwi yagalya'maveva sabwi midimaniga'. ²⁷ Kwalaalyara sara yadaapiiji Poli ayina wida na wida na kyoji a'mwe pwara nemire wawinya'na dinyina 'A'mwera sa yavikaryadivi' kayaa'nanaangesi,' dinipi'desi. Nabaai sa' gave' mika. Nemire Naanga Aatemizavire yileanga' yaasiwakanga' yima'nade' dingaka? Naangevire diraginya' waryaanya yima'nade' daaka? Naange' Kwaaka Eziya mwaalyaraji Kwaaka yuyavaki mwaalyaraji yilaaya yivanigasa' waryaanya' yima'nade' midaaka Aatemiza'!"

²⁸ Kwala bwa'naanya' kadika wi'nadivi' "Aala!" didivi' sinna tika daviina kwia' jaka naanga wide' "Aawa! Epazaazi mwaalyainaavire Aatemiza' diraginyasira."

²⁹ Jaka naanga sara diwina kye' pwara anga yuneba jaka sara wide'. Jaka widadivi' Gaayaazalyi Aarizitaakazalyi saraari galalimwana ye'. A'mwe saraai Kwaaka Maazathoniya mwaalyaraalyi. Poliiji kaanya yamaryadisaraalyi. Saraari galalimwana yeva yikabadivisabanna yarai makuna ye'. ³⁰ Makuna kye' Poli yawina "Kaanna wawa'muji kwala bwa'naanyavi widaawima!" Yawina kya' mididivisara limwana yeva wide' "Arikawinyi. Nagirabithika! Dava mwaaidinneigi kave dimwaala!" ³¹ Nabaai, kwaaka savi maremwaaidivita pwara Polimi gya'mwera gaminyi yagaalya' widaase' "Poli, naange' githivanigo. Yikabadivisabanna mwidinnera!" ³² Kudaase' sagaa' kwala

bwa'naanya s̄idu'maayara jaka kuna wi'dina ye'. A'mwe kwalaalyara “Sasare'na mwaaihosira,” majara yaasiwa'na mwaalina kye' pwara jaka ge' wi'dadaapiji pwara jaka ge' dina dina ye'.

³³ Jaka dina dina kye' Juyara Alekizaadari yagaala wijiwaakya'na wirivita'na kye' pwara kwaasi yawi'na ye' “Sarina jaka naanga divanigo.” Yawi'na yadaapiji Alekizaadai yawi'na “A'mweraavi Juyainaavina ‘Nemi kayaa'na myadaanyainera,’ wijiwaakima!” Yawi'na yaka a'mweraavi ata wi'dathiwaga'.

³⁴ Ata dathiwanna yadaa'nyi dara wangesa! “Ai, a'mwe sai Juyai daaka! Saibisara nemire Naangevi kayaa'na dadivisara daaka!” Sara deva yuyara jaka naanga dina “Epazaazi mwaalyainaavire Aatemiza! Naangesira,” dina yadaapiji jaka naanga baziwawesara naangegaa' (tu aawaaya) wavila'na ya'.

³⁵ D̄ivi a'mwe naangei Anga Epazaazi pikariyikwia yavikaryadei kwala bwa'naanyavi kuda! “Yagaala madipina!” a'mwera kave mwaaidapiji wida! “Epazaazi mwaalyaihi, a'mwe yuyara yawi'manigasa! ‘Epazaazi mwaalyara Naanga Aatemizavire yileangesi sigunyavidaasi silaanga diraginya! bwalaryaakesi maremwaaidivisarera,’ sara yawi'maniga! yuyara. ³⁶ ‘Savi nebulya'na mika,’ majivanigasare. Arikewi. Sarevidaa'nyi kave dimwaalyila! S̄idu'nakeihi kayaa'na mipinera! ³⁷ Sare' dare'nesi. A'mwe daraari makabiwaasaraai Aatemizavire yileangevi kuka mipalamaryiwaala. Nemire Naangevina birala myiwaala! ³⁸ Sarevidaa'nyi D̄imitiriyazalyi

gamijiyaraji dinyina 'A'mwe pwarì kotiya'na widaana!' dinyina yipija' kotiyagaa' a'mwe naangeraayawinna kwawapiji yagaainaka salyi sahwaraaji kamwaalapiji jawibwarakipi'dera. ³⁹ Yagaala pirì' warìke' daakaji a'mwera nayaa kyikabapiji, sagaa' dizila! ⁴⁰ Sare' dare'nesi. Dahaa' sara yivanigasa'na ga'maaniyara 'A'mwera kayaa'na yivanigasara daaka!' dinipij'iwaava? Jaka naange' widivanigasaih+rìna naangera kanedapiji 'Baa'na divanigasaih+laka?' nemi gara widaaziwona! Aawano, nemi yagaala muji yaadeinera." ⁴¹ Sara widaka wida' "A'mweihi sarinnya angengi diwila!" Kuda' kaanna wina ye'.

20

Kwaaka Maazathoniyana Kwaaka Girizana wawake'nesi.

¹ A'mwera kayaa'na yesagaa' wavila'na kya' mididivisara yikabya'na Poli pwaraavi widaasina ya'. Widaasina kya' mididivisara yikabina kye' yivaimwagya'naji dihaa'bwasa'naji yagaala widaka wida' "Kaanya widera. Tewaanya dimwaalyila!" Mi'na widaka Maazathoniya sawinnei ya'ma'na ya'. ² Ya'ma'na yaka kwaaka sangi yagaala naanga a'mweraavi diraginya' dihaa'bwasa'na wijiwaakada kaanya yamarina ya'. Kaanya yamarina yaka Kwaaka Girizana yimavaawina yaka ³ saba lawe dikaai disa wavila'daasi mwaalina ya'. Mwaalina yaka "Sipiya' Kwaaka

Siri yana nyimakwodera,” yawiraka dara wɪ'na ke! “O, Juyara Polinyi nyiramakipi'dera daaka!” Sara daka “Maazathoniyana ayina wilaawideinyira.” ⁴ Yawina kya! gamiji Sopaatai Piraazare gawaali! Beriya mwaalyalyi Tezalonaika mwaalyaraai Arizitaakazalyi Sekaadazalyi saraalyi Devi mwaalyai Gaayaazalyi Timotilyi Kwaaka Eziya mwaalyaraai Tikikaazalyi Tiropimaazalyi saraalyi wina ye! ⁵ A'mwe ati ata puridaasi pwaraalyara sinnawi waanyina yeva Anga Tirawaazi neminyina yemwaaina neye! ⁶ Yemwaaina neyadaapiji Munne Girikula liwinya pamidakina myadehaa! mena wawila'na kya! sagaa! Anga Pilipai sipiyavi yilamwaaina kyo sawita atina wawila'daa'nyi sipiya! nemakwawa! Mi'na kanemakwawa! Anga Tirawaazi yemwaalesaraavi wijima'naawina yona yirika ati ata puridaasi pirikaai kanewilava! mwaalina yo.

Aayagaa! Anga Tirawaazi Poli angyiri'maata yake'nesi.

⁷ Sagaa! wikiya mudike! yima'nyina kya! Naangeri dinya'neraji yikabina yona girikula gunyina, nyina yo. Wapaaya tivi nyina kyo Poli a'mweinaavi wijawaakina neya! “Mwanyavi kaanya widera,” daka wijawaakina wijawaakina kya! kalawawe! yima'nyina ya! ⁸ Anga sa! minye dawaai dasa! laannikevi ku'dika munyabanyavi wilamwaaloba di'baaka naanga warakeba. ⁹ Di'baaka naanga warake'naji Poli yagaala naanga kuna widake'naji Miginya Yutikaazai

widɪwaayaba yɪlamwaaina yaka se'na naanga winyina kya' amamaze waraka munya ke'bevadaasɪ kwaakevina bwalabaihi'nyina ya'. Bwalabaihi'nyina kya' pwara yarai walaawina yeva dara wangesa' "O, baryai daaka!" ¹⁰ Sara kade' kiri' Poli walaawina yina yaka gaminyi maramujire'na yaka pwaraavi wida' "Kinna madipinera! Sare' dare'nesi. Kwaihwainakei mwaali'. Mabaihi'nyiwa'." ¹¹ Wɪdaka anga munyabanyavina ayina yilaawaka wapaaya gunyina yaka nyina ya'. Mi'na nyina yaka yagaala pinɪ wɪdina yaka yirika mi'na purakegaa'na ya'ma'na ya'. ¹² Ya'ma'na kya' pwara miginyai balaka ayina dikaavakeri gamire angevi mare'na yeva yilaaya yina yeva mwaalina ye'.

Anga Tirawaazidaasi Anga Maalitaazi sawinnesi.

¹³ Poli neda' "Sipiyavi kwawapiji kwaakaanya wawa'muji Anga Aazozina yihizi'ma'naabideinyi." Nedakei wina kya' sipiyavi yɪlamwaaina kyo Anga Aazozina sipiya' makuna neya'. ¹⁴ Makuna kaneya' Anga Aazozɪ Poli newira'nijimaa'naka sipiyavi yɪlamwaaina kya' Anga Mitɪlinina nemakwawa'. ¹⁵ Sabadaa'nyi nemakwawaka yirika pirivi Ahu'manna Kaayozɪ wavɪlavaka yirika pirivi Ahu'manna Semozina nemakwawaka yirika pirivi Anga Maalitaazina yɪ'mavaawina ya'. ¹⁶ Sare' dare'nesi. Poli neda' "Jeruzaalemi yarai wawa'muji Munne Pedikoziyagaa' saba mwaalideinyi dingaka? Piroviji Eziya

naangegaa' mwaalina mwaalina myi+wijainyi
Anga Epazaazi wawilavaadera.” Nedakei
Maalitaazina yi'mavaawina yo.

*Epazaazi mwaalyara Kiraazitiyareraavire
naangeraavi widake'nesi Poli.*

¹⁷ Maalitaazidaasi Epazaazina yagaalya'
widaasina ya' “Naangeihi, Kiraazitiyare
kusi laanyaviyara Epazaazi mwaaihasaraavi
maremwaaidivisaihi jikabyila!” ¹⁸ Sari
widaasina kya' a'mwe sara bina kye'
wida' “Yirika aayagaa' Piroviji Eziyana
gaai bena yuyagaa' saba mwaaideryagaa'
sarimiji mwaalena yuya sabwi yeinyina
yawimwaava. ¹⁹ Nabaai, Naangere wawinya'
widaayadinyainyi diraginna yena 'Nimi
maalikeinyi,' dadi a'mwera kayaa'na kanye'
nimi kinna daheinyira taanga nyadaasina.
Juyara yawina 'Polimi tamakaana!' yawina
yeva kayaa'na kanye' taanga naanga
nyake'na yawimwaava. ²⁰ Yuya kadika
wini pi ja'na sariminyi yihigaimwanga yuya
sara yihiziwaake. Yagaala pin mwarika.
A'mweraayaba yihiziwaakadi sarinnya angengi
yihiziwaake'na yawimwaava. ²¹ Juyaraaviji
Menyaraaviji avaina nayaa wijalikurake.
Sarinnya kayaa'nanyabwi marasi'napiji
Gotiyarebwi yawiramaarapiji Naanga Jizaazari
dili mwagyila! Sara myi yapiji Dikevi
namwaai bithika! ²² Sara kude dahaa' Kuryai
Tewaanyai sara kanyidwa'di' 'Jeruzaalemna
diwona!' yithaanyi, wila nyivwiyinikeinyi sara
yivanige saba niminyina pwara nyipi'de'na

myawiryivanigeinyira. ²³ Gave piri'na yawi'mwa. Anga yuyangi wa'mwa'dezi Kuryai Tewaanyai diraginna nyida' 'Kalavuzangevi gimwaaihipi'de'nanyi. Giminyina kayaa'na yipi'de'nanyi,' sara yawi'mwa. ²⁴ Dara wangamanige' 'Mwaihe'na maalike' daaka!' Nimi're kilaakeji'na myawirivanige. Naanga Jizaazai nyidaasake'naji Naangei gannya wawinya' kanyijaava' sa' yuya yide'naji yawi'manige. Wawinya sa' yagaala tewaanya' jalikurakya'ne' 'Gotiyai a'mweraavi yange'na wigaimwagathelyi,' widadinya'ne' nimi're wawinya sasaresira.

²⁵ Sariminyaba kaanya yamaryegaa' Gotiyai nemaremwaaide'na tewaanyabwina yihiziwaakage. Yithaanyi, dahaa' dara yawi'mwa. Dividaasi aane pwaigi' kwaigi' tinna manyanganyi jitheiginyi. ²⁶ Sarevi dahaasagaa' nebulya'na yihizalikurakima! Ginnya kuryari marasi'naja' gimire tawevina nimi're' mi'. Aawa. Gimiresi. ²⁷ Sare' dare'nesi. Gotiyai yade yuyanginaji gamire simunyav+naji yihitheinyi. Yagaala piri' lika myulyakye. ²⁸ Mala nayaa jiwannyila! Sarinnya kuryaraavi nayaa maremwaaina jila! Nabaai, Kuryai Tewaanyai sarimire wawinya' kyihizaava' sare'na Naangereraavi sipizipiyaraavi nayaa dimaremwaalyila! Sipizipiyaraavi maremwaaidivisara maremwaaidivitabaabi' Gotiyare kusilaanyaviyaraavi nayaa dimaremwaalyila! Jizaazai gannya gawaali' kabala' Gotiyai Kiraazitiyareraavi mubina ya'. Naangere tawesi mubina ya'. ²⁹ Dara yawi'mwa.

Kaanya kwawa'muji sariminyabanna a'mwera kavijilikkerabisara bapiji sipizipiyaraavi kayaa'na wipi'derera. ³⁰ Di'vi sarimijiya pwara yawi'na 'Jizaazari mididivisara gevwina nyimidibika! Mwagi'namaarima!' Yawi'na yapiji daavina yapiji kwaasi yagaala widipi'de'nanyi. ³¹ Savine'na nyipidika! Mala nayaa jiwannyila! Dara jawirila! 'Kwarame dawaai dasa wawila'daasi yirikeji sawisaji Poli nimire kuryarina kinna daka nemijiya pwarikwari nayaa nejiwaaka.'

³² Dahaa! Gotiyare asirina yihimwaaihivanige. Gotiyai a'mweraavina yange'na wigaimwadere yagaalya'na tewaanya yihimwaaihivanige. Sigunyavi Gotiyai diraginyaihiri yihimwaaihade'na sarimiji pwaraavi Gotiyai dahilakakeraavi kayaa'nanyanna duimwagasi'nakeraji gannya yuya tewaanaanga yihizaavadengira. ³³ Aane pware kware nigwiji kwaabihannya baazi'ma'nya sazaji wabarinna mwanganyeyira. ³⁴ Arikewi, sarimi saihi mi'na nyawi'mwaava. Ninnya asilyi yina yina yena nigwia maarena niminyineji Gotiyare wawinya yadaanyaraavineji mube'na nyawi'mwaava. ³⁵ Yuyagaa' sara ye'na yihiziwainyawaiheinyi. Nimi sara yebwina jila! Diragina yapiji nigwiji asilyi a'mwe waryaanyaraavi duhaimwagyideihilyi. Savina sinnawi Naanga Jizaazai neda! 'Pwara daapina yipi'de'na yilaaya maalika yadivi' tewaanya winadere. Pwara yanga wijaavipi'de'na yilaaya naanga yadivi' tewaanaanga winade'nanyi.' Sara nedake'na nayaa jawirila!"

36 Poli mena widakegaa' kumiji gamiji kwadaai gilina kye' Gotiyari yagaala wida'.
 37 Mi'na kuda' kinna deva galamujina yeva yilaaya marina ye'. 38 Gannya yagaalya' "Dividaasi tinna mwanganyi dinyideihilyi," widake'na kale wia'. Kale wiadaa'nyi sipiyavina gaminyi yenaasina yesare.

21

Anga Jeruzaalemina Poli wawake'nesi.

1 A'mwe naangeraavi ya'ma'na yona sipiyavi yilamwaaina kyo sipiya' makuna neyaka Ahu'manna Kozina yida'na nayaa makuna neya'. Makuna neyaka yirika pirivi Anga Rozina yimavaawina yaka sabadaasi Anga Pataarana makuna neya'. 2 Makuna kaneya' dara wangano' "Kwaaka Piniziyana sipiya piri' wawade' daaka!" Sara dona sipiya savi yilamwaaina kyo makuna neya'. 3 Makuna neyadaasi Ahu'manna Saaipiraazi tinna wanganna kyo pimagi kwanaamimagi wavila'na yaka Kwaaka Siriyana makuna neya'. Anga Taayaa saba gilyivita yuya sipiyavi wa'di'nyiya wakya'na sabanna makuna neya'. Makuna kaneya' Anga Taayaa sipiyavidaasi bwalaawina yo. 4 Bwalaawina yona Jizaazari middivita pwaraavi birina yona kuminyaba wikiya piri' mwaalina yo. Saba mwaalina yadozi Kuryai Tewaanyai Taayaa mwaalyaraavi Polimina pwara kayaa'na yipi'de'na wijiwaainyina kya' sahwara Polimi wide' "Jeruzaalemina yilaawina minnera!" 5 Sara kude' kiriri' kaanyagaa' wikiya'

mena wavila'na kya' ya'ma'na yoinera. Angaba mwasabanna Kiraazitiyarera a'mweraji kunnya a'mweji kunnya kaimiraayaji yuya makuna neye'. Makuna kaneye' aalimaangebaari kwadaai gilona Gotiyari widina yo. ⁶ Mi'na widina yona dinyina “Nemireihi tewaanna diwila!” Dinyina kyo sipiyavi yilamwaaina kyo kunnya angengina wina ye'.

⁷ Anga Taayaa sipiya' ya'ma'na yaka Anga Tolimezina kuna makuna kaneya' Kiraazitiyarine neya'mweraavi ata bwa'nona kuminyawi sawita pirivi se wa'mwa'na yo. ⁸ Se wa'mwa'na yona sipiyavi yilamwaaina kyo saba ya'ma'na yaka Anga Sizaariyana yimavaawina ya'. Yimavaawina kya' Jizaazarina yagaala tewaanya' widadei Pilipimire angevi wawona saba wa'mwa'na yo. Jeruzaalemi a'mwe atina ata puridaasi pwaraalyaraavi dahilakesalyi Pilipi. ⁹ Gamire sidiraaya dawaai dawaalyangi kwala mamaanya Gotiyari winawijiwaakesangira. ¹⁰ Saba mwaaidoziri yirika pini wavila'na kya' Aahavaazai wonikei Kwaaka Juthiyadaasai walaabina ya'. Walaabina yakei Gotiyari winawijiwaakadelyi. ¹¹ Walaabina yaka neminyawinna bina yaka Polimire munnaanya' maarina yaka gannya asiraalyi gannya sivilyiraalyi sangi marayegipwinyina yaka wida' “Kuryai Tewaanyai kanediwakira ‘Munnaanya davire gyakwari Jeruzaalemi Juyara dara marayegipwiyapiji ajimya yuyangiyaraavire asiraavi marimwangipi'delyira.’ ” ¹² Sara kuda' kadika winona nemiji saba mwaalyaraji

saina kinna dona Polimi wido, “Jeruzaalemina milaawinnersa!” ¹³ Sara kudo sai neda! “Be'na yivanigataihilaka? Kinna sara kanyimarediwaa! kale naanga nyiwake'na be'na divanigava? Sare! dare'nesi. Jeruzaalem kalavuzawa pwiyina nyipi'de'na nimi diraginna mwaaihe. Sa! wikira. Nabaai Naanga Jizaazarine yayavina nyiramakipi'de'na diraginna mwaaiheinyira.” ¹⁴ Sara nedaka kuna diraginna yawi'na kya! yagaala pini ayina muji yona wida'na yo, “Gotiyai simunyavi yawirade! sara yima'nana!”

¹⁵ Sizaariya saba mi'na mwaalina yona nemire gilyivisa yovirawakina yona Jeruzaalemineina ya'ma'na yo. ¹⁶ Kiraazitiyare mididivisara Sizaariya mwaalya pwaraji yilaawina yona Minezonimire angevina makwina kaneye! mwaalina yo. A'mwe Minezoni Ahu'manna Saaipiraazidaasai sinnawi sagaa! Kiraazitiyari midinyaakelyira.

Polijemizarangyirimaata yake'nesi.

¹⁷ Jeruzaalemina yimavaawina kyo neya'mwera tinna wanganna neyeva yilaaya nemarye!. ¹⁸ Yilaaya kanemarye! yirika pirivi Poliji nemiji Jemizar tinna wanganya'na wina kyo Jemizai mwaalakeba Kiraazitiyareraavire a'mwe naangeraji mwaalina ye!. ¹⁹ Mwaalina kye! Poli “Nya'mweihi!” widaka gannya wawinyavina ajimya yuyangiyaraayaba Gotiyai yake yuyanna wida!. Mi'na kuda! kadika wi'nyina yeva Gotiyarina “Byaannakeigi!” yilaaya yina ye!. ²⁰ Yilaaya yina yeva Polimi wide! “Neya'mweigi, davanna nayaa

yawimaniḡinyaiḡinyi. Juyara kwala naange! Naangeri limwadiwi' nabaai, Ne Mozizare Kiwinya diraginna limwamanigasare. 21 Sahwaraavi pwara ḡiminyina kwaasi wide! 'Polii ajimya yuyangiyaraavireba Juya yuyaraavi wijiwaaka! "Mozizare Kiwinya! dasinyila! Sarimire kaimiraayaraavire kilaakeji! madapinera! Juyaraavirebwi mipinera!" ' 22 Sara kwaasi kude! dara winipi'de! 'Davanna Polii jima'mwaabika!' Sara dapijiyavidaa'nyi gara yaadeinaavaka? 23 Sarevidaa'nyi ḡithaade! ja! Nemirera daraai daraalyara Gotiyari diraginna wija! kininnakera kigaa! widesa! sara yipi'dererera. 24 A'mwe saraavi makwo'gizi kumiji Juyainaavirebwina girika maayaigi yima'nya'na baaka mwadana! Kuminyine nigwia kwaka'gizi kunnya mijata da'nipi'dengira. Sara kya'gizi a'mwera tina gwanganapiji! dara yawipi'de! 'O, pwara Polimina yuya nedeta kwaasi yagaalya! daaka! Gami sahwai Ne Mozizare Kiwinya! nayaa yivanikei damwaalika!' 25 Sara widipi'de! kiri! ajimya yuyangiyara limwadiwisaraavina paaziya! mena widaaso. Pikarya dara yavikarinike! 'Nemi mi'na yawi'mwo! "Nyilyariji Laweriji pwaraaviji wijaavipija miwita wapaaya maninna! Yisaraavine wapaa yilaaya'ne maninna! Tawe maninna! Yikuriyaawia giraabimwannike tawanake mavireninna! Ata limwagya'nebwi minnera!" sara wido,' " wide! 26 Mi'na kude! yirika pirivi Polii a'mweraavi makuna kya! kumiji girikita'nanya wasinya'ne yina ye! Mi'na

kye' Gotiyare Angevi wilaka Gotiyarina mubithika yira'divisaraavi wida' "Wikiya mena kwavilavoji a'mwe dara girikita'nanya wasi'nya'ne yuna kyima'noji sagaa' pwai sipizipiya piri' wakina. Pwai piri' wakina, yuyaina Gotiyarina wakaadengira."

Gotiyare Angevi Polimi wila pwiyesa'nesi.

²⁷ Yirika atina yaka ata puridaasi piriwaalyagaa' aya kigaa' mena kwavilava' Gotiyare Angevi Juya pwara Kwaaka Eziyadaasara Polimi tinna wanganna ye'. Tinna wanganna yeva "Aakai, aakai," kude' kwala bwa'naanya' yarai yikabina yeva yuyara jaka dina yeva gaminyi asaji galalimwana ye'. ²⁸ Gaminyi galalimwana yeva jaka wide' "Yizireliyahi, dinegaidaayila! A'mwe dai yuyaba kaanya yamaryada yuyaraavi wijiwaakina Yizireliyara kayaa'nanyarera. Mozizare Kiwinya' waryaanya'nesi. Gotiyare Ange' tewaanya' mika,' sara wijiwaakadelyi. Nabaai, dahaa' Gotiyare Angevi kayaa'nanaangei Menyara pwaraavi makulaabina yaka sara kayaa'na kywa' nemire Anga tewaanya' girikita'nanya' yima'ninwakesi." ²⁹ Widesa' dare'nesi. Pigaa' angeba Jeruzaalemi sahwaru Polimiji Tiropimaazai Anga Epazaazi mwaalyariji tinna wangesara kwaasi dara yawiresa' "O, Gotiyare Angevi Poli Menyari bamakwimwakei daaka!" ³⁰ Sara kude' Jeruzaalemi mwaalyara yuyara jaka dina yeva yarai yikabina yeva gila'mwannemwaaina yeva gaminyi galalimwana yeva Gotiyare

Angevi+daasi mwasaw+inna mwagi'namaa'na ye'. Mwagi'namaa'na kye' sagaa' kaanyangi yarai tih+na ye'. ³¹ Yarai tih+na kye' kwala bwa'naanya' tamakya'na sahwar+ tam+na yadaapiji pwara Romiya aaw+ilasaraavi maremwaaide naangeri yagaala widaase' "Yarala! Jeruzaalemi mwaalya yuyara jaka dina, mala tannivan+gava." ³² Sara kudaase' maremwaaide naangei gannya aaw+ilata maremwaaidi+visaraji aaw+ilata kwalaalyaraji yarai makuna yaka kwala naangeyaw+inna yarai walaaw+na ya'. Walaaw+na kya' a'mwera gamiji gamire aaw+ilasaraji saraavi tinna wanganna yeva sahwar+ ayina muramy+ ye'. ³³ Ayina muramy+ kye' aaw+ilasaraavi maremwaaide naangei Poli+myaw+inna w+na yaka limwana yaka gannyaaraavi wida' "Seniyabaraaly+ di+vw+yi+la!" W+daka kwala bwa'naanyavi wida' "A'mwe dai aihwalaka? Beri+ yi+wakalaka?" ³⁴ Kwala bwa'naanyavi pwara yagaala piri+ jaka kude' pwara yagaala ge' ge' jaka wid+na yesare. Avaalyagaa' jaka dina dina yadaapiji Poli yake'na naangei kadika mu'nyi yaka gannyaaraavi wida' "Nemire aaw+ilasainaavire angev+na a'mwe dari di+makilaawila!" ³⁵ Kuda' yi+taavakulayaba makuna yeva a'mwera Poli+mi tanya'na besa'na aaw+ilasara Poli+mi marikwawalimwana yeva makuna ye'. ³⁶ Sare' dare'nesi. Kwala naanga yuya' mid+inaabina yeva jaka naanga w+de' "Tamakaana!"

Gannyabwina Poli widake'nesi.

37 Aawilasaraavire angevina Polimi makwodaapiji tikuryayaba sai aawilasaraavi maremwaaide naangeri wida! “Githiwijainyi daaka?”

“O, Girikiyagaala dadinyaigi daa?” naangei yiwaaravaka 38 wida! “ ‘Kigaa! Kwaaka Yizipi mwaalya sai “A'mwera kwaaka maremwaaidivisaraavi yirawasaana!” daka a'mwamaayawinna yikamaanga kwalaalyara (4,000) kilinakeraavi makuna yakei daaka! sara yawimwana.” 39 Poli wida! “Aawa, Juyainyi sahwainyi Kwaaka Siliziya Anga Taazazi mudanga nyimaarakeinyi. Anga naangeba mwaalyainyira. Nya'mweigi, 'A'mwe daraavi duthana! kanyida'giri widaeinyira.” 40 A'mwe naangei “Wikira,” kuda! sahwai yitaavakulyayaba yiladaa'na yaka gannya asi a'mweraavina bathamakina kya! a'mwera yagaala majara kave mwaalina kye! Yiviruyagaalya! wida!.

22

1 “A'mweihi, nya'mweihilyi, nimaamaangeihilyi, yadinyainyirebwi yihithide! kadika dinyu'nyila!”

2 Yiviruyagaalya! widadevi kadika wi'neva kadika nayaa wi'nabala'na yina yadaapiji piniji wida!

3 “A'mweinyi Juyainyi. Kwaaka Siliziya Anga Taazazi mudanga nyinaange! nyimaarake! kiri! Jeruzaalemi davanna yilaabena giryadaaveinyira. Dava a'mwe sidu'nakei Gameliyal! wo'nikei nyijwaaka!. Nyijwaakada

nemire Ne sinnawinyaraavire kiwinya diraginna wijiwaakina. Wijiwaakina kanya' dahaa' dava mwaaihasaihi Gotiyare yagaalya' nayaa limwadiv+itabaab+ sahwainyi limwanna ye. ⁴ Sareinyi a'mwera sabwi mididiv+saraavi kayaa'na yina ye. Kayaa'na yina kye pwara balina ye'. Pwaraaviji piningiji ata pwiyna yena kalavuzangevi yarai wimarimwangina ye. ⁵ Nebulya'na yihithivanige. Gotiyarina Mubithika Yira'de Naangelyi Kaajoliya yuyaraji yihithivanige' nyijalikuraky+pinera. Nimi saraavi kude naangera nyigaimwagesara Juya neya'mweraavi Damaazikazi mwaalyaraavina paaziya' yavikarina yeva nyijaave'. Sara yeva nimi yebwi yihithipi'desira. Paaziya' kanyijaave' 'Sawinna a'mwe dara sabwi limwaga'div+saraavi seniyabaraji pwiya'muji "Daanga naanga wiv+nana!" da'muji Jeruzaalemi ayina makabideinyi,' dena sawinna wina ye."

Polì Kiraazitiyarei yima'nake'nesi.

(Apozeliyara 9:3-19; 26:12-18)

⁶ Polì wida' "Kuna wodinyagaa' sirigwajahaa' Anga Damaazikazi aya kibanna badaazi sigunyavidaas+ baaka naange' yarai mwadina nya'. ⁷ Yarai mwadina kanya' kwaakevakina wala'na kye maanguraaya' nya' 'Soligi, Soligi, kayaa'na be'na nyivanigina?"

⁸ 'Naangeigi, aaihwainaka?' 'Jiza-azainyi Naazreti mwaalyainyi kayaa'na nyivaniginyainyi,' nyida'. ⁹ A'mwera nimiji wawesara baaka naange' tinna wanganeva

maanguraaya' nyakevi myu'nyesarera. ¹⁰ Ni mi yiwara'na ye, "Naangeigi, beri' yijiwana?" Sara yiwara'na kye Naangei nyida' 'Daava'gizi Damaazikazi'na diwona! Saba pwai Gotiyai giminyina gyawi'mwake' yuya' githathera.' ¹¹ Kanyida' baaka naange'na tibaryainyi pwaraji wawora nimire asiri nyimaareva Damaazikazi'na yibwaramakuna nye'.

¹² Saba a'mwei Ananaayazai wo'nikei mwaala'. Sai nemi Juyainaavire Kiwinya mididelyira. Juyara Damaazikazi mwaalya yuyara sarina jalikurakidiviki 'A'mwe tewaanaangelyira.' ¹³ Mwaalakei niminyawinna bina yaka niminyaba daavina yaka nyida' 'Nya'mwe Soligi, tinna ayina dangana!' Sara kanyida' sagaa' tinna tewaanyaraai yarai yenyina yena sari tinna wanganna ye. ¹⁴ Tinna wanganna kye Ananaayazai nyida' 'Ne sinnawinyaraavire Gotiyare simunyavina jawi'de'na Gotiyai giminyi sinnawi dahilaka'. Gannya Yida'maraangeri tinna dangade'naji gannya maanguraayavi githathe' kadika du'nade'naji sinnawi githahilaka'. ¹⁵ Divi gamire yagaalya' duthatheiginyi. A'mwe yuyaraavi tinna wangamwaanyaji kadika wi'niwaanyaji sa duzalikurakideiginyira. ¹⁶ Sare'na dahaa' be'na jemwaaijwaana? Gimidi daava'gizi giminyi bavitaaziya gyideiginyi. Jizaazarine yaya' kuda'gizi gimire kayaa'nanyangi marasi'nadelyira,' nyida' Ananaayazai.

Gotiyai "Poli Menyaraavi widathelyi,"

widaasake'nesi.

¹⁷ Jeruzaalemina ayina bina yena Gotiyare Angevi Gotiyari dad+ a'mabaaitinna dara wangane! 'Naangeri dangamwana!' ¹⁸ Sara kade a'mabaalyavi Naangei nyida! 'Yarala, niminiyna duzalikurakide! dava mwaalyara mamaari gyipi'de'na Jeruzaalemidaasi jahalya'maka!'

¹⁹ Nimi wide. Naangeigi, mena nyawi'mwaava. Lotuangengi wawena gilimwadivisaraavi kalavuzangevi marawimwaaihena naanna wiramenna sara yawi'mwaava. ²⁰ Nabaai, Sitiveni giminyina wikalikurakaderi tamakadaapiji saba nimi sainyi mwaalena tamakya'na yilaaya yadi wiramerasaavire yivisangi maredaavena. ²¹ Sara kude Naangei nyida! 'Diwona! Nimi yegaalya' wijiwaakya'na githaasidera ajimya yuyangi yaraavina.' ”

²² Poli widadaasi a'mwera kadika nayaa wi'nyina kye! yagaala Menyaraavine! kadika wi'nyina yeva jaka naanga dina ye! “Tamakaana! Kwaaka davaki a'mwei sareri marasi'nannelyi. Sare! dare'nesi. Gaala mwaalannei mwaalade! tewaanya'na mi!” ²³ Jaka sara dadivi! kunnya yivisaji puraki'na yeva tiryasa maarina yeva yilamarasi'naawina ye!. ²⁴ Yilamarasi'naawina kye! Romiyai aawilasaraavi maremwaaide naangei yawi'na “Juyara a'mwe sarine jaka kayaa'nanya! be'na divanigava? Sare'na sari tamaana!” daka gamireraavi naanga wida! “Kaavilya! be'na divanigava jakeva? Angevina yarai makwopiji wilyabaalyi duramyila sare'na!” ²⁵ Kuda! aawilasara Polimi tamyana

pwiyina kye' sai aawilata maremwaaidei daavakeri wida' "Sarimire kiwinyabwi jivanigava? Romiyari kotiya' myivanigasari wilyabaalyi duramyide'na sarimirebwina daaka?" ²⁶ Sara kuda' aawilata maremwaaidei yarai wina yaka aawilasaraavi maremwaaide naangeri yiwaarava' "Be'na yivanigina? Sare' dare'nesi. Sai a'mwemili' mika! A'mwe sai Romiyala!" ²⁷ Maremwaaide naangei kadika sara winyina yaka Polimiyawinna yarai wina yaka yiwaara'na ya', "Nyidana! 'Romiyagigi daaka?" "Yiwaara'na kya' "Yayo," wida' Poli. ²⁸ Sara kuda' maremwaaide naangei wida' "Nigwia naanga naanga wakena Romiyainyi yima'ne." Sai wida' "Nimi sanyire nimaamaangei Romiyai kyima'na' nimore mudangegaa' Romiyainyi yima'nyina ye." ²⁹ Sarevidaa'nyi yime'nya'bi' a'mwera yawi'na "Polimi tamaana!" yesara gaminyawidaasi ayina sara wina kye' aawilasaraavi maremwaaide naangei yawi'na "Poli, a'mwe Romiyalyi. Sa'na myawiriwe tanya'na nimi sahwari pwiyiwa. Aakai!" yawi'na yaka lika yina ya'.

Kaajoliyaraayaba Poli daavake'nesi.

³⁰ Aawilasaraavi maremwaaide naangei yawi'na "Juyara Polimina 'Sai kayaa'na sara yiwakelyi,' nyidipi'devwi kayaa'nanyabwi yawirima!" Yawi'na yaka yirika pirivi Polimi seniyabaraai yaarina yaka yagaalya' Gotiyarina mubithika yira'divita naangeraji Kaajoliya yuyaraji saraavi "Jikabyila!" widaasa'. Sara widaasaka gaminyi makwalaawaka kuminyabanna walamaredavaawina ya'.

23

1 Poli Kaajoliyaraavi tinna diraginna baihanaraka wida' "Nya'mweihi, kigaasi dahaasi yuyagaa' Gotiyai nyangadaasi nimore simunya padaihrakyavi dara yawi'di 'Gotiyarina nimorebwi tewaanyabulyi,' sara yawi'dinyainyi." 2 Mena kuda' Gotiyarina Mubithika Yira'de Naangei Ananaayazai Polimyaba daavesaraavi wida' "Gamire maangeburi diramyila!" 3 Poli wida' "Kwaasi yadinyaigi kurika kayaa'nanya pewinakeigi Gotiyai giramadeiginyi. Saba Kiwinyabwina kotiya walamwaalagina nimonyina 'Diramyila!' diwaanya'na Kiwinyaburi kayaaka yigaimwaana." 4 Sara kuda' a'mwera gaminyaba daavesara wide' "Gotiyarina Yira'de Naangei Gotiyareru birala yiwaana!" 5 Sai wida' "Nya'mweihi, Gotiyarina Yira'de Naangei mwaalikerina myawiriwe sa'na widiwa. Dare'nesi. Gotiyare bukuya' dinike' Yagaala kayaa'nanya' gimore a'mweraavi maremwaaidarina madinnera!' " wida'.

6 Sahwai dara wanganake' "Ai, Kaajoliya pwara Periziyara mwaaidapiji pwara Sazuziyara damwaaihava!" Sara daka Kaajoliyaraayaba jaka wida' "Nya'mweihi, Periziyainyi. Periziyaraavi kuvibwaalivaangeinyira. A'mwe baryara divi dikaapi'devwina yawi'dinyainyina dava kotiya' nyawibwa'manigasainyira." 7 Sara kuda' Periziyaraji Sazuziyaraji maanga dineva Kaajoliyara jaapainyina ye'. 8 Sare' dare'nesi. A'mwe Sazuziyara dadiviki "Baryara kwaihwainakera madikaayi

yipi'derera. Ejeliyara mamwaalyiga'. Kuryara mamwaalyiga'." Sara dadivi' kir'i' Periziyara dikaasa'naji ejeliyaraav+naji kuryaraav+naji widadivisarera. ⁹ Sare'na maanga dinyina ye'. Maanga kuna dinyina yeva jaka naanga dinyina dinyina kye' pwara Periziyaraavi Kiwijara daavina yeva diraginna wide' "A'mwe dai kayaa'nanyai mika! Kuryai dahawidaka? Ejeliyai dahawidaka?"

¹⁰ Maanga naange' yima'nyina kya' aawilasaraavi maremwaaide naangei "Akai, Polimi nagalapiripalaki'p'dika!" daka Polimina lika yaka aawilasaraavi diraginna wida' "Yarala, a'mweraayabanna walaawapiji kuminyidaasi sahwari maarapiji aawilasaraavire angevina dimakilaawila!"

¹¹ Sagaa' sawisavi Polimyaba Naangei daavaka wida' "Diraginyaigi jima'nana! Sare' dare'nesi. Jeruzalemi dava niminyina nayaa wijalikurakaginyabaaibi' Anga Romi menyaba avaaina duthatheiginyira."

"Polimi tamakaana!" widesa'nesi.

¹² Mwanyavi Juya pwara yikabeva jamungajakina yeva dine' "Gotiyarina diraginna divanigo. Poli mwaaidori nem'i wapaayaji aalyasi manyi yaadeinera. A'mwe sari mi'na tamakawaaji d'vidaasi naadeinera. Sara mi kyawaaji Gotiyai Dikevi nemarasi'nanneinera." ¹³ A'mwera sara dinesara a'mweraare ata sivi'yiraalyaraji (40) pwaraji mwaalesarera. ¹⁴ Mi'na dineva Gotiyarina mubithika yira'divita naangeraji a'mwe naangeraji saraayawinna waweve

wide' "A'mwe yuya daina Gotiyai kadika newi'nadaasi diwo. Wapaaya manaanneina Polimi tamakaadeinera. Sare' 'Gotiyai Dikevi nanemarasinadika!' diraginna dona nebulya'na yithithiwo. ¹⁵ Sara dovidaa'nyi sarimiji Kaajoliya pwaraji Romiyai aawilasaraavi maremwaaide naangeri kwaasi yagaalya' duthaasila! 'Polimi yagaala pini widaathe'na neminyawinna dimakwalaabidelyira.' Kiri' makwaidavadaapiji lika yulyarawaaji sahwari karamakawaaji davanna mwalaabi yadelyira," wide'.

¹⁶ Polimi gya'mwevire gawaali' kadika dara wi'nake' "O, Juyara aapyari tamakipi'dei daaka!" Daka wawaka aawilasaraavire angevi wilaka savina Polimi widithaakuna. ¹⁷ Sara widithaakuna kya' sai aawilata maremwaaide pwaraji jaka wida' "Kaajo!" widaka wida' "Ginnya maremwaaide naangeryawinna miginya dari dimakwona! Sare' dare'nesi. Yagaala piri' widithaakwadelyira." ¹⁸ Sarevadaa'nyi aawilata maremwaaidei aawilasaraavi maremwaaide naangeryawinna jivwaramakuna yaka wida' "Pol, kalavuzai jaka nyidaka nyidiwa' 'Miginya dai yagaalyavi widaathe'na ginnya maremwaaideryawinna dimakwona!' " ¹⁹ Sara kuda' maremwaaide naangei miginyare asiri maaraka saraai gaveraai mwaaidakilyiyabanna jivwaramakuna yaka yiwaara'na ya' "Be yagaala dinyidithaakwidevaka?" ²⁰ Miginyai wida' "Juyara mena yawireva mwanyagaa' yaamiji gyiwaarapi'de 'Kaajoliyara Polimi yagaala pini nayaa wi'nipi'de'na Kaajoliyaraayawinna dimakwalaawa!' ²¹ Sara gyiwaarapi'de' kiri'

kadika mu'ninnera! Sare' dare'nesi. A'mwera a'mweraare sivilatiraalyara lika yulyarapiji gaminyina yemwaaibi'derera. Sahwara yuyara Gotiyarina diragina widiwaa' 'Wapaayaji aalyasi mananneina mwaidaa Polimi mena tamakawaaji d'vidaasi naadeinera. Sara myi yaaja' Dikevi dinemarasika!' Gimi kuda'gizi 'Yo, Polimi waasima!' tusavi tamakya'nera tavaravana yemwaaimaniga'." ²² Sarevidaa'nyi maremwaaide naangei wida' "Sa' nyidiwaa'na pwaraavi mudinna!" Sara daka piw'inna miginyari widaasina ya'.

Ga'maan'ya naangei Pilikizaryawinna Polimi waasesa'nesi.

²³ Sagaa' maremwaaide naangei aawilata maremwaaideraari jaka widaka wida' "Anga Sizaariyana aawilata kwala naangesi (200) yovirawakapiji oziyaraavi yilamwaaidivita pijaakuna (70) sraminya saaminya limwadivita kwala naangesi (200) yovirawakapiji sawisavi naaini kilokiyagaa' dava ja'mayila! ²⁴ Nabaai 'Oziya pwara Poli yilamwaaladeraavi yovirawakakwoihiji Ga'maan'yai Pilikizaryawinna a'mwe sari nayaa makwalaawaka!' dakilyi sara jila!" ²⁵ Sara widaka paaziya' yavikarina ya'. Dara yavikarina yakesi.

²⁶ Liziyazai Kilothiyazainyi paaziya da' tewaanyai Ga'maan'ya naangei Pilikizaiginyine' yavikarivanige. "Ninnya Pilikizai naangeigi!" githiwa. ²⁷ Juyara a'mwe dari galalimwana yeva tamakya'na "Tamaana!" de'. Sara dadaapiji dara wi'n'iwade' "A'mwe sai Romiyai daaka!"

Dena nĩmĩre aawĩlasaraji walaawena kumĩnyĩ walayĩpalamaa'na yena padaihasamaa'na yĩwa'de. ²⁸ Nĩmĩ yawi'na 'Juyara a'mwe darĩna be'na dĩvanĩgava? Kayaa'nanya' be'na dĩvanĩgava?' Yawi'na yena Kaa-joliyaraayabanna sari makwaimwa'daawade. ²⁹ Makwalaawena kadĩka dara wi'nĩwa'de! "Ai, tamakya'naji kalavuzangevi wĩmwaaihya'naji kayaa'nanyabwi myawaalikei daaka! Kumĩre kĩwĩnyabwina gamĩnyĩ maanga duthĩvanĩgava!" ³⁰ Sara yawi'mwa'deinyĩ yagaala pĩrĩ' pwai nyĩdĩwaka "Juyara sari tamakĩpĩ'derera." Saburĩ kadĩka wi'nena gĩmĩnyawĩnna waasivanĩge. Gamĩnyĩ maanga wĩdĩvanĩgasaraavi wĩdĩwa "Gamĩre kayaa'nanyangi Ga'maaniya naangeryabanna duzideihĩlyi." Pĩkarya sara yavĩkarina ya'.

³¹ Aawĩlasara kadĩka sara wi'neva sara ye'. Sawĩta savĩ Anga Adipaatiĩrĩzĩna Polĩmĩ makwalaawĩna ye'. ³² Makwalaawĩna kye' yĩrĩkevi aawĩlasara kwaakaanya kunnya angevĩna ayĩna wĩna kye' Anga Sizaariyana ozĩyaraavi yĩlamwaalesara aawĩlata pwara gamĩnyĩ makwalaawĩna ye'. ³³ Sizaariyana makwalaawĩna yeva Ga'maaniya naangerĩ paaziya' wijaavĩna yeva nabaai, Polĩmĩ gamĩnyabanna wĩmwaaihĩna ye'. ³⁴ Wi'na wĩmwaaihĩna kye' Ga'maaniya naangei paaziya' tĩnna wanganaka gamĩnyĩ yĩwaara'na ya' "Gĩmĩre pĩrovijĩ gavanaka?" Sai wĩda! "Kwaaka Siliiziya." ³⁵ Sara kuda! "Gĩmĩnyĩna yagaainakera kwalyaabapĩji kotiya' yĩhu'nĩdeinyĩra." Wĩdaka gamĩjĩyaraavi wĩda! "Erotiyare anga naangevi

wimwaaihapiji
dimwaalyila!"

kalavuzangevi

dameihi

24

Juyara Polimi kotiya yesa'nesi.

¹ Sawita atina kajinna! Anga Sizaariya Gotiyarina Mubithika Yira'de Naangei Ananaayazalyi a'mwe naanga pwaraji pwai kotiyagaala dadei Tetalaazalyi walaawina ye!. Walaawina yeva Pilikizai Ga'maanaya naangeryaba daavina yeva Polimina wide!.

² Sara kude! Ga'maanayi gaminyina jaka kuda! sai wilaabina kya! Tetalaazai Polimina kotiya wida!

"A'mwe naangeigi Pilikizaigi, gimimemaremwaaidinyagaa! narya tewaanyagaa! dahaakira. Gimire siduta sara yawiragina sara yadaagi nemire anga naanga dimaginya! tewaanya yima'nivani!. ³ Yuyagaa! yunebanna sangine'na yilaaya yona yivaniginyanna 'Su! Su!' diragina divanigoinera. ⁴ Naangegaa! nadinaadika! Dahaa! kave mwaala'gizi nemire yagaala maalika kadika wi'nyana diragina githanganaana! ⁵ Sare! dare'nesi. A'mwe dai Juyainaavina kayaa'na yadelyira. Kwaaka yuyavaki Juyara mwaaihasabanna dai kwawa! maanga dineva mala tannyina yesalyira. Naazreti mwaalyarerajiya naangelyi, a'mwe dala. ⁶ Nemire Yileange'na 'Girika yima'nana!' kada! saba nayaa galalimwana yo. 'Sari nemire Kiwinyabwina kotiya! yaana! yawi'na kyo ⁷ aawilasaraavi maremwaaide

naangei Liziyaaazai bina yaka neminyabadaasi a'mwe dari diraginna yipalamakuna ya'. ⁸ Yipalamakuna yaka naanga neda! 'Yagaainakeihi Ga'maan+ya naangeryabanna kotiya' jila!' neda!. A'mwe dari y+waarava'gizi gim+ saigi dara yawi'na jithesi 'Juyara sara nyidivan+gasa yune nebulyangira.' ⁹ Tetalaazai mi'na kuda! Juyara avaaina yawireva wide! "Gith+wake yuya sasarengira."

Pilikizaryaba Poli w+dake'nesi.

¹⁰ Sagaa! Ga'maan+ya naangei Poli yagaala wija'na ata yida'na kya' sai wida!

" 'Kwarame pijaakuna yawibwa'dinyaigi nemire anga naanga dimaginyainaavi yagaala jawibwarakina yadinyaiginyi,' yawi'mwe'na yagaala gith+de'na yilaaya yivanige. ¹¹ Jeruzaalemi Gotiyari yilaaya'na gaai kyilaawe sagaa'daasi sawita atiraai sivila puridaasi pir+waalya nejinna!. Sare'na gim+ saigi dara wangadiza! 'O, Poli sara nyid+wake! nebulya'na daaka!' ¹² Gotiyare Angevi pwaraji maanga madinyi yadaawoji Juyara nyangane!. Nabaai, Juyaraavire lotuangengiji Jeruzaalemi adusangiji kwala bwa'naanya mumwaaihye. ¹³ Tewaanya gavebwi yeinyi Juyara nyangane!. Nim+ myeiny+na kwaasi yagaalya' gith+waasa' nebulya'na magiz+waa!. Aawa. ¹⁴ Yagaala pir+ gith+waasa' nebulyasi. Gotiyari nemire Ne sinnawinyaraavirer+ yilaaya yad+ kumi mudikebwi kwaasiyaburi d+man+gasabwi mid+idinyainyira. Sara yad+nya' kir+! Ne Mozizare kiwinya yuya yida'nikeji Gotiyari

wi'nawijiwakyaasaraavire yagaala yida'nikeji limwadinyainyira. ¹⁵ Gotiyarina kumi

sahwara sara yawi'manigasa' yemwaalyabwi sara yawi'manige. A'mwe yuyara a'mwe yida'maraangeraji a'mwe yida'na myadivisaraji sara baryara dikaapi'de'na sara yawi'daa yemwaaimanigo. ¹⁶ Sare'na Gotiyalyi

a'mweraji tinna nyangadivi' yuyagaa' tewaanna mwaaidinya'na 'Nimire simunya padaihirakya' tewaanyabwi daaka?' siduta sara yawi'di yivanigeinyira.

¹⁷ Jeruzaalemi ya'ma'na yena piba piba kaanya yamaryadaazi kwarama kwalaalya kanyavilava' ninnya anga naanga dimaginyaraavine nigwia makwiya'naji Gotiyari sipizipiya wijaaya'naji Jeruzaalemna ayina yimwa'daawade. ¹⁸ Yilaawena

girikita'nanya wasi'nya'ne mena yena Gotiyari wijavadaazi Gotiyare Yileangevi nyangamwa'daa'. Nyangamwa'daasagaa'

kwala bwa'naanya' mamwaalyiwa'daa'. Jakeji malyasi sa myiwa'do. Nimi sa myadaazi Juya pwara Kwaaka Eziya mwaalyara mwaimwa'daa'. ¹⁹ Sahwara niminyina

'Yagaainakeina daaka!' yawipiji kwaji davanna mulaabi be'na yeva giminyaba madaayeva yagaala sa' manyijivaniga'? ²⁰ Davanna

mulaabi kyiwaa' Kaajoliyaraayaba daa'dezi Kaajoliyara niminyina 'Sai kayaa'nanya sara ya', beriva dimwa'daava? A'mwe dara nyidipika! Nimi kayaa'na yeinyi daaka?

²¹ Yagaala gave da' dingaka? Kuminyaba daa'di jaka dara widiwa'de. 'A'mwera balyaasara

dikaap+derera, limwamanige'na dahaa' kotiya' nyij+van+gasaih+lyira. Sara wid+wa'de'na maanga dahany+divan+igava?"

²² Sagaa' Pilikizai Kiraaz+tiyareraav+rebwi s+iduta yaw+rakei Juyaraav+ wida' "Wikira. Jemwaalyideih+lyi. Aaw+lasaraav+ maremwaaide naangei Liziyaazai kwalyaabozi sar+mire yagaala jaw+bwarak+na y+deinyira."

²³ Sara widaka aaw+lasaraav+ maremwaaideri Polim+ina wida' "Polim+ damera wangab+ka! Kalavuz+ d+rag+inna nujaav+p+d+ka! Gamire gya'mwera angy+r+i'maata yap+i+ w+jaav+p+ka! Sare'na tewaanyasira."

Pol+ Pilikizaly+ D+ruz+las+ sayor+ widake'nes+.

²⁴ Sawita p+ni+ kaj+inna' Pilikizai gannya balaange' D+ruz+las+ b+na ya'. A'mwe D+ruz+la' sa' Juyasira. Mi'na b+na yaka Polim+ina kudaasa' a'mwera Kiraaz+tiyai Jizaazar+ limwangebwina Pol+ widadaas+ Pilikizai kad+ka w+ny+na ya'. ²⁵ Kad+ka w+ny+na kya' kiri' y+da'maraangebur+naji nayaa maremwaainyabur+naji Gotiyai kotiya nej+davade' y+ma'nadevur+naji kuda' Pilikizai lika yaka ja'naw+d+na "Wikira. Dahaa' ja'mavadera. P+gaa' nav+ka kamwaala'muji yagaala p+ni+ dakadera." ²⁶ Widaka yaw+'na ya' "Pol+ d+na 'Pilikizai n+mi+ny+na tewaanna yana! d+na yoji+ nigwia yanga ny+jaav+dei d+ngaka?" Sara yaw+'da kwalaalyagaa' Polim+ina w+daasaka saraai d+ny+na yagi.

²⁷ Kwaram+e p+ri+waai kwav+lava' Ga'maaniya naanga mud+kei Pez+taazai Poz+iyaazai b+na yaka

a'mwe Pili+kizare kwaakev+ maremwaaideryaba maremwaina ya'. Pili+kizai wawakegaa' sai yawi'na ya' "Juyara n+im+ny+ina y+laaya y+pi+ka!" Yawi'na yaka kalavuzangev+ Pol+im+ kuna w+imwaih+w+ina ya'.

25

Pol+ w+idake' "A'mwe naangei Sizaar+ kot+ya'na w+id+ideiny+."

¹ Sarev+daa'ny+ Kwaaka savak+ina Pez+taazai bi'ma'na kya' y+ri+ka dawaai dasa wav+la'na kya' Sizaar+iyadaasi Jeruzaalem+ina y+laaw+ina ya'. ² Jeruzaalem+ina y+laaw+ina kya' Got+iyar+ina mub+ith+ika y+ra'd+iv+ita naangeraj+ Juyara a'mwe naangeraj+ sara Pol+im+ina yagaala wide'.

³ A'mwe sara yawi'na "Tusav+ Pol+im+ kiwale livaramaadera," yawi'na yesara Pez+taazar+ kwaasi yagaala di+rag+inna widaangane' "Neya'mweigi+, nem+ny+ina kale kagyozi Jeruzaalem+ina Pol+im+ina duthasaadeig+iny+ra."

⁴ Sarev+daa'ny+ Pez+taazai wida' "Aalo. Anga Sizaar+ya kalavuzangev+ Pol+ kamwaaimwa' maal+kegaa' n+im+ sainy+ ay+na walaaw+deiny+ra.

⁵ Sarev+daa'ny+ 'A'mwe sai kayaa'na yaker+nera,' di+pi+ja' Sizaar+iyana n+im+ji sar+im+ire a'mwe naangera walaawapi+ji kot+iyaba gam+ire kayaa'nanya'na ny+di+pi+de'nany+ra."

⁶ Y+ri+ka pi+jaa' (8 d+ingako? 10 d+ingako?) Jeruzaalem+ kum+nyaba Pez+taazai mwaal+ina yaka Sizaar+iyana walaaw+ina ya'. Walaaw+ina yaka mwanya pi+ri+vi+ kot+n+amwaa+isaba walamwaina yaka wida'

“Polim̄i d̄imakabyila!” ⁷ Kuda' sai bil'ma'na kya' Juyara Jeruzaalem̄idaasara gam̄inyaba daav̄ina yeva gam̄inȳina wide' “A'mwe sai kayaa'nanya naanga kwalaalya ya'. Sana sana ȳina ya'.” Sara yesara yagaala nebulya'na Pezitaazari mujiwaaki ye'. ⁸ Mujiwaaki kye' sahwai kum̄ire yagaalya'na wir̄iv̄ikira' “N̄im̄i kayaa'nanyabwi myad̄inyainȳira. Juya Ne s̄innaw̄inyaraav̄ire K̄iw̄inya kayaaka migalye. Gotiyare Angev̄i gir̄ika mȳigalakyē. Rom̄i maremwaaidei a'mwe naanga Sizaar̄ina kayaa'na migalye.” ⁹ Sara kuda' Pezitaazai yawi'na “Juyara yilaaya yip̄i'de'na!” Yawi'na yaka Polim̄i ȳiwaara'na ya' “Jeruzaalem̄ina wawa'ḡizi saba n̄im̄inyaba kotiya d̄inaadeiḡi daaka?” ¹⁰ Sai w̄ida' “Rom̄iyaih̄ire kotiyaba daa'manige. Kotiya da' daana! Gim̄i saiḡi nayaa yawi'mwaana 'Juyaraav̄ina Poli kayaa'na migalyakelȳira.’ ¹¹ Sarev̄idaa'nȳi Rom̄iyaraav̄ire k̄iw̄inya kayaaka ȳigaimuji kwaji 'Ḡnnya kayaa'nanya'na ḡiramakaanneigi,' nȳid̄ip̄iji kwaji yagaala mujainȳi kabaimud̄ikeinȳira. Sa'na kir̄i' kum̄ire yagaala n̄im̄inȳina kwaasi yagaala d̄imanigasa'na manȳijaav̄innera! Kwaaka yuyanḡi maremwaaidei Sizaai n̄im̄ire yagaala w̄i'nana!” ¹² Sara kuda' Pezitaazalȳi gam̄ire s̄idu'nakeraji d̄inȳina kye' Pezitaazai w̄ida' “ ‘Sizaai n̄im̄ire yagaala w̄i'nana!' ned̄iwaanya'na Sizaaryaw̄inna kaḡithaasa'muji d̄iwodeiḡinȳira.”

Aahiripaaji Benaazasi sawaaryaba Poli daavake'nesi.

13 Divi pigaa' Anga Sizaariyana Kingiya
 Aahripaaji a'mwe Benaazasi Ga'maaniya
 Pezitaazari angyiri'maasa'na yi'ma'na yagi.
 14 Yi'ma'na kyagi sawita pini jinnadaasi
 Pezitaazai Kingiyari Polimina wijiwaakina ya'
 "Dava Ga'maaniya Pilikizai a'mwei kalavuzari
 ya'ma'na kya' sai mwaali'. 15 Jeruzaalemi
 yilaawegaa' Juyara Gotiyarina mubithika
 yira'divita naangeraji a'mwe naangeraji
 sarina nyideva nyide' 'A'mwe kayaa'nanyari
 duthathera "Kayaa'na yigalaginya'na
 giramakaadeiginyi." 16 Sara kanyide'
 kiri' wide, 'Romiyaina sara myadaanyainera.
 Pwara kotiya' pwarina dinapiji a'mweryaba
 madaayapiji kotiyagaala sa' muji kyapiji
 a'mwe sari yaasiwatamya myanneinera!
 Aawa, a'mweraji a'mwelyi kotiya' nayaa
 dinapiji tewaanyabwi yima'nadevulyira'.
 Sara wide. 17 Sarevidaa'ny'i davanna
 walaabesagaa' myemwaalyi yena kiri'
 yirika gave pirivi kotinamwaalisaba yarai
 walamwaaina yena aawilasaraavi widiwa'de,
 'A'mweri dimakabyila!' 18 Sara widena
 'Gamire kayaa'nanya naangenna kotiya'
 widipi'dera,' yaw'muneinyi kamwaaimwa'de
 gaminyi maanga widivanigasara daaveva
 kayaa'nanaange'na manyijiwa'daava. 19 Aawa,
 kumirebwina maanga widiwa'daava. Sai
 kumi sahwaraavire Gotiyarina yilaaya gevwi
 yivani'. A'mwe pwai baryai Jizaazai wo'nikerina
 maanga widiwa'daava. Sarina Poli 'Jizaazai
 mwaalikelyira,' dadelyira. 20 Yuya dangina
 yawi'na ye, 'Yagaala nebulya' garane' dingaka?'

Yawina yena Polimi yiwaara'na yiwa'de, 'Jeruzaalemina kwawakwoihiji yagaala savina kotiya' yihu'nideinyi daaka?' ²¹ Sara yiwaara'na kywa'de kiri' sai nyidiwa'di' 'Aalo, sawinna muwineinyi. Kwaaka yuyangi maremwaidei Sizaai nimore kotiya' wi'nana!' Sare'na kalavuzangevi wothaayaraavi widiwa'de, 'Kalavuzangevi dari nayaa dumwaihyila! Divi Sizaaryawinna wasidehaa'nanyira.' " ²² Kuda' Aahripaa Pezitaazari wida' "Nimore simunya' daresti. Nimi sainya a'mwe nyidiwaanyari kadika wi'nima!" Pezitaazai wida' "Mwanyavi kamakaba'muji kadika du'nadeiginyira."

²³ Sarevidaa'nyi yirika pirivi Aahripaaji Benaazasi sawaai baazi'ma'nya nawi'nya marabaazi'ma'nyina yagila nigwilalaaka nawi'nya mararina yagila yagaala wi'nya'nebanna wina kyagi aawilasaraavi maremwaaidivita naangeraji angaba mwaalya naangeraji sawarina yilaaya marina wieva angevina nayaa jivwaramakuna ye!. Jivwaramakuna kye' Pezitaazai sara kuda' pwara Polimi makabina ye!. ²⁴ Makabina kye' Pezitaazai wida' "Kingiya Aahripaagi, pwaihi dava mwaaihasaihi a'mwe dari dangamanigava! Juya yuyara dava mwaalyaraji Jeruzaalemi mwaalyaraji sara gaminyina kotiya' nyidiwa'daa!. Jaka naanga nyidiwa'daa' 'Sai mamwaalannera!' ²⁵ Jaka sara kanyidiwa'daa' dara bi'mwa'de' 'Ai, a'mwe dai tamakya'na kayaa'na migalyawalyaadikei daaka!' Kadwa'de sahwai nyidiwa'di' 'Kotiya' Sizaai wi'nana!' Sare'na mena

yawì'mwa'de. Sizaaryawìnna waasìdeinyìra.
²⁶ Sara yawì'mwa'de kìrì' gamìnyìna Sizaarì
 pìkarya gara yavìkaridelaka? Savìna Kingìya
 Aahìripaagìjì yuyaihìlyì saihìryabanna sarì
 makabìna yìwana. Gamìre yagaalyavì
 kadìka wì'napìjì nyìjìla! 'Sana sana Sizaarì
 pìkarya javìkarya!' ²⁷ Sare' dare'nesì. Nìmì
 dìwa 'Kalavuzarìna gamìre kayaa'nanyabwi
 myavìkari yìde' yaasìwa'na yaasìde'na
 teawaanya' mìka!' sara dìwana," wìda'.

26

Aahìripaamyaba Polì gannyabwi
wìjì'waakake'nesì.

¹ Aahìripaa Polìmì wìda' "Gìmìnyìne yagaala
 dìnedana!" Kuda' sai gannya asi makina yaka
 gannya yagaala wìda'

² "Kingìya Aahìripaagì, dahaa' nìnnya
 yagaalya' githìde'na yìlaaya yìvanìge. Juyara
 nìmìnyìna kotìya' wìdadìvìsa'na githìde'nanyì.

³ Juyainaavìrebulyì Juyainaavìre yawìta ge gejì
 sangìna sìdu'nakeigìnyì. 'Sara yawì'dìnyavì
 nìmìre yagaala naanga nayaa du'nana!
 dìragìnna githaangamanìge.

⁴ Maalìkeinyì mwaalegaasì yuyagaasì
 dahaasì mwaaidìnya'na Juya yuyara
 nyawì'mwaava. Anga Jeruzaalemì
 nìmìre anga naanga pimagìnyaraayawì
 mwaaleinyì. ⁵ Sareinyì yawì'mwaava.
 Nabaai 'Wìdaana!' dìpìja' dara nedìpìka!
 'Sinnawìdaa'nyì Polì Perìzìyaraavìrebwi
 dìragìnna mìdìdelyì.' Perìzìyaraavìrebwi

naangebulyi. Pibura maalikiburera. ⁶ Gotiyai Ne sinnawinyaraavi yune naanga nebulya'na wijaake'na yemwaaimanige'na dahaa' kotiya' nyidivanigasa'na daa'manige. Sarevi Juya yuyaina yemwaaimanigo. ⁷ Sawitagaa' yirikagaa' Ne sinnawinya siviliraii ata puridaasi pwaraalyaraavireina Gotiyari yilaaya yadaanyainera. Yadaanya'na Gotiyai Ne sinnawinyaraavi wijaake nebulya'na yima'nya'na yemwaaimanigo. Nabaai, nimi sara yemwaaimanige'na, Kingiyaigi, Juyara kotiya be'na nyimarivanigava! Kumirebwina! ⁸ Juyaihi, Gotiyai baryara yidikaavade'na be'na yivanigava myawirinanyava! (Naange' daaka!)

⁹ Kigaa' dara yawi'na ye, 'Jizaazai Naazareti mwaalyare yayaviji gamireraaviji kayaa'na yuyanna wima!' Sara yawi'na yena Jeruzaalemi sara yina ye. ¹⁰ Sara yina kye Gotiyarina mubithika yira'de naangera widaasina kanye' kalavuzangevi Gotiyare tewaanya kwalaalyaraavi wimwaaihina ye. Pigaa' pwara dinyina 'Jizaazarera baibizara,' dinyina kye' nabaai nimi 'Baibi'derera,' wide. ¹¹ Sara widena naangegaa' Juyinaavire Lotuanga yuyangi pwara saraavina widina 'Diramyila!' Jizaazareraavi wide 'Jizaazari birala widapiji gamire limwangebwi dimarasi'nyila!' Divi sahwaravina nimore sinna tika nyida'daa'nyi Menyaraavire angebanna yiwinama'na kyapiji sabanna kuminyina kayaa'na yigalya'na kaanna wina ye."

*Polì Kìraazitìyarei yìma'nakei wìdake'nesì.
(Apozeliyara 9:3-19; 22:6-16)*

¹² Polì kuna wìda' “Jìzaazareraavì kayaaka yìgalìma!’ dena sare'na kude Gotìyarìna yìra'dìvìta naangera paaziya' nyìjaaveva Anga Damaazìkazìna kumìre wawìnya'na wìdaasìna nye'. ¹³ Wìdaasìna kanye' Kingìyaigì, sìrìgwajahaa' tusavì dara wanganage' ‘O, sìgunyavìdaasì baaka naange' nìmìjì a'mwera ye'mwannìgwodaanyarajì sainaayaba damwadìwaka!’ Nyìlyai maalìkelyì. Baaka sa' naangesìra. ¹⁴ Sara kade kwaakevìna yuyaina wala'na kyo Yìvìruyagaala maanguraayavì wì'ne, ‘Solìgì, Solìgì, kayaa'na be'na nyìgaimanìgìna? Bulìmakaawoyai “Aala!” dìna yaka gyakware yìta yesa yìnìke' sìvìlyasì tamìna kyìwa' daanga wìvìmwakabaaibì' gìmìre Gotìyarì kayaa'na kyìwaa gìmìnyìna daanga gìvìmanìka.’ ¹⁵ Wì'nena yìwaara'na ye ‘Naangeigì, aaihwaigìnaka?’

‘Kayaaka nyìgaimanìgìnyainyì Jìzaazainyìra. ¹⁶ Sahwainyì kìrì' gìmì dìthaaka! Sare' dare'nesì. “Nìmìnyì nyìdaayìdeigì nyìjalìkurakìdeigì jìma'nana!” dena gìthahìlakìde'na bìweinyìra. Wawa'gìzì dahaa' nìmìnyìne dìragìnya' wangamwaanya'na pwaraavì duzalìkurakìdeigìnyìra. Sara ya'gìzì dìvì pìnìna gìzìwaainìde'na duthatheigìnyì. ¹⁷ Yìzìrelìyarajì ajìmya yuyangìyarajì saraayawìna kagìthaasa'mujì gìmìnyì kayaaka kagyapi gìvadaihasamaarìdeigìnyì. ¹⁸ Wìdaasìna kagya'mujì gìmì wawa'gìzì pwaraavìre sìduta mudìke duzaadeigìnyìra.

Saataanimire jihinyavi mwaaidivisaraavi
 nimire baaka nawi'nyavina yibwaramakuna
 jitheiginira. Saataanimire kwaasidiraginya
 wasi'napiji Gotiyare diraginaanga
 limwabi'derera. Niminyi kanyilimwagapiji
 kumire kayaa'nanya marasi'niderera. Kama-
 rasina'muji Gotiyai dahilakakeraayabanna
 sahwaravivi wimwaaihadelyira,' Naangei sara
 nyida'.

Poligannya wawinya'na wijawaakake'nesi.

¹⁹ Sarevidaanyii Aahiripaa Kingiyaigi,
 sigunyavidaanyii sara wane' sara
 midimweinyira. Sabwi mamarasi'nyawa.
²⁰ Aawa. Sinnawi Anga Damaazikaziji
 Anga Jeruzaalemiji sabanna wijawaakina
 ye. Divi Kwaaka Juthiya yuyabaji ajimya
 yuyangiaraavirebaji avaina wijawaakina ye.
 Ayabwi wasi'nadivi' mudikebwi Gotiyarebwi
 jawiramaarila! Sara yapiji 'Mudikebulyiyaina
 sare yaana!' dapiji a'mwera tinna wanganya'na
 nayaa sara jila! ²¹ Sareinyi ye'na Gotiyare Angevi
 Juyara galalimwanna nyeva nyirame'. ²² Kigaa'
 yuyagaasi dahaasi Gotiyai nyivainadevidaanyii
 dava daavina yena a'mwe naangeihiriji
 a'mwe maalikeihiriji yuya sahwaihiri Gotiyare
 yagaalya' yihizalikulakivanige. Yagaala sa'
 mudike' daaka! Aawa, Ne Mozizalyi Gotiyari
 wina'wawijawaakadivisaraji sara avaina mena
 nejaasaira. ²³ Dara nejaa' 'Gotiyai dahilakakei
 Kiraazitiyari daanga naanga kuvinoji baloji
 sinnawinyai kwaihwainakei dikaavadelyira.
 Divi a'mwe yuyara dikaapi'derera. Dikaavoji

a'mwe sainaav+naji ajimya yuyangiyaraav+naji sainaav+na nedathe' "A'mwera Gotiyare nawi'nyaba baakeba mwaabi'dererera." Yi sahwai baaka naange' a'mweraav+na wijiwaainadelyi.' " Poli sara wida'.

²⁴ Poli koti'ya'na sara widadaa'nyiyagaa' Pezitaazai jaka wida' "Poligi aa'neiginyi. Bukuya naanga wanganagila naanga yawiragila sidu'maayaigi dahay+ma'nivanigina?" ²⁵ Sai wida' "A'mwe naangeigi, Pezitaazaigi, aa'neinyi mika! Aawa. Yagaala yihithiwe nebulyasira. Yagaala sidu'nakenna yihithiwa. ²⁶ Kingiya Aahiripaagi, sare' dare'nesi. Sahin+na yawi'mwaanya'na diragina githiwa. Yuya, yihithiwe dara yawi'mwaanya' 'O, sara sara daaka!' Lika myulyaryakengira. Sare' dare'nesi. A'mwera tinna wanganyaba ku'maayaba yakengira. ²⁷ Kingiya Aahiripaagi, Gotiyari wi'nawijaasaraavire yagaala dilimwamanigina? Sare'na dara yawi'mwe' 'Aahiripaa kumire yagaalya' mena wi'nivanikei daaka!' " ²⁸ Kujaa' Aahiripaa sahwari yarai wida' "O, nyidiwaanya'na Kiraazitiyareinyi yarai yima'njiwana!"

²⁹ Poli wida' "Gotiyari widivanige. Maalikegaa' dingaka? Naangegaa' dingaka? Aahiripaaji pwara kadika nyu'nivanigasaraji sara nimib+sara yima'nipika! Sara kiri' seni'abaraji nyivwiy+nikeinyira. Sahwara seni'maayara Kiraazitiyarera yima'nipika!"

³⁰ Sagaa' Kingiyalyi Ga'maan+ya naangelyi Be-naazasi pwara yuyaraji daav+na yeva ³¹ ya'ma'na yeva dinyina ye' "Tamakya'naji kalavuzangevi

mwaalya'naji a'mwe dai kayaa'na myadelyira.”
³² Sara dinyina kye! Aahiripaa Pezitaazari wida!
 “Pezitaazaigi, a'mwe dai ‘Sizaai nimirre ya-
 gaalya' wina!’ mujazi kwaji ‘Ginnya angevina
 diwona!’ kudithika!” wida!

27

Anga Romina sipiya' Polimi makwawake'nesi.

¹ Ga'maaniya naangei neminyina dina
 “Kwaaka Yitaalina sahwarawipika!” Dina
 yaka Juliyazari Polimiji kalavuzaraaviji
 marimwangina neya!. A'mwe Juliyazai
 Ohazitaazare Aawilasaraavi maremwaidelyira.

² Wijaavina kaneya' sipiya' Anga
 Athiraamityaamidaasavi yilamwaaina
 yo. Yilamwaaina kyo Kwaaka Eziya
 maangebaarine sipiya sa' nemakwawo!. A'mwe
 pwai Arizitaakazai Kwaaka Maazathoniya
 Anga Tezalonaaika mwaalyai nemijiyalyi
 nemakwawo!.

³ Nemakwodaasi Anga
 Saaithonina yimavaawina yo. Yimavaawina
 kyo Juliyazari Polimina kale kwia' bwiwana
 widina ya! “Dava mwaalyara gya'mweraayawi
 angyirimaata ja!” Kuda' Poli kwawa'
 gya'mwera wapaayaji piniji wijaavina ye!.

⁴ Wijaavina kye! divi sabadaasi sipiya' kaanna
 wina yaka Ahu'manna Saaipiraazi pimagi
 yihuta naange' yake'na sina mwiyi yaka
 Saaipiraazi pimagi yihuta maalike' yakeba
 wavila'na ya!. ⁵ Wavila'na yaka Kwaaka Siliziya
 Kwaaka Paabiliya saalaalyavi ga'ma'na yaka
 Kwaaka Liziya Anga Maaira mannikebanna

makuna neya'. ⁶ Makuna kaneya' aawilasaraavi maremwaaidei dara wanganake' "Ai, sipiya piri' Anga Alekizaadiriyaadaasa' Kwaaka Yitaaline' daaka!" Sara daka sipiya savi yilawimwaaihina neya'.

⁷ Sawita pijaa' yihuta'na sipiya sa' kave kave makuna neyaka sipiyavi wawinya yadivisara wawinya naanga yina yina kye' Anga Naaithaazi sabanna kave makuna neya'. Kave makuna neyaka simagi yihuta naanga'na mamakwiyi neyaka pimagi Ahu'manna Kiritina yihuta naanga maayaba makuna neyaka kwaaka maalika Saalimoni wavila'na ya'. ⁸ Wavila'na yaka saalaalyavi maangebaari maalikeba wavila'na kya' sipiyavi wawinya yadivisara wawinya naanga yina yina kye' Sipiya Wila'de Nawinyaangebanna kavena yima'na ya'. Sipiya Wila'de Nawinyaangeba Laaziya aya kiba warikebanyira.

⁹ Saba yemwaaina yemwaaina kyo Juyara wapaaya manyadivisagaa' mena wavila'na kaneya' yiraaya wanangegaa' yima'nyina ya'. Wanangegaa' yima'nyina kya' sipiya yarai kayaakegaa'na Poli wida' ¹⁰ "A'mweihi, dara wangamwe' 'O, dahaasagaa' sipiya kayaaka yadehaa' mena jiwaka! Nabaai, nemire sipiyasi sipiyavi gilyivisa wila'di'nyiyaji sa gave kayaaka yade mi'. Aawa. Nemi a'mweinaaviji kayaaka neyade'na daaka!' Sara dena mwawaannera!" ¹¹ Sara kuda' kiri' aawilata maremwaaidei sipiya' maremwaaide naangelyi sipiyavi gyakwalyi saraai widahilya' wi'nyina ya'. Polimire yagaalya' mu'nyi

ya'. ¹² Saba burikeviji yihusaviji sagaa' sipiya' warya' kayaa'nanyasira. Sa'ne' sipiyaviyara naangevaakiyara yawi'na ye' "Kayaaka naneyigaladika! Sipiya' saalaalyavi wawaka anga nawi'nya' Pinikizina nemakwona! Saba yihusagaa' mwalaadeinera." Anga saba yihusanna lika yulyarikebera. Nyila walakadimagi warikeba.

Saalaalyavi yihuta naange' kayaa'na yake'nesi.

¹³ Divi saalaalyavidaasi yihuta maalike' yadaa'nyi a'mwera yawi'na "Tewaanyasi. Dimwo'na kaanyaana!" Yawi'na yeva wila yaarina kye' Ahu'manna Kiriti maangebaari sipiya' makuna neya'. ¹⁴ Maalikegaa' makuna neyadaa'nyi sagaa' yihu'maanarya' Notizita wo'nike' ahumannyavidaasi yarai yina. ¹⁵ Yarai yina yaka sipiyavi yitavamakuna kya' sipiya' sina yina mwiyi kya' nemi yawi'na "Yihuta naange'na sipiya' yitavamakwawana!" Yawi'na kyo yihusa' yitavamakuna ya'. ¹⁶ Yitavamakuna kya' Ahu'manna maalika Kothaa yihuta kibaweyaba a'mwera "Botiya maalike' kayaaka nyadika!" deva botiya maalike' dusimagi warake'na wawinya naange' yona yilamaarakina yo. ¹⁷ Nemijiyara botiya maalike' mwagi'namaa'na yeva sipiya' naangevi yilamarakina ye'. Yilamarakina yeva "Sipiya' diraginya yivaimwagaana!" deva wilyaji yunebanna pwiyina ye'. Pwiyina yeva "We', siwekeyaba Kwaaka Livya (Kwaaka Apirika) nemi sipiya' kayaaka nyadika!" deva

sipizeliya' yivita naangeva'bisa' marapwiyina kye' yihuta sa' sipiya' yitavamakuna ya'.
 18 Yitavamakuna yaka yirika piriki yihuta naange' kuna kya' "Sipiya' tewaanya warade'nanyi," deva saalaalyavina sipiyavi wila'dinyiya gaai marasi'na marasi'na yeva
 19 yirika piriki kunnya asaji sipiyavire gilyivita taanga marasi'na ye'. 20 Marasi'na kye' kayaa'nanyagaa' yirika piningi nyilyalyi silingaaminyarikaji saraavi tinna mwanganyi mwanganyi kyo yuyagaa' yihuta naange' kuna yina yina ya'. Kuna yina yina kya' nemi yawi'na "We', yuyaina mwalaadeina mika! Balaadeinera nemi, we'."

21 Sawita pijaakuna a'mwera manyadaapiji kuminyi tinnyaba Poli daavina yaka widina "Nya'mweihi, yihithiwija' wi'napiji kwaji Ahu'manna Kiriti mya'mayi kyipidika. Sara yipiji kwaji kayaaka kaneyadi' mi'. Sara yipiji kwaji sipiyaviya gilyivisa mamarasi'nyi kyaadika! 22 Sa'na kiri' naanga yihithima! Lika mipinera! A'mwe yuyaina mabalyi yaadeinera. Sipiya gave' kayaaka yinadesi. 23 Sare' dare'nesi. Nimi Gotiyareinyi Gotiyari yilaaya yadinyalyi. Sawisavi Gotiyai sare ejeliyai niminyawinna baka 24 nyijawaali' 'Poligi, lika minna! Kayaaka gyatheigi mi'. A'mwe naangei Sizaaryaba dithaa'deiginyira. Nabaai, Gotiyai giminyina yange'na yihigaimwamanike'na sipiyavi wilaamwaihata yuyaraji tewaanna dimwaalyideihiyira.' 25 Sara nyijawaalike'na lika mipinera! Sare' dare'nesi. 'Gotiyai nyijawaalike' nebulya'na yima'nadesira,' sara

limwaga'manige. ²⁶ Sa'na kiri' ahu'manna pirivi nemire sipiya' kayaaka yinadesira,” wida' Poli.

²⁷ Yihu'maanarya' kuna yadaasi sawita kwalaalya (14) nevilavakegaa' sawita savi saalaalya Methitiraniyani sabanna yihusa' nemire sipiya' yitavamakuna ya'. Yitavamakuna yadaa'nyi sawita kalawawegaa' sipiyavi widaayadivisara simunya dara yawiresa' “Ai, aya kiba kwaakeva' darika!”

²⁸ Sara deva aalyavi wilyabaai taanginya pwiyinikebaai makwaasina yeva yaamiji wanganeva aalya damwineba saaminaanga mitaaya 36 tinna wanganna ye'. Tinna wanganna yeva divi maalikegaa' wilyabaai ayawi makwaasina yeva aalya damwineba saaminya kibawe mitaaya 27 tinna wanganna ye'.

²⁹ Tinna wanganna yeva lika yina yeva “Silaangengi nemire sipiya' kayaaka nyadika! Dava sipiya' warade'nanyi. Sipiya' nawodika!” deva sipiyavi dusimagi kwaari'mayaginya nadiya dawaai dawaalyangi makwaasina ye'. Makwaasina yeva “We', yirike' yarai purana!” deva tibariyagaala dina dina ye'.

³⁰ Tibariyagaala dina dina yeva sipiyavi wawinya yadivisara dinyina ye' “Nabalaadika! Davidaasi kaanyaana!” Dinyina yeva pwaraavi kwaasi widina “Sipiya sinnyimagi kwaari'mayaginya nadiyangi wakaana!” Kwaasi widina yeva aalyavi botiyavi lika yulya'na walakina yadivi' yadaapiji ³¹ Poli tinna wanganaka aawilasaraavi maremwaaidelyi aawilasaraji saraavi widina ya' “Sipiyavi wawinya yadivita dara milamwaalyipija'

tewaanya myivainyi jideihilyira.” ³² Sara widina kya' aawilasara botiya' pwiyinike wilyangi yarai yesiwi'na kye' aalyavina gami sa' wina ya' botiya'.

³³ Yirikunyagaa' wapaaya tika nya'na Poli yuyaraavi naanga widaangana' “Yirika atiraai sivila puridaasi dawaai dawaai nevila'daasi simunya kwalaalya yawi'divi' wapaaya manyadivi' mwaaimanigasaihilyira.

³⁴ Naange'nanyabwi yihithima! Wapaaya dinyila! Sare' dare'nesi. Napiji diraginya dimwaalyidera. Yuyaihi, kayaaka jinyideihi mi'. Sare' dare'nesi. Sarimire mijata aane piri' kiri' kayaaka yade' mi'.” ³⁵ Widina yaka Poli girikula maarina yaka kuminyaba Gotiyari “Su! Su!” widina yaka girikula gunyina yaka nyina ya'. ³⁶ Nyina yadaasi yuyara pwara Poli yakabaaibi' diraginna yina yeva wapaaya nyina ye'. ³⁷ Sipiyavi nemi yuyaina a'mwe 276 mwaaloinera. ³⁸ Yuyara wapaaya mena neva “Sipiya taanginya' daaka!” dineva aalyavi witezila yuya marasi'na marasi'na ye'.

Sipiya' kayaaka yigalake'nesi.

³⁹ Yirika mena purina kya' sipiyavi wawinya yadivisara kwaakeva' tinna wanganeva dinyina “Kwaaka be kwaakavakaka?” Dinyina yeva dara wanganesa' “Keiba teawaanyaba daaka! Siweka gaveba daaka!” Deva “Maangebaari nawi'nyabanna sipiya' wilaawana!” dinyina ye'. ⁴⁰ Dinyina yeva kwaari'mayaginya nadiya pwiyinikebara yesiwi'na kye' aalyavi wa'di'nyi palaaniya saaminyawaai sipiya'

ginyiwannakewaai pwi+yinikebaraavi yaarina. Mena yaarina yeva “Yihusa' nemakwawana!” dina yeva sinnyimagi seliya maalike' timudaakuna kye' maangebaarina sipiya' wina ya'. ⁴¹ Wina yadaasi aalya amwinevi ahu'manna wekejiki tamaka pibanna mwiyi yina ya'. Sipiya sinnya' diraginna warina yadi'nyi dusimaginiya' aalyasi yihusasi diraginna diraginna tamina yina kya' sipiya dusimaginiya' kayaaka yinyina yaka warina ya'.

⁴² Aawilasara yawi'na “Maangebaarina kalavuzara li'napiji likaanya nupidika! Tamakaana!” ⁴³ Yawi'na kye' kiri' aawilasaraavi maremwaaidei yawi'na “Polimi yivainima!” Yawi'na yaka “Saraavi maramakipinera!” Widaka yuyainavi neda' “A'mwe pwaihi li'nadivisaihi, aalyavi dikwosti'napiji maangebaarina dili'nigulaawila! ⁴⁴ Pwaihi, palaaniyaji yisaji kalimwagapiji maangebaarina yihusa' yihitawaasadera.” Sara widina kya' sara yona maangebaarina yuyaina tewaanna yi'ma'na yo.

28

Ahu'manna Molita mwaalesa'nesi.

¹ Kwaakevaki tewaanya mwaalogaa' dara yawiro' “O, ahu'manna da' Molita wo'nike' daaka!” ² Burika nevadaa'nyi yirila nedadaa'nyi saba mwaalyara a'mwe tewaanyara neminyina kale maali'na muya'. Sare' dare'nesi. Sahwara dika yira'na yeva “Yuyaihi, dikevi jimwannyila!” nede'. ³ Kanede' dika savi

kamwaalo Poli dikewaka marikwa'na yaka dikevi bulyira'na yadaasi naawinaanyai dika kwi'na' dikewakidaasi bwalyuna yaka Polimire asavi tika bwalyada'na ya'. ⁴ Tika bwalyada'daasi naawinaanyai gamire asavi lingwire'na kya' Maavera saba mwaalyara tinna wanganeva dine' "A'mwe dai a'mwe pware tamakakei kirr' naawinaanyai kada'mwa' kayaa'nanyai balannelyira. Saalaalyavi balanne kwai yiwakei baladelyira." ⁵ Kadine' Poli naawinaanyari dikevi maririkurasi'na yaka kayaa'na myima'nyi yaka tewaanyai mwaalina ya'. ⁶ Tewaanyai mwaalaka mwaalaka kya' "Sare asa' milamakina yade' dingaka? Yarai balina yadei dingaka?" Sara deva yemwaaina ye'. Yemwaaina yemwaaina yeva dara wanganesa' "Ai, tewaanyai kuna damwaalika!" Deva siduta pibwi yawi'na yeva dinyina ye' "A'mwe dai Gotiyaibisalyira."

⁷ Sabadaasi aya kiba wawinya pini warina ya'. Wawinya sangi gyakwai Pavilaazai ahu'manna savi maremwaaidelyira. A'mwe sai kale wiadaa'nyi neda' "Nimire angevi angyirimaata nyila!" Kaneda' sawita dawaai dasavi wa'mwa'na yo. ⁸ Pavilaazare ganimaangei kilaakeji' di'mudinakei likulya tinakei warina ya'. Gannya yibinyavi wa'dinyi' ku'dikevi Poli wilaka gaminyina Gotiyari widaka asawaai kadathiwaga' nabalya yarai yiwina ya'. ⁹ Sara kya' ahu'manna savi mwaalyara nabalnakera kadika wi'neva neminyawinna bina kye' Poli tewaanna yina ya'. ¹⁰ Savidaasi yanga naanga wijaavina neyeva divi

sipiya' nemakwawakegaa' sipiyavi neminyine wapaayaji aalyasi yivisaji saza wilakina ye'.

Molitadaasi Anga Rominesi.

¹¹ Lawe dikaai di' ahu'manna savi mwaalona sipiya pirivi ylamwaaina kyo makuna neya'. Sipiya sa' Anga Alekizaadiriyadaasa' burikegaa' ahu'mannyavi warakesira. Sipiya sa' yaya' Kaazitoji Polaakizalyi giramiraalyaraalya' wo'nikesira. ¹² Makuna neyaka anga Saairakyuzina yimavaawina kya' saba sawita dawaai dasavi mwaalina yo. ¹³ Mwaalina kyo sipiya' makuna neyaka anga Riziyaamina yima'na ya'. Yima'na kya' yirika pirivi dusidaasi yihusa' yina kya' sawita dawaai kajinna' anga Pyutyolaaina sipiya' yarai makuna neya'. ¹⁴ Makuna kaneya' dara wangano' "Anga davi mwaalyara pwara neya'mwera daaka!" Sara kado sawara yawaara'na neye' "Wikiya piri' dava dimwaalyideihi daaka?" Yawaara'na kaneye' saba mwaalina yo. Mena mwaalina yona Romineina kwaakaanya wina yo. ¹⁵ Kwaakaanya wina yadaawoji Romi mwaalyara neya'mwera neminyina kadika dara wi'nesa' "Poliji pwara Kiraazitiyareraji jinigava!" Sara deva pwara Maaketiya Aapiyaazina wijimaa'nyina kaneye' pwara anga Se Warya Dawaai Dasabanna wijimaa'nyina neye'. Wijimaa'nyina kaneye' Poli kuminyi tinna wanganaka Gotiyari "Su! Su!" widina yaka gamire simunyavi yivaimwangebwi maaraka yilaaya yina ya'.

Anga Romi Poli mwaalake'nesi.

16 Romina yi'mavaawina kyo ga'maaniyara nede! "Polî kalavuzangevi mamwaalyi yade'na ange'na biroji savi mwaaladelyira. Aawilata pwai damelyi mwaaladelyira."

17 Yirika dawaai dasa kavura! Polî Juya naanga mînyaginyaraavina yikabya'na yagaala widaasina ya'. Widaasina kya' a'mwera yikabina kye' wida! "Nya'mweihi, nemire Juyaraavina kayaa'na myeinyira. Nemire Ne sinnawinyaraavirebwi kayaa'na myeinyira. Sara mi kye kirî! Jeruzaalemi nyivwiyeve kalavuzainyi Romiyaraavi nyimarimwange! 18 Kanyimarimwange!

Romiyara nyiwaaraveva dara yawiresa! 'O, a'mwe dai balya'na kayaa'na myakei daaka!' Sara deva dinyina 'Kalavuzangevidaasi yune'na widasaana! 19 Dinyina sara kye' Juyara wide! 'Arikawinyi.' Sara kude' nîmire anga naanga simaginya sahwaravina 'Kotiya' yagaainakeinyi yiderera,' mujena 'Gave pi bwina darika?' dena wide 'A'mwe Naanga Sizaai kadika nyu'nana! 20 Sarevidaanyî

yihwanganide'naji yithithide'naji 'Jikabyila,' sara widasaabiwa. Sare' dare'nesi. Yizireliyaina pwai sigunyavidaasarina yemwaidaanyarina seniya nyivwiyinikeinyi mwaaihe." 21 Kumi wide! "Giminyina Kwaaka Juthiyadaasa paaziya mamaaryona. Sabadaasara neya'mwera giminyina maneje! Giminyine kayaa'nanyanna sahwaravina maneje! 22 Manejesaina gimire yawisa! kadika wî'naanneinera. Sare' dare'nesi. Yuyaba a'mwera gimire Kiraaзитiyaravina kayaa'na widadivi!, nabaai, kaneda'gizi kadika

20 Sarevidaanyî yihwanganide'naji yithithide'naji 'Jikabyila,' sara widasaabiwa. Sare' dare'nesi. Yizireliyaina pwai sigunyavidaasarina yemwaidaanyarina seniya nyivwiyinikeinyi mwaaihe." 21 Kumi wide! "Giminyina Kwaaka Juthiyadaasa paaziya mamaaryona. Sabadaasara neya'mwera giminyina maneje! Giminyine kayaa'nanyanna sahwaravina maneje! 22 Manejesaina gimire yawisa! kadika wî'naanneinera. Sare' dare'nesi. Yuyaba a'mwera gimire Kiraaзитiyaravina kayaa'na widadivi!, nabaai, kaneda'gizi kadika

22 Manejesaina gimire yawisa! kadika wî'naanneinera. Sare' dare'nesi. Yuyaba a'mwera gimire Kiraaзитiyaravina kayaa'na widadivi!, nabaai, kaneda'gizi kadika

wi'naadeinera.”

²³ Piḡaa' Poliji Juyaraji dahilakesagaa' yima'nyina kya' gaminyawinna a'mwe kwala naangera bina ye'. Mena bina kye' sagaa' mwanavidaa'nyi sawitirinyagaa'na Gotiyai diraginna nemaremwaaide'na Poli wijalikurakina wijalikurakina ya'. Sana yada Ne Mozizare kiwinyangiji Gotiyari wi'nawijiwakyaasaraavire yagaalyangiji Jizaazar+ nayaa lmwagasa'na wiijiwaaka'.

²⁴ Kujwaaka' pwara gamire yagaalya' wi'nesa' kiri' pwara mu'nye'. ²⁵ Sara yeva yagaala kwalaalya dinyina kye' yagaala piri' Poli wida' “Kigaakuna Kuryai Tewaanyai Gotiyari wi'nawijiwakyaakei Piropetiya Azaayari nebwinakujaa' sarimire Ne sinnawinyaraavina Azaayai sara wijaa'.

²⁶ Wijaake' dara dinike' 'Wawa'gizi a'mwe daraavi duthathera

“Kadike'na wi'nyina yapiji myawiramaari jideihilyira.

Tinna wanganna wanganna yapiji myawiranganyi jideihilyira.”

²⁷ A'mwe daraavire siduta kayaaka yinike'na

Kunnya kadika taanga tila'nyina yesara

Kunnya tinnya tibarya ya'na yesarera.

Sara myesa' kunnya tinna kwangabithika!

Sara myesa' kunnya kadika ku'nipidika!

Sara myesa' kunnya siduta kyawipidika!

Gotiyai dinika

'Kunnyabwi yagalya'mapiji kwaji

Niminyawinna ginyiwannipiwi kwaji

Kuminyi nayaa kyavada'gaimudika!' ”

28 Yagaala pirisi Poli wida' "Sarevidaa'nyi dara jawiryide' 'O, Gotiyai a'mweraavine padaihasamaasabwine yagaala ajimya yuyangiyaraavi duthaasiwaka!' Yihithivanige. Sahwara Gotiyare yagaalya' kadika wi'nipi'derera." 29 Poli sara kuda' Juyara pwara "Poli nebulya'na nediwaka," dadivi' pwara "Sai kwaasi nediwaka," dadivi' maanga kuna didivi' ya'ma'na ye'.

30 Kwarama pirawaai wavila'daasi Anga Romi Poli ange'na mubada saba mwaaida pwara angyiri'maata yadivisa'na Gotiyare yagaalya' wi'nya'ne'na Poli yilaaya yadelyira. 31 Yilaaya yada Gotiyai a'mweraavi maremwaaide'na widada Naanga Kiraazitiya Jizaazarina wijiwaakadelyira. Diraginna widada pwara gaminyi mujadiviki "Yagaala sa madinna!" Muji yadivikira.

**Yipma Genesis and New Testament
Genesis and The New Testament in the Yipma/Baruya
language
Buk Stat na Nupela Testamen long tokples Yipma long
Niugini**

copyright © 1993, 1994 Wycliffe Bible Translators, Inc.

Language: Yipma (Baruya)

Translation by: Wycliffe Bible Translators

Video recording © The Jesus Film, a project of Cru.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-07

PDF generated using Haiola and XeLaTeX on 11 Nov 2022 from source files dated 9 Oct 2020

ef60f748-49e3-5ee0-8e6d-a25b74b7a93c